

17



---

Ex Bibliotheca  
majori Coll. Rom.  
Societ. Jesu

54-F-65

54. 2. 69

54  
F  
65






DE CONFV-  
SIONE CALVINIANÆ  
SECTÆ APVD SCOTOS  
Ecclesiæ nomen ridiculè  
vsurpantis,

DIALOGVS.

*Per Archibaldum Hamiltonium Scotum  
nunc primum in lucem editus.*

*Coll. Rom. Soc. Jss. cat. inscript.*



*ex Lib.*


PARISIIS,

*Card. Tolos.*

Apud Thomam Brumenium in clauso  
Brunello, sub signo Oliuæ.

1577.

CVM PRIVILEGIO.







AD SERENISSIMAM

REGINAM SCOTIÆ

Epistola dedicatoria.



ITA qua in corpore hoc animalium uiuimus (princeps serenissima) quàmque naturæ beneficio acceptâ boni iuxta & mali, cum beluis communem ducimus, ab altera illa caelesti & à dei spiritu rege[n]itis tantum participata, licet plurimis nominibus dissideat, cùm eadem tamen legitime comparata supra modum conformis existit. Adeò ut quæ unius vel seruandæ, vel propagandæ, vel reparandæ ratio fuerit, eadem alterius aut sane quâ maxime similis esse videatur. Ea nimirum conditoris nostri in nobis sic creandis fuit bonitas, quæ se ad nostram infirmitatem demittens, per ea quæ sensibus in corpore percipiuntur, ad illa quæ in animis magis latent consimili modo curanda, nos veluti manu duceret.

*Id ita esse maiestas tua facile intelliget, si ad reli-  
quam tuende sanitatis rationem hominibus à  
Deo inditam, anatomicam corporum sectionem,  
& quem ob finem introducta ea fuerit diligen-  
tius considerauerit. Nam cum morbos mani-  
festos alios dieta frangere, alios exercitatione pel-  
lere, alios demum potenti herbarum virtute &  
potionibus profligare liceret: his vulgaribus ra-  
tionibus minime cōtenti peculiares quidam na-  
turæ genij, à dei spiritu haud dubie excitati, no-  
uam illa secandorum corporum rationem adin-  
uenerunt: ut nouis necdum perspectis malis no-  
ua pararetur remedia. Per eā namque effectū est,  
ut naturæ arcana in vnius dissecto corpore pe-  
nitius introspecta, ad iudiciū de aliis multis cer-  
ta quasi lege ferendum, viam referarent. Multis  
quippe experimentis didicerunt homines soler-  
tes illi quidem, id in animos vehementissime in-  
fluere solere, quod vina quadā specie expressum,  
oculis fidelibus caperetur. Quo factum est, ut  
salutis multorum causa insigne illud corporis  
humani artificium vere venerandum, hominis  
ipsius vel curiosa audacia, vel audax curiositas  
primū temeraret: easque maxime partes euolue-  
ret, quas ab ullo alioqui aspici ob summam rei  
ignominiam nefas esse maximum plerique om-  
nes ducerent. Nec tamen innatus pudor pro-*



hibere potuit anxium salutis quærendæ studium:  
quod tanto magis in dies accendebatur, quanto  
ad eam via difficilior præscribi videbatur. Nam  
cum eam constet non esse aliam, quàm quæ per  
eiusdem illius corporis, cuius conseruatio quære-  
batur, contemptum duceret: tantus tamen eius  
seruandi amor hominibus inesse depræhendeba-  
tur: ut mala quæ nollent, quæq; summa vi re-  
fugerent, non tantum ab aliis illata perferrent,  
sed sibi ipsis etiam ultro ac libenter inferrent.  
Cuius studij & ardoris causam, sic à communis  
salutis studio profectam apud me reputans, nul-  
lum tempori accommodatius argumentum, aut  
tuae etiam maiestati acceptius deligere me posse  
arbitratus sum: quàm quod in consimili ge-  
nere positum, & ad sanitatem animorum pro-  
priè relatum, mihi uni hoc tempore præ cæteris,  
diuina quadam permissione, simul & misericor-  
dia obtigit. Nam si spiritalis vita in tuis sub-  
ditis infœlici hac tempestate mirum quàm lesa  
imo perditæ, alteram illam corporalem merito  
antecedat: siq; quæ vnius, eadem aut certè quàm  
maximè similis alterius vel tuendæ, vel recu-  
perandæ ratio sit: anatomica sectionis loco, inge-  
nuam tum erroris olim mei confessionem, tum  
patriæ etiânum durantis cõsuetudinis, & præ-  
sentis confusionis faciem, non incommodè sub-

iecturus mihi videor. Communia enim hic & illic penè omnia, aut hec potius quàm illic maiora omnia ob id occurrunt: quòd quanto maior mali contumacia est, tanto acrior conflictus, & eorum qui curantur maior confusio cernatur. Nam ut animorum quàm corporum labe abstrusiores sunt, & magis recondita vulnera: ita dum prolata in lucem spectantium veluti oculis subiiciuntur, propria quadam & nativa peruersitatis specie, simul & quànvis corporis fœditatem plurimū superant, simul acutissimos dolorum stimulos patientibus inferunt. Quod in detegendis quibusvis internis sordibus cum accidere sit necesse: tum in animis circa religionem, ubi hæresis semel obtinuit, quanto ea cum aduersæ partis certamine euincatur, & euicta quantò eorundem qui decepti prius erant, cum rubore proferatur: Quanto denique omnium tum sanantium tum sanatorum bono eadem eiccta profligetur, dicendo nemo consequi potest. Quæ enim uniuscuiusque in causa religionis pertinacia est: certè in ea vel sola, vel prima ad errorem agnoscendum, & agnitum deponendum homines non prius adducuntur, quàm non dico à chirurgo dissecti sed in seipsis confusi, & violenta domini manu in terram proiecti cum Saulo humiliter sapere didicerint: ut non iam corporis

sed cordis, nō carnis sed animorū interna sectio-  
ne, ad tam inueterati mali curationem opus esse  
videatur. Quæ cum ita sint, modis sane omnibus  
enitendum fuerit (princeps illustriss.) ut quæ po-  
pulum tuum astu sathanæ callide seductum ad  
presentis miseriæ agnitionem, & erroris depo-  
sitionem perducere possunt, ea eidem omnia ubi  
oculos ponantur: siue illa paucorū, siue multorū,  
siue priuata, siue publica exempla fuerint. In  
quo genere cum presens hoc argumētum sit, tum  
idem ad presentium malorum sensum aliquem  
inferendum, salubriter conuerti posse optimo  
iure videtur. Ea enim saluberrima medicina est,  
quæ dolorem & cum quidem acutissimum in-  
fert. Et magna interim in dei bonitate fiducia est  
(si sinistro tum nostri ipsorū tum patriæ studio  
posito, quod in nobis situm est bona fide feceri-  
mus) eius gratiam tam euidenti argumento mi-  
nime defuturam: cuius potentia sola citra om-  
nem exemplorum, vel precedentium vel con-  
currentium usum, fractam atque edomitam  
cordis contumaciam in multis sæpiissime experi-  
mur. Vnum modo restat pro ea potestatis atque  
imaginis parte, quam tuæ serenitati communi-  
care diuina clementia dignata est, ad Dei ipsius  
imitationem, insigni quodam pietatis exemplo  
ad posteros transmissio, à maiestate tua per im-  
a iiij

plendum. Id verò est uti populum tuum (heu nimium sua ipsius stultitia castigatum) misericordia praeueniens, quantam eius seruandi curam agas, scripto hoc veluti perpetuae sollicitudinis tuae nuncio, ad eum per occasionem amandato, testatum reddas. Sic enim ad veniam facilis, cum tuum tibi populum, tum te Deo, una eademque opera potentissime conciliabis. Et interim tam breue scriptum, tam illustri authoritate commendatum, mirum quam tuis omnibus acceptum reddes. Neque enim dubitare tui possunt, quin quod in eo petitur id rationem non dico primam, sed plane unicam contineat, qua in gratiam denuò apud tuam maiestatem redire possint. Vt enim Ecclesia fidelium omnium mater nullis reuerentibus gremium claudere solet: ita matris imitata ingenium germana filia, nullos non in fidem suam lubentissime recipiet, super quos Ecclesiae nomen inuocatum fuerit. Sciunt hoc probe tui omnes quantumuis cum insanientibus doctoribus ab Ecclesiae gremio, furore magis quam iudicio nunc temporis abrepti. Sciunt (inquam) eos qui in Ecclesia vera viuunt, cum omnibus quidem pacè & concordiam, erga eos vero quos in potestate habent, clementiam plusquam paternam seruare solere. Sciunt etiam quis experientia sua singuli sepe didicerunt generosi tui pe-

Etoris veras & natiuas dotes, per quas in facili  
& propenso ad misericordiam animo sitas, non  
tam præclarum, & regio spiritu dignum esse  
semper es arbitrata subditorum iniuriis commo-  
ueri: quàm easdem magno quodam & excelso  
animo despicere. Exurgat igitur vere generosa  
indoles, & inducta omnium offensionum obli-  
uione, simul Ecclesiæ germanam filiam, simul  
& benignam subditorum matrem se esse mon-  
stret: quæ de omnium salute sollicita, id maxime  
curet, ut deo primum tum sibi quàm dignissime  
subditi tui omnes viuere possint. Ad quod apud  
eos consequendum, cum dialogus iste proprie re-  
feratur, simul non incommode cum seruiturum,  
immo maxime collaturum spes magna est. Quan-  
tis enim breuis esse verborum contextu & nu-  
mero videtur, mira tamen euidentia & clarita-  
te, cum Ecclesiæ vere faciem, tum eius in quam  
seducti tui sunt confusionis deformitatem depi-  
ctam continet. Accedit ea argumentorum vis,  
& testimoniorum (religionem quidem, illorum  
& sectam fictam falsamque damnantium)  
claritas, cui aduersarios quantumuis pertinaces  
cedere sit necesse. Maxime vero non tuis modò,  
sed communi morbo laborantibus vicinis salu-  
tavis fore creditur: si ad argumenti veritatem,  
demonstrationis euidentiam, temporis demum oc-

*casione[m] præsentissimam, serenissimi tui vultus  
errantes omnes ab errore ad veritatem benignis-  
sime inuitatis, authoritas insuper accesserit. Qua-  
propter laborem hunc aut conatum verius (qui  
qualiscunque est certè maiestatis tuæ totus est)  
sanctissimæ tuæ voluntati subseruire passa, eius-  
dem fructum iure tuo tibi vendicatum, bonis  
letisque auspiciis ad tuos transmittre. Quod si eū  
& tuæ maiestati acceptum, & tuis utilem esse  
aliquo fœlicioris successus argumento deprehen-  
sum fuerit: dabitur equidem opera, ut si non u-  
tilitatis saltem maturitatis maioris complures  
fructus sub tuæ maiestatis nomine propediem in  
lucem exeant. Deus interim maiestatem tuam  
misericorditer semper conseruatam regat, & pro-  
tegit: & me seruum suum longe indignissimum  
præteriti erroris conscientia conuictū ad mei qui-  
dem ipsius iustissimam correptionē, & aliorum  
omniū salubrem admonitionē, istos psalmogra-  
phi versiculos non minore cum fructu, quàm  
vero cordis affectu errantibus occinere faciat.*

טרם אענה אני שנג ועתה אמרהך שמרת  
טוב-לך- כר ענית למען אלמה חקך

Γρὸς ὅς με ταπεινωθῆναι ἐγὼ ἐπλημμέλησα,  
διακρῦρ τ' λογιόνσθ' ἐφύλαξα,  
Ἀγαθόν μοι ὅτι ἐταπείνωσάς με, ὥπως ἂν μάθω  
τα δικαιώματά σου.

Priusquam humiliarer ego deliqui: pro-  
pterea eloquium tuum custodiui.

Bonum mihi quia humiliasti me : vt di-  
scam iustificationes tuas. Amen.

*Maieſtatis tuæ humilis & deuotus ſubditus,*  
ARCHIBALDVS HAMILTONIUS.

Nos subscripti Theologi testamur hunc  
librum nihil continere Catholicæ fi-  
dei contrarium, quin censemus posse  
typis mandari summo Ecclesiæ fru-  
ctu & vtilitate. Scriptum die 3. Maij  
1577.

G. GENEBRARD.

N. DERRONDEAV.





DE CONVERSIONE  
CALVINIANÆ SECTÆ  
apud Scotos Ecclesiæ nomen ri-  
diculè vsurpantis,

DIALOGVS.

*Per Archibaldum hamiltonium Scotum nunc  
primum in lucem editus.*

INTERLOCVTORES.

EPISCOPVS, ORTHODOXVS, MISO-  
PLANVS ad Catholica Ecclesiæ gremiũ reuersus.

MISOPLANVS ORDITVR.

**Q**UOD votis à Deo sæpe ex-  
petiui vt præcellentis tuæ  
dignitatis aspectu simul &  
sermone aliquâdo fruerer,  
id mihi hodierno die datũ  
esse vehementer gaudeo.  
Inde enim sacrosanctę tuę  
functionis triplici percepto beneficio, quo pur-  
gare illuminare & cõsummare demũ quam-  
plurimos soles: cũ me in religionis causa cõ-  
firmatum tum alium quemuis iisdem in qui-  
bus ipse aliquando hērebam erroribus deten-

tum ad mentis sanitatem reuocatum iri confido. Hanc nanque pastoralis tuæ curæ partem temporum iniquitate prius quamuis exclusam aduersariorum improbitas ad summam impietatis mensuram tandem perducta, latere longius non sinit: Quin potius piam istam pro Ecclesiæ reparatione sollicitudinem efflagitat quæ tēporū opportunitate captata rei feliciter gerendæ occasionem nullam prætermittat. Ego vero (aut longissime fallor) aut rerum domesticarum status omnium præsentissimā occasionem offert, vel potius materiam longe vberriam suppeditat. Quo fit vt dies nō possit mihi non lētissimus esse siue ingenium & pristinam in docendo alacritatem sequutus priuatim me in his quæ ad veram pietatē spectāt instituere, siue etiā accepta ab aduersariis occasione paulo ampliorem Ecclesiæ veræ defensionem suscipere velis E P I S C. Si tibi à præsentī congressu gaudium aliquod existit, geminum illud sanè ab eodem mihi esse vel ob id persuadere tibi potes, quod te perditum prius deploratūque (multorum opinione) relicto tandē errore, tum tuæ ipsius tum aliorum multorum salutis studiosum intelligam, Sed dic quæso si quid rerum nouarum domo tecum adfers, propter quod Ecclesiæ reparatio aut in melius restitutio sperari possit. M I S. Ecquid quæ Edinburgi in hoc postremo ministrorum consessu gesta sunt audiuiſti. E P I S. Nequaquam: Sed narra obsecro. M I S. Nimirum quò ij omnes qui religioni suæ minime renūciantes præsen-

*Occasio  
Dialogi.*

tem heresim quæ populo domi obtruditur amplecti nolint anathematis fulmine feriantur, in acta retulerunt, ea lege ut qui ante diem præscriptum fidei suæ publicum testimonium non dederint ij beneficiis si Ecclesiastici fuerint priuentur: sin ex populo aut ex proceribus, eorum bona & possessiones in fiscum redigantur. **EPIS.** Facile credo eo tandem adductum rem iri, ut qui nolint vltro præsentis sectæ adherere eos vi aliqua compellant. Verum ad vltimam illam violentiam tam subito prosiluisse miseros & dementatos homines persuadere mihi non possum, Præfettim eos qui nuper potestatem suæ fidei palam profitendæ, beneficiū maximum votisq; omnibus à principe impetrandum duxerunt. **MS.** Atqui non tantum in ministrorum confesso, caput hoc de catholicis excommunicandis rogatum & conclusum, sed idem principis autoritate cōfirmatum inque acta parliamenti quæ vocatur relatum esse certò apud te constitue. **EPIS.** Verum ergo ut videtur illud est, non de asini umbra certari quoties penes quos legitima Ecclesiæ & clauis potestas sit controuertitur. In vno enim hoc capite quæcunque homini bona & vere expendenda sunt, simul & semel in quæstionem trahuntur: adeo ut quum in aliis omnibus leniores homines modestiorésque esse soleant, hic primum veros prodere affectus, omnénque animorū impetum effundere sit necesse. Quo magis miror quid in mentē quibusdam doctis pariter & piis veniat, quod præterita quæstione

*De potestate clauium pri-  
mo loco di-  
sputandū  
tum in a-  
lia contro-  
uersa ca-  
pita īqui-  
rendum.*

hac prima præcipuâque & à qua reliquæ omnes  
 depêdēt inferiores alias & huic vere subiectas,  
 tam fuscè prosequantur. Profectò (vt quod sen-  
 tio dicam) perinde mihi facere videntur, atque  
 si de imperio aut iure regni contententes ni-  
 hil de titulo dicerēt: sed eo prætermisso priua-  
 tas legum contractuūque formulas definirēt:  
 quasi qui in particularibus istis definitionibus  
 superiores euaserint magnam aliquod ad sum-  
 mam rerum cōtulissent ac non potius è contra-  
 rio dum circa res minime necessarias occupan-  
 tur primum illud & maximū regnādi ius à quo  
 istæ quæstiones definiendæ postea erant è ma-  
 nibus elabi permittunt. Sic qui hanc quæ de  
 potestate clauium est quæstionem omittūt aut  
 ab ea abduci se patiuntur quantumuis strenuè  
 alias omnes controuersas quæstiones aduersa-  
 riis extorqueant in hac tamen vna si non iure  
 saltem factò (quod aiunt) inferiores deprehēsi,  
 non tantum ab Ecclesiæ omni administratio-  
 ne excluduntur: sed ne ipsi cultum quidem deo  
 debitū deferre libere permittuntur. Neq; profe-  
 cto in eo quod magnopere quis miretur quic-  
 quam inest. Nemo enim est miles quantumuis  
 facinorosus aut fugitiuus domo seru⁹ qui quò  
 pænas meritas effugiat, vel ducē vel dominum  
 (modo vi aliqua aut fraude possit) loco luben-  
 tissime non detrudat sēque deiecti vice haberi  
 impudentissime nolit. Sed enim vt nullus tam  
 ignauus dux aut tam fracta potestate dominus  
 cernitur qui non ereptam per vim authori-  
 tatem reuindicare aut læsam etiam reparare

*Similitu-  
do apta.*

fatagat: ita pios omnes, veréque Catholicos facere conuenit vt vindicato ab aduersariorum calumniis Ecclesiæ iure inanes istos hereticorū crepitus Ecclesiæ nomen falso obtinentium fortiter & ipsi contemnant & ab aliis contemnendos esse euidenter commonstrent. *M I S.* Imo vero id reuerendissimæ tuæ sanctitati hodierno die perimplendum esse munus, tãquam dignitatis pastoralis proprium existimare debes: Vt quod ab aliis fieri sancta tuæ reuerentiæ autoritas salubriter vult, idem diligens tua vigilãtia ante alios perfectum reddat. Sic enim pietatis officium quod eminens tua super alios excellentia minime subterfugerit ab aliis inferioris ordinis hominibus iure meliore exigere posse videbitur. *E P I S.* Quod æquū est cūque meo officio maximè cōiunctum postulas fili: sicq; petitionē alioqui iustissimā pulchris titulis ornatam profers: vt eandem reiicere hominis sit non tantum iniunctas sibi ab officio leges contemnentis, sed iura omnia humanitatis, rustica quadam illiberalitate perfringentis. Verumtamen si me audis omisiis aut certè in aliud tempus magis accommodum dimissis præclaris istis tamque fulgentibus honorum titulis, puro & simplici sermone vt *Magnifidum* tibi esse erga me in posterum puta. *Quā- cis honorū* uis enim illud Pauli certissimū habeam eos *titulis par* qui verbo inuigilant duplici honore dignos *eius hoc* esse: tamen quæ temporum ratio nunc est *tēpore v-* prudenter hanc materiam dispensandam ma- *tendum,* gisque humili obedientiæ affectu quàm inani *& cur.*

verborum pompa metiendam arbitror. Non  
tātum quia qui hanc præpostere sectatur & a-  
mat, suam ipsius charitatem vulnerat & vanita-  
tem inflat: sed quod aduersariis insuper ad de-  
trahēdū quauis data occasione semper paratis,  
calumniandi materiā nimis magnam peruerso  
suo studio suppeditet. Tu itaq; fili mi consilio  
meo prudenter obsequutus mēque nōn vt do-  
minū insigni aliqua potestate præfulgētem, sed  
vt fratrem in Iesu Christo deinceps allocutus,  
à fucatis istis nimium ornamentis verborum  
in posterum abstine. **M I S.** Quauis non me  
latet quā extra officiū meum facturus sum,  
quoties nomē tuum aliter quā locus & ordo  
tuus postulat compellem: tamen quando ita  
abs me fieri vis, parebo. Docendi ergo metho-  
dum quam tempori maximè accommodam  
ducis apud te præmeditatus nihil istos popu-  
lares ministros, qui apud Scotos gentiles no-  
stros prætextu purioris euangelij omnem ec-  
clesiæ faciem peruerterunt, cum Ecclesia com-  
principale mune habere, & proinde sententiam cui ipsi  
merito suo subiacent, in alios ferre non potuif-  
se, rationibus quibus potes firmissimis cuin-  
ce. **E P I S.** Ad hoc quod quæris ex sententia  
faciendum non alia ratio vel prior vel potior  
mihi succurrit, quā quæ ab vnius partis cū al-  
tera comparatione uimitur. Tanta enim vis ve-  
ritatis est vt ad alteram quauis fucatam speciē  
composita, non modo eam infinitis gradibus  
superet, sed detectis tegumētis fraudes omnes  
apparere atque in clara veluti luce conspici

faciat. Quando igitur de duabus protestantiū inquam congregatione & catholica Ecclesia *simplex* quæstio futura videtur penes vtram videlicet *partium* clauū ius & potestas sit: nihil prius aut potius *compara-* nobis faciendum esse arbitror, quàm vt Pro- *tio suffi-* dicum apud Xenophontem imitati, vtranque *ciens.*

veris descriptam coloribus & proprio vestitu amictam introducamus, nihil vel vni vel alteri affingentes, quod non summi vtriusque partis patroni lubèter agnoscunt. Sic enim futurum arbitror vt & Ecclesia vera ad alteram comparata suam ipsa causam abunde defendat, simul Scoticana aut aduersa quæuis alia congregatio ab ea desciscēs suis ipsa verbis clare cōuincatur.

M 1 s. Nemo sane meliorem viam ingredi potest, tantum quo cēpisti perge gradu, me quò-

cunque iueris comitem habiturus. E P I S. A- *Persona-* spicisne igitur eam quæ ad læuam nobis à Se- *rū meta-* ptentrione occurrit, comptam quidem illam *schemaci-* & prima fronte nō inuenusta specie præditam, *smus vt* mirum si non hæc protestantiū Ecclesia fuerit. *facilis* Nā gressu celeriore paulo quam illa altera in- *planus* cedit, & astricta lumbos corpore ad expediē- *sic audax* dum iter magis leui & composito esse videtur. *satis.*

Sed propius sane accedamus, vt quæ vtraque insignia portet, quoque vestitu ornata fuerit videamus. Et hæc quidem prior virgineo colore & apparatu simul, mirum in modū splendescens, dextra gladium, sinistra librum, capite coronam mira cū colorum tum partium varietate distincta gestat. Illa vicissim altera, dextra librum, sinistra oliuæ ramum, capitis vero

coronam velamine & eo quidem nigro oper-  
tam habet. Vultu interim tristi & oculis lachry-  
mantibus, vestibulque situ & squalore obdu-  
ctis magnam animo conceptam mœstitiâ præ-  
se fert. Vtraq; veluti aliquid loquutura quan-  
do in nos oculorū aciem intendit nihil credo  
prohibet vtriusque verba ex quibus de dicētis  
persona iudicium certius haberi possit, audire.  
M I S. Nihil sane si tamen ad sermonē eas à no-  
bis aliqua ratione pertrahi posse speras. E P I S.  
De eo non dubites :nam vt taceam interroga-  
tas eas vasorum æneorum instar quæ percussa  
sonum protinus reddunt, sermonē referre:eam  
insuper vtriusque conditionem esse constat, vt  
præsentēs alloquantur semper vltroque ac ve-  
luti inuitis sermonem inferant. Sed vt fiat pe-  
riculum priorem hanc quā commotā esse appa-  
ret sciscitemur. Heus tu mulier dic sodes vnde  
venias & quæ sis aut quo profectura gressum  
tuum sic acceleras? *Protestantium congregatio.*

Cur nomen meum quod fronti inscriptū pa-  
tet à me quæris? Aut cur etiam de regione vn-  
de veni aut quo profectura sum dubitas quan-  
do hanc à tergo me persequentem meretricem

*Oencomia* babilonicam aspicias. Sum etenim congregatio  
*quibus* illa pura & virgo incorrupta quam vltimis his  
*ministri* senelcentis sæculi diebus euangelij sui luce &  
*congrega-* claritate dignatus Deus ex confusione idolola-  
*tiones sin* trica ter misera & seruitute plusquam Aegy-  
*guli suas* ptiaa eripuit: & ereptam Christo regi & salua-  
*concele-* tori veluti spōsam puram & immaculatam co-  
*brant.* pulauit. Cui copulata ab eius vnus ore pēdere,



eius solius vocem audire traditionibus omnibus humanis fortiter cōtēptis didisci. Qui autem vel multitudine, vel temporis duratione & consuetudine longa, freti verbi synceritate vel tantillum me abducere conantur: ab his non consensu modo & animo, sed quantum in me quidem est corpore ipso & tota vitæ societate memet disiungo nequias esse rata, cum his talibus humanarum traditionū authoribus communes cœtus frequentare. Hinc irritata meretrix ista babilonica me persequi a die in diem & vitam meam petere omni loco non cessat: aliud nihil causæ habens quam quod veritatis zelo illius idololatriam cæcam abominata, me ab illa separauerim. Vicissim ego toto animo gratias Deo agens, qui me à tā indigna seruitute liberauerit, omnibus quibus æterna salus curæ est, edico vt ab illius cōmunionē impia seipsos subducāt. Alioquin illos omnes qui cū illa permāserint dānatos: & qui illa relicta mihi adheferūt in tremēdo illo iudicio saluos fore pronuntio. Non difficili interim aut lōga multisq; & asperis difficultatibus impedita via homines deterreo, non varietate vlla præceptorum cōscientias onero, ieiunia longa quibus se macerent non iniūgo, statas preces & alia innumera quæ ab indoctis & cæcis hominib<sup>9</sup> pietatis exercitia falso creduntur, re vera autem aliud nihil quam damnāda ἐθελθησικίας monumenta sunt, nō exigo: tantum vna simplici & vniuersa sub uno capite comprehensa doctrina peccatores moneo, vt in Christū seruatorem credāt.

Sic fore pronúciás vt in Christũ Iesum (qui pro peccatoribus propitiatio factus est) non vacillante fide recumbētes, salutem per eius merita oēs certo consequantur. Hanc salutis viam nō per hominem aut ab homine sed ab vnigenito Dei filio paratam, & per apostolos mundo declaratā, postea vero Satanæ astu & Babilonicæ istius meretricis sæua tyrannide diu sepultam, nunc primum rediuiuam in terras reporto : vt ea postliminio reuersa, & mūdo patefacta quāplurimos diabolo ereptos Christo lucrifaciat. Ne autē verbis te longius detineam, ecce ornatum meū omnem inspice, qui plenius vberiusque de vniuersa mea conditione te edocebit, quā viua vllius voce eadem explicari poterit. Ecce enim quē dextra fero gladius est, ad rescandos à corpore Christi quod ipsa ego sum vniuersos impios semper district⁹. Rursus sinistra bibliorum volumen omnibus hominibus quantumuis idiotis expositum portat : vt ex eius præscripto cuncta fegantur & fiant & ad idem leges omnes siue Ecclesiasticæ siue ciuiles exigātur. Non hoc ex priscorum patrum idem magis obscurantium quam illustrantium commentis, multo minus ex veteris Ecclesiæ per quam corruptum illud & adulteratum fuisse constat cōsuetudine interpretor, sed eū cuique sensum quem spiritus suggerit libere permitto : Eam arbitrata summam Christianæ religionis felicitatem, quæ à corrupto hominis ingenio nihil mutuata, aliud nihil quam diuini spiritus redoleat sapientiam. Postremo corona iustitię

quam capiti superimpositam gesto, vna cum lumbis Zona præcinctis & vestitu astricto, partim sectatorum meorum paucitatem, partim fidei qua præditi sunt præstantiam & salutis securitatē notat. Quamuis enim pauci vias meas ingressi teneant; tamē quotquot vestigiis meis recte insistant ij per me salutis suæ certi sic & securi reddūtur, vt coronas iam iam videantur adepti. Nec ignara interim sum quibus ego modis quod ista præ me feram insignia ab hostibus fidei & religionis puræ traducar. Nam & Dei verbum plebeis iuxta & Ecclesiasticis viris patefactum prophanasse, & gladium ad sanguinis effusionem pariter & Ecclesiæ diuisionem comportasse, pacem denique & vnitatem nimia seueritatis specie è medio prorsus sustulisse dicor. Sed cum melioris sortis & conditionis seruum quàm dominū, discipulū quàm magistrum, sponsam quàm maritum esse non oporteat, lubēter ea quæ ante me prior pertulit Christus, propter eum sustineo: qui potens est, & volens iniustas illas calumnias & a me auertere, & in superba persequentium colla inuertere. E R I S. Pulchra quidem omnia (quis neger) sic tamē pulchra, vt sua ipsorum specie cui vis facile pateant, veluti ab ipsis schismatis auctoribus ad capiendos simplices artificiosè instructa. Me vero qui obediens Ecclesiæ filius permaneo, tantum abest vt quicquàm grandiloqua ista æncomia permoueant, vt eadē apud æquum quemuis iudicem falsi cōiucturus, non alia quàm quæ ipsa suppeditāt argumenta mi-

hi excogitanda esse existimen. Principio enim quot congregationis scoticanae elogia siue ab euangelij luce nunc primum sibi patefacta, siue à proflitentium paucitate & eorundē puritate, siue demum a traditionum odio desumpta adferuntur: totidem demōstrationes & eae quidem potētissimae instrui, atque ordine collocari mihi videntur quibus nephariae diuisionis ipsa conuincatur. Deinde in quo facilem nullisque impeditam difficultatibus viam sectatoribus suis pollicerur, eosdem illectos sub finē praecipitaturam se non obscure indicat. Postremo in insignibus quae praese fert tanto clarius fraudem deceptionemque suam mūdo aperit, quāto magis apud homines illa ostentans non vera eadem sed falsa & eumentita, aut sanē surrepticia esse cōprobat. Sed nos diligentiores horum examinationem in alium dimittentes locum nunc alteram illam succedentem vicissim audiamus. Nam & illa statum suum quoque deploratura aliquid dicere velle iamdiu videbatur: Et nos qui de vtriusque causa cognituri praesidemus vtrique equas praebere aures æquum est. Dic sodes ergo mulier quid pulla, vestis eademque sinuosa laxitate diffluēs, quid nigrum capiti superimpositum velamen, & nodo tandem sub vertice religatum, quid denique reliqua quae praete fers insignia sibi volunt? *Catholica*? Quae quæris nemini obscura esse possunt nisi ei qui neque nomen meum & vitæ conditionem tenet, neque labores varios & ærumnas quibus ab ineunte ætate vexata

grauitèr sum intelligit. Homines quidem me  
 dicunt Catholicam, & qui impia superbia in-  
 flati à me descuerunt omni conuitorum ge-  
 nere vltro me proscindentes idololatricam &  
 ter impiam meretricem Babylonicam vocant.  
 Sum autem aliud nihil quam à primis diebus  
 vastis aquarum fluctibus iactata illa Noë arca,  
 in qua cum animalibus mundis etiam vehen-  
 bantur immunda: Sum rursus rete in mare illud  
 magnum huius mundi proiectum, in quo pi-  
 sces simul & boni & mali capiuntur, vel si vo-  
 les, ager ille amplius in quo cum tritico simul  
 crescit & lolium, id est, ne sub allegoriarū ob-  
 scuritate nomen meum celare velle videar, Ec-  
 clesia illa magna quam à primis conditi huma-  
 ni generis diebus productam, sæpius autem &  
 nouissime per vnigenitum Dei filium Iesum  
 Christum reparatam ad finem vsque mūdi spi-  
 ritus sui potentia propagabit Deus. In qua cum  
 & boni & mali, pij & impij viuant, hi quidem  
 quanuis per me probentur minimè, toleran-  
 tur tamen propter illos, ne cum alteri tantum  
 extirpandi sint vtrique temerario ausu excin-  
 dantur. Hinc mihi à malorum quos intra me  
 tolerare cogor prauis moribus & vita inqui-  
 nata vestis pulla quæ tamè sinuosa in omnem  
 partem capacitate diffuens Ecclesiæ à mari vs-  
 que ad mare protensæ amplitudinem non ob-  
 scure indicat. Hinc velamen nigrum nodo ad  
 vnitatis minime rumpendæ significationem re-  
 ligatum, conceptum animo propter impiorum  
 scelera dolorem exprimit, hinc lachrymis me &

*Ecclesiæ  
 vere ad-  
 umbratio  
 scriptis  
 pariter et  
 sermoni-  
 bus Catho-  
 licorū om-  
 nium con-  
 formis.*

mœrore conficiens, cum omnibus tamen pacē  
 me in Christo habere oliuæ ramo protenso  
 profiteor, quandiu beneficiis meis frui volunt.  
 Sic in mediis afflictionibus & ærumnis forti  
 & constanti animo perstitura, donec Christus  
 Ecclesiam suam vltimo die repurgaturus & per  
 angelos suos triticum à palea separaturus su-  
 peruenerit, lachrymisque omnib<sup>9</sup> absterfis pro  
 veste pulla stolā cādīdā, & pro velamine nigro  
 coronam auream reposuerit. Liber quidē quē  
 dextra porto sacrarum literarum paginam cō-  
 tinet, quam à Christo & eius Apostolis mihi  
 commendatam accipiens, ex eadem per seruos  
 meos & vnice dilectos filios Episcopos alios a-  
 liis ordinatione legitima succedētes, salutarē &  
 spiritualē cibum profero: eā officij partē ea lege  
 & conditione ipsis cōmittēs ne aliud quā quod  
 ab Apostolis acceperint per manus primorū pa-  
 trū (qui veris & iustis eum librum scriptis illu-  
 strarunt) hominibus obrudāt: Itaque doctrinā  
 omnem quæ vel in religione impietatem vel in  
 Ecclesia diuisionem vel in vita denique morū  
 dissolutionem sapiat, studiosē deuitent. Viuen-  
 di porro via quam filiis meis præscribo vt in ea  
 studio indefesso ambulantes salutem suam o-  
 perentur, sicut carni nondum iugo Christi sub-  
 missæ dura & difficilis, sic eidem regeneratæ & à  
 spiritu sancto inhabitatæ, suavis & facilis est: ve-  
 risque Dei cultoribus qui non tam verbis quā  
 factis Christum dominum expressuri sunt pe-  
 nitus necessaria: nimirū vt repudiatis & abie-  
 ctis carnis illecebris vitæ puritati studeant.

Quando autem ea carnis est contumacia ut quanto mollius lautiusque ea curata est, eo fortius in spiritum insurgat: emacerandam eam & frangendam ieiuniis, præcibusque continuis assuefaciendam esse ob id maxime pronuncio: quod his studiis exercitijsue deo gratis, leviores expeditioresque facti alacrius in præceptis domini ambulare queant. Iam autem dum hanc à Christo ipso & apostolis præscriptam curam perago, sanctissimosque meos filios qui omnibus seculis pro ea vitam effundere minime dubitarunt, eidem sollicitè præficio: ecce peruersi quidam filij Belial, & serui nequæ in me insurrexerunt: partim quod salubria illa hominibus præcepta ferã, traditionum humanarum matrem superstitionisque & idololatriæ inuentricem: Partim etiam quod bonis malos permixtos perferam: impuris veluti fornicationibus pollutam & fedatã meretricem me traducentes. Quos ego quandiu in corpore meo permanserunt (in multis licet enormiter & flagitiose delinquentes) quanto potui studio fovi sustinuique, eos subinde ad resipiscentiam, humilémque & piam in Christo modestiam hortata. At postquàm superbia tumidi à corpore meo se resciderunt, dolorem quidem perfero, quem nullis consequi verbis queo: in eos tamé si a reliquis meis membris discerpédís abstinere vellét, tantum abest ut crudele quicquam statuum, ut eorum miserata cæcitatem modis omnibus ab ipsis piam illam humilitatem contentam, qua ad me piam & amãtem ipsorum ma-

trem quæ labore meo magno eos in Christo  
 progenui cibi potûsque spiritualis cōmunem  
 refectionē cum reliquīs filiis percepturi redire  
 velint postquam verò ab illis aliud nihil quàm  
 pro mansuetudine mea ferociam, pro amore  
 odium, pro beneficiis denique innumeris ma-  
 lefacta quæ regerere possunt maxima repor-  
 to : saltem ne aliis noceant, neue adhuc sa-  
 nos secum ad interitum abducant, quacun-  
 que fugerint ea insequor vniuersos quibus animæ  
 salus curæ est diligenter præmonens, vt læthalē  
 discordiæ maculam ipsis inustam aspicientes  
 ab eorundem dehinc contagione omni studio  
 cauere velint. His vexatam modis cū ab om-  
 nibus omnium sæculorum hæreticis fuisse me,  
 tum à modernis his qui nuper à me defecerunt  
 indignissimè crudelissimèque exagitatam gra-  
 uissime queror. Hos tu homines in ancilla do-  
 mo profuga quæ nuper te præteribat expressos  
 conspiciere poteras: quæ cum esset inquilina  
 & in familiam meam cooptata filiæ loco nutri-  
 ta & educata, ornamentis denique omnibus  
 quotidie instructa & ornata, non fidei data,  
 non seruitutis pacta, non beneficiorum acce-  
 ptorum memor, nulla a me data occasione in  
 libertatem ter miseram & ipsi (heu) nimium  
 infelicem, seipsam asserere est ausa: nec domo  
 tantum profugere satis habuit, sed ornatu in-  
 super meo partim quidem vero, sed surrepti-  
 tio, partim fucato & e mentito se instruens an-  
 cilla dominam, serua liberam & (quod indi-  
 gnissimum est) regno dei abdicata Christi spō-  
 sam



sam referre studet. Quā ego te ne audias, neue blandis & confectis eiusdem sermonibus capias per salutem tuam iterum atque iterum oro. Vox enim eius læthalis est & via eius ad interitum ducit: & quæ prima fronte sub splendido iustitiæ titulo puritatem præ se ferat ad finem vero discordiæ macula dorso inscripta ingenium verè prodens nullā impietatem, nullam hypocrisin, nullam diuidendorum armandorumque aliorum in alia regnorum artem à se non provenire palam profiretur. EPI S. Facis quod te dignū est (hera) me seruū tuum officij mei erga te & fidei datæ admonens. Simul & ego sancte promitto, à cōmunionem cum qua tot pro fide Christi martyres, tot sancti confessores, tot virgines, omnis denique hominum generis pij & electi vitam obeuntes, nunc demum in Christo requiescunt: nunquam me discessurum. Tota enim tu pulchra es & contra *Epiph.* quā vestis referat macula in te non reperitur: *nus lib. 3.* paradisus magni opificis, ciuitas magni regis, *contra ha.* sponsa immaculata Christi, virgo casta, soli “ vni viro in fide desponsata, illustris & promi- “ cans velut matutinus aër ab aurora, pulchra vt “ luna, electa vt sol, pauor qualis est ab ordinato “ exercitu, quæ beata prædicaris à reginis & lau- “ dibus celebraris à pellicibus, quæ à filiabus lau- “ daris, vt inalbata ac in dilectum tuum innitens “ vnguenta spiras, quæ à deserto ascēdis velut vir- “ gula fumi qui prodit à suffitu mirrhæ & thuris “ & de omnibus pulueribus vnguentarij, qui de- “ dit sibi ipsi boni oderis fragrantiam, quem con-

„ spicata dixit, vnguentum euacuatum est no-  
 „ men tuum, propterea iuuentulæ dilexerunt te:  
 „ quæ stas à dextris regis induta fimbriis deau-  
 „ ratis, variegata: quæ nihil tenebrosum habes, a-  
 „ liquando quidem denigrata nunc autem in-  
 „ tus vere pulchra & inalbata: quo fit vt in te cõ-  
 „ stitutus, à sectis hæreticorum odiosissimis, & à  
 „ tempestuosis maxime eorum motibus liber ac-  
 „ quiescam: & in te sancta mater Ecclesia, & in  
 „ sancta tua doctrina, ac sola Dei fide, in veritate  
 „ libetissime refrigerer. Tu interim frater in do-  
 „ mino ( quoniam deinceps mihi tecum sermo  
 futurus est) ex duabus vtram secuturus sis vide.  
 Nam quod ad me attinet cum catholica hac &  
 vniuersali Ecclesia, quæ ab Apostolorum tem-  
 poribus, aut potius à primis mundi iactis fun-  
 damentis, vna eadēque semper propagata ad  
 præsentem vsque diem fuit, victurum me, & in  
 eadem vbi ita fors feret moriturū fixa stat sen-  
 tentia. **M I S.** Imo vero vt in sermone, sic in  
 sermonis tui fructu participando socium & eū  
 quidem indiuiduum me tibi assumito. Quo-  
 ties enim prioris meæ vitæ errores recolo  
 non possum non multoties ingemiscendo vā  
 superbiæ meæ, & contumaciæ ter damnandæ  
 pronunciare: per quam infelix ego puer prius-  
 quā tam piæ matris merita apud me reputare  
 porui, non tantū saluari illo pastu memet ab-  
 dicaui: sed meis insuper per errorē cõfusus viri-  
 bus in mille mortes memet præcipitem dedi.  
 Sed laudetur deus super omnia benedictus, qui  
 fracta cordis mei contumacia ad humilitatem

mentem meam flexit: Itaque ex miserrimo errorum labyrintho ereptum ad sanctissimæ veritatis agnitionē, & Ecclesiæ nimis (heu diu) per me contemptæ gremium, bonorum denique quæ in ea sunt participationē, me reuocavit. Iā verò ne ingratus in tanti beneficij ministrum esse videar, pro tua in me pietate singulari, gratiam tibi non immeritam habeo: méque deinceps tibi totum, id est, germano Ecclesiæ filio dedo: peróque simul vt reliquam functionis tuæ sacrosanctæ partem, mecum communicaturus, præsentem sermonem eo quo cœpisti studio absolvas. Sic enim credo (quod & consentaneum est) plurimos alios ad quos forte sermo hic tuus postea peruenturus est, te Christo lucrifacturum. **EPIST.** Quòd authorem beneficij accepti Deum agnoscis, in eo quidem recte ac vt decet officiū facis. Cætèrum si meum vel in hoc solo tibi adfuit ministerium quòd ex duro & partinaci mollis, facilisque factus Ecclesiæ vocem audire, arque in omnibus sequi lubenter dehinc velis: non possum non toto animo lætari: clariorē ratus hinc me reportasse victoriam, quàm consecutus is olim putabatur, qui in olympicis certaminibus alterū vel pugnantē vel lucta vicerit. A qua etiam triumphū nobiliorem acturum me olim per dei clementiam cōfido, quàm vel de Cræso Cyrus, vel de Dario Alexander, vel de quouis alio hoste dux quantumvis inclutus egisse vnquam memoretur. Quanto enim æterna animæ salus caducis, móxque perituris huius mundi bonis potior

est : tanto certamen pro ea susceptum pulchrius, finis lætior, & corona demum inde reportata augustior censi debet. Sed cauendum sane fuerit utrique nostrum, ne dum quasi ouabundus alter alteri congratulatur, uterque itidem officium suum & illud quidem primum ac præcipuum deferat. *M I S.* Quod illud quæso? scientes namque, uti credo, nunquam commitemus uti præteriti neglectine officij nedum violati merito accensemur. *E P I S.* Tu quidem propter priorem tuam in Apostolicam sedem verborum perulantiam ex officio ad palinodiam, at ego certe propter receptas in me probationis partes ad liquidam in causa proposita sententiam constituendam confirmandamque astrictus teneor. *M I S.* Recte equidem mones: me enim præter alia multa temere & petulenter prolata, tum scripta ex industria per me olim in primatum Papæ inuectio longe grauius commouet quam Socratē olim amoris in Phædro, aut Stesichorū Helenæ accusatio perturbauit: Vt nisi eos imitatus palinodiam accipero, maculam conscientiæ contractam eluere vix ac ne vix quidē posse mihi videar. Scriptum enim est, non quod ingreditur os coinquinat animam, sed quod egreditur. Tāto vero magis ad quærendam ab ingenua confessione purgationem astrictus teneor, quanto ex diuturnitate moræ plures lædendi per meam imprudentiam grauius exitit periculum. Illorum siquidem uterque, vnus quidem post decantum carmen in helenam accusatorium, oculo-

rum cæcitate captus, simul vt damnū senserat: *Socrates*  
 alter etiam cautior prius quam vllum percepisset, à contrario argumento, malum vel auertere *apud Pla-*  
 infligendum, vel inflictum remouere poterat. *tonem in Phædro.*  
 At ego decurso fere decennio vix dum ad me  
 reduci queo, vt stylum profanum atque impu-  
 rum, quem in sanctissimā sedem ad multorum  
 offensionē iustissimā, mei verò ipsius ( quan-  
 tum in me fuit ) deploratā subuersionem olim  
 strinxeram: nunc tandem in contrarium vertā  
 argumentum. Quid igitur reliquum est? nisi vt  
 nimix dilationis moram ingenuæ confessioni s  
 ardor compenſet, pròque veritate astruēda vo-  
 cem liberam veritatēque dignam nunc saltem  
 emittat: vt si quos prior mea calumnia læse-  
 rat, eosdem reparet reficiatque fera quamuis at  
 certe vera ingenuaq; erroris confessio. Sic enim  
 futurum credo vt clemētissimus Deus ad mul-  
 torum resipiscētiā qui meam pertinaciam  
 prius cognouerunt, expressam hanc tādē spi-  
 ritus virtute vocem salubriter sit conuersurus.  
 Illud ergo hemistichion libenter vsurpans, à  
 quo carmen suum Stesichorus exorsus dicitur  
 οὐκ ἐστὶ ἔτυμος λόγος οὐρς in eundē sensum re- *Priorem*  
 liquam confessionem ore simul & corde pro- *suum ex-*  
 sequor: agnoscens nimirum voces illas quibus *rorem*  
 sanctæ sedis Apostolicæ authoritas passim à sa- *confiten-*  
 tantæ ministris proſcinditur, non tantum falsas, *tis pariter*  
 sed ter pestíferas esse: vt quæ diaboli ipsius astu *ex dete-*  
 inuectæ & excogitatæ sint ad rumpendam Ec- *stantis*  
 clesiæ vnitatem, quò in diuulsis partibus crude- *palino-*  
 lius ipse sæuire possit. Rursus profiteor ac præ *dia.*

me fero, præcellentem illam potestatis authoritatísque prerogatiuam, quæ in romana sede à Petro ad hunc vsque pontificem durauit, à Dei ipsius ordinatione & Christi institutione profectam: contra quam inferorum portæ minime vnquam præualebunt. Ac sic quidem palinodiam non verborum numero, sed mentis simplicitate æstimendam habes. Nunc vicissim quam de clauium potestate sententiam laturus sis tu videris. Neque enim ambæ aut plures gaudere his possunt. **EP 1 s.** Ego igitur siquidem seruum de domina, filium de matre, miserum denique peccatorem de dignissima Christi sponsa sententiam dicere fas est, sedem Romanam à Petro fundatam, & adhuc vsque diè continua Episcoporum serie propagatam vnà, cum reliquis quæ cum ea in fide communicant, clauium potestatem indubiam habere, ex Christi ipsius ore pronuncio: & aliam omnem con-

*Nō apud desertores* gregationem ab eius vnitatem descilcentem, clauum esse  
*Ecclesie* Quid? quod (vt Cypriani verbis vtat) pertigere  
*ius clauum esse* ipsi ad præmium Christi non possunt qui diuini esse  
*posse.* lectionem Christi perfida dissensione violarunt. Neque enim cum Deo manere possunt, qui esse in Ecclesia Dei vnanimes noluerunt. Ardeant licet flammis, & ignibus traditi, vel obiecti bestiis, animas suas ponant: non erit illa fidei corona, sed pœna perfidiæ: nec religiosæ virtutis exitus gloriosus, sed desperationis interitus: occidi tales possunt, coronari non possunt. Quod si autem vel temporis antiquitas

vel vitæ sanctimonia roboris aliquid huic nostræ sententiæ allatura videatur, ecce eandem pari numero ex verbis Vincentij illius Lirinensis conflata accipe. Seruemus (inquit præcepta maiorum nec hæreditaria signacula ausi rudis temeritate violemus. Quomodo enim fidem eorum possumus denegare, quorum victoriam prædicamus. Nam quis ille tam demens est, qui eos etsi assequi non valeat non exoptet tamen sequi, quos à defensione fidei maiorum, nulla vis depulit, non minæ, non blandimenta, non vita, non mors, non palatium, non satellites, non imperator, non imperium, non homines, non dæmones. Quos, inquam, pro religiosæ vetustatis tenacitate, de tanto munere dominus dignos iudicauit: ut per eos prostratas repararet Ecclesias, extinctos spiritales populos viuificaret, deiectas sacerdotum coronas reponeret, nefarias illas nouellæ impietatis non literas sed lituras infuso cœlitus Episcopis lachrymarum fidelium fonte deleret: vniuersum postremo iam penè mundum sæua repentinæ hæreseos tempestate perculsum, ad antiquam fidem à nouella perfidia, ad antiquam sanitatem à nouitatis vesania, ad antiquam lucem à nouitatis cæcitate reuocaret. Cuius quidem sententiæ vtriusque mirum quàm consentientis partem vtranque, ne quis forte protulisse me, nulla præmissa probatione confirmatam arbitretur, consilij mei rationem capiat: quam quoties cum fidelibus in veritatis via confirmandis mihi negotiū est, certissima lege duxi semper esse seruandam. Ea

*Alia di-  
sputandi  
ratio cum  
fidelibus  
quàm cū  
infidelib⁹  
tenenda.*

enim est quod his quæ toties probata determi-  
natæque sunt contentus, cum Martiano impera-  
tore in actis concilij Calcedonensis vere impiū  
& sacrilegum eum censeam, qui post tot sacer-  
dotum, addo etiam & conciliorum sententias,  
per profanam contentionem aliquid opinioni  
sue tractandum relinquit. Qui enim post ve-  
ritatem inuētam, aliquid vltcrius discutit, men-  
dacium quærit. Accedit quod superuacanea  
omnis vel in iure probatio sit, quoties ingenua  
litigatoris confessio præcessit, non crimen mo-  
dò intentatum agnoscentis, sed pœnam etiam  
pro eodem inflictam apertè profitentis. Nam  
cum hoc vnum sit & solum ferè accusationis  
caput, congregationi Scoticanæ aut cuius al-  
teri sectæ à toto corpore dissectæ obiectū, quod  
Catholica Ecclesia relicta ipsa se separauerit:  
tātum abest vt factum dissimulet, vt in eo ma-  
gnopere gloriatur. Deinde si sua quemque cō-  
scientia admissi sceleris agnitione extimulata  
agitat, tot furias intus premēs, quot maledicas  
voces vesaniæ restes emittit: quis non videat  
quàm iustas etiānum pœnas eadem congre-  
gatio perferat? quæ spiritualem suam matrem,  
in cuius gremio peccatorum remissionem, &  
bonorum omnium participacionem per baptis-  
mi lauacrum perceperat, non tantum maledi-  
ctis lacerare, sed & suā quoque esse toties ne-  
gare per summam amentiam cogitur. Hic ni-  
mirum maternus sanguis est, qui ab impia filia  
tam auide expetitus de terra, aut impuro potius  
tanti portenti gutture, clamat. Neque paritur



naturæ author tantam ingratitudinem inultam manere, vt quæ se in matris viscera, ex quibus ipsa prodiit, armare semel sit ausa: eadem non simul parricidij spiritualis crimen incurrisse, ac ob id vt matris, sic solis, cœli, ac bonorū omniū expertem inferorum culeo sese inuoluisse sæpius voce sua profiteatur. Quæ cum ita sint, & latæ sententiæ ratio certa vtrique sic constet: ecquid satis multis eam prosequutus sim, tu videris. Aut dubiū ne adhuc tibi esse possit, quantum iuris potestatisve in his hæreticorum conciliabulis insit. **M 1 s.** Mihi quidē iisq̃ue omnibus, qui rectam sequuti doctrinam in Ecclesia vnanimis viuunt, compertissimum est, potestatis legitimæ nihil prorsus esse: vt à ridiculis istis excommunicationum sententiis, quas in Catholicos sic (si Deo placet) validè fulminant, nemo merito metuere debeat. Sed quid illis facias, qui in priore animorum cæcitæte perstantes ridiculas istas simias, verorum hominum actiones gestu modo referentes, observare atque dispicere non possunt. Etenim si his vt illis debitorem te officij tui ratio vocatióque reddit, ineunda tibi aliqua via fuerit, qua aduersarios pertinacius quamuis reluctantes collato pede vincere, inque tuam sententiam trahere possis. **E p 1 s.** Si quàm per se facile hoc est, tam expeditum & liberum idem ab aduersariorum dolis relinqueretur, opus non valde difficile factu iniungeres. Nunc autem quādo quò in quæstione pposita perspicuitas maior inest, cò astus satanæ tenebras luci offudentis per-

plexior subtiliorque existens, docēdi ordinem aut tollit, aut certe impedit: in cōstituenda docendi methodo, id est, in inueniēda via (vtri vis) ad constringendū aduersariū idonea, nō parum hæreo. M 1 s. Quid ita? E p 1 s. Nempe quod pro aliis controuersis quæstionibus finiendis fundamenti loco subiici solet, hoc per summā aduersariorum improbitatem nobis præripitur. In aliis enim siue de iustificatione, siue de libero arbitrio, siue de quouis alio doctrinæ capite agatur, concinna & brevis definitio constitui potest: ad quam principio positam quæcunque vtrinque adferri solēt tāquam ad regulam omnium certissimā exiguntur. At hīc dum de Ecclesiæ iure, & clauium potestate disputatur: nulla tam accurata, tam apta & lucida definitio in medium adferetur, quam non pari ac ipsam Ecclesiæ vocem impudentia ad se pertrahant. Siue enim Ecclesiam veram fidelium cœtum Christi sanguine redemptum esse dixeris: omnium audacissimè se eum cœtum esse, ac solum mētientur. Siue (quod idem quamuis aliis verbis dicit) vera verbi prædicatione & le-

*Non mi-* gitima sacramentorū administratione Ecclesiā  
*nus Eccle-* definieris. Iidem omniū primi se eos esse solos  
*sia defini-* apud quos vnā cum vera verbi prædicatione, sa-  
*tionem,* cramenta legitimè administrētur, impudētissime  
*quamuis* clamabunt: quid? quod istarū talium definitio-  
*quā nō* num veluti pro parte sua plurimū facientium,  
*men hære-* architecti & auctores existāt. M 1 s. Quæ igitur  
*ricos sibi* indagādæ in hac quæstione veritatis via aut ra-  
*uēdicare,* tio tenenda tibi esse videtur? ab omni namque

inuestigatione penitus desistere, quòd vna hac via exclusus fueris si nō ignauie nimia, at certe minus erectæ ad quærendam, euincendamque veritatē alacritatis foret: præsertim quādo post vnam mox altera studiosè, & diligenter quærētibz, se offerat: ita vt (quod in prouerbio est) exclusus prima, secunda nāuigatione ne vti possis. **EPIS.** Ad eam igitur vt memet conuertam non aliter sane faciendum videtur quā si rem aliquam quæraturi prius amissam, domo profiscisceremur. Tū enim eos qui domi prius fuissent, & quibus res ipsa adhuc præsens probè agnita fuit, de notis & signis quæ rei inerant, diligenter consuleremus: vt sic edocti sine errore rem eam in qua signa omnia concurrerent, & non aliam vllam domum nobiscum reportaremus. **MS.** Eam quidem quærendæ Ecclesiæ veræ atque adeo inuentæ semel iudicandæ, rationem non improbo: imo certissimam esse iudico. At qui illi tandem viri sunt nemiū felices qui Ecclesiæ faciem olim conspicati nos viam ingressuros, de eiusdem notis & signis edocere possint? **EPIS.** Qui istud nobis adiuumentum præstent adhuc viuentes longè plurimos citare atque citatos in medium producere difficile non est. Verū quoniam cum hominum genere moroso, & difficili, atque vbi ratione aliqua teneri se senserint insigniter proteruō, nobis negotium futurum est: vitis his præsentibus (omni quanquam exceptione maioribus) dimissis, alteros quos in vera Ecclesia haud dubie vixisse ipsi pariter aduersarij no-

biscum affirmant, citabo. M 1 s. Mirum si  
*Primitiæ* non veteres primitiæ Ecclesiæ patres intelli-  
*Ecclesiæ* gas, quorum alij pro Christi confessione pluri-  
*patres ve-* ma passi, martyrio tandem coronati sunt : alij  
*rorum Ec-* hæreticorum exagitati vœfania ( vt firmissimæ  
*clesiæ si-* in Ecclesia columnæ ) inconcussi perstiterunt:  
*gnorum* Alij demum Christiānam veritatem dictis, fa-  
*oculati te-* ctisque illustrantes, pro viribus eandem pro-  
*stes.* mouerunt. E p 1 s. Hos ipsos intelligo, &  
 non alios: quippe si Ecclesiam illam veram fuisse  
 constat, quæ à Christo & apostolis collecta,  
 & constituta fuit, in qua primitias dominica-  
 rum frugū in primis martyribus Christus olim  
 libauit: consentaneum est veræ illius Ecclesiæ,  
 veras notas minimèque fallaces esse eas, quas  
 sancti dei homines non atramento solum, sed  
 suo ipsorum sanguine consignatas nobis con-  
 fecrarunt. M 1 s. Consentaneum sanè, si ta-  
 men vllas Ecclesiæ notas post se permanfuras  
 scriptis commendarunt. E p 1 s. Ausculta  
 igitur, & dum eas proprias & peculiare tibi  
 profero, tu de singulis tuū interponens iudiciū  
 easdem, vel admitte, vel si potes cum ratione  
 aliqua quæ pro aduersariis facere possit, reuelle.  
 Vnum hoc tantum te præmonitum volo, si in-  
 commemorandis proprietatibus Ecclesiæ veræ  
 natiuis, rem vnā omniū maxime necessariā  
 non quidem omisero, sed in proprietatum nu-  
 mero minime posuero: id neque negligentia,  
 neque ignorantia, sed studio quodam & consi-  
 lio abs me factum iri. Nulla enim res in Eccle-  
 sia prior potiorue censeretur, quàm ipsius

verbi veritas minime adulterata. Quippe hæc illius vita est, sine qua emortuâ mox ralescere atque interire Ecclesiam est necesse. Neque tamen inter speciales Ecclesiæ proprietates ea (quantumvis cõiuncta & innata sit) recensetur: propterea quòd nullum vnquam hæreticorum delirium tam stultum tamque ineptum extitit, quod non verbi veritatem specie quadam pro se obtenderit. Hic scilicet satanæ Ecclesiæ paci & vnitati semper invidentis astus fuit, vt quod inter alia vnum vel maximû, cùm ad dignoscendam Ecclesiam signum, tum ad eandem defendendam propugnaculum esse debebat: etsi non penitus è medio sublatum, mille tamen artibus tectum obscuratûmque reddiderit. Quanuis autem in proprietatum serie seorsum & per se sanctissima illa veritas propter iam dictam causam, locum non habeat: nihil tamen vetabit quo minus proprietatum vnaquæque, adeoque ipsa etiam Ecclesia, ad vnicam hanc normam exigatur. **M I S.** Intelligo: hoc namque vis non tam particularem notam quàm vniuersalem omnium regulam verbi veritatem censerì debere. **E P I S.** Istud ipsum volo: & proinde liberum tibi esse intelligito, eam omnem Ecclesiæ faciem descriptionemve proprietatû constanter repudiare: quæ in Dei verbo clarè, & citra omnem allegorici sensus ambiguitatem non fuerit adumbrata. **M I S.** Legem istam (quando pro certiore eius quod quaeritur demõstratione factura videtur) libens admitto. Ceterum præter puram & pri-

meam illam verbi veritatē, quānam quæso ex quibus Ecclesiæ veræ facies dignosci potest, proprietates à veteribus descriptæ cernuntur? **Epis.** Apud Optatum Milevitanum contra Donatistas Cathedræ & fontis factam mentionem reperio, apud alium charitatem proprietatis loco positam deprehendo: sed quoniam hæ cum verbi prædicatione si nō vnū idēque sunt, certē indiuiduo nexu cum eadē sic copulantur, vt qui falsa aliqua specie verbum ad se pertraxerint, illas etiam iure suo vsurpasse videantur: ego illis omissis, adeoque his omnibus præteritis, quæ ab vno forsitan aut altero veterum doctorum celebrantur, eas modò in medium adferam, quæ doctorum omnium consensu sic approbatæ sunt: vt ne ipsi quidem aduersarij (modo sibi ipsis consentire velint) easdē improbare possint. An nō in symbolo, partim Niceno, partim Cōstātinopolitano, vtrōq; etiam ab ipsis hæreticis non parum celebrato, veluti indiuiduæ Ecclesiæ veræ notæ quatuor recēsentur, dum vnā Ecclesiam sanctam Catholicam & Apostolicam credere se patres profitentur. Quarum quidem proprietatum vis vt melius intelligatur, tenendum fuerit Ecclesiam speciem & similitudinem corporis naturalis & viui præ se ferre: adeo vt quæ proprietates dimensionēsve vere & naturaliter in illud competant, easdem suo iure sibi vendicet Ecclesia. Vt igitur animantis corpus viuum vere & proprie dicitur, à quo quandiu viuit, animus indiuiduus est, & in quo membra plura & di-

*Vera Ecclesia si-  
gna indu-  
bitata.*

*Ecclesia  
corporis  
viventis  
speciem  
habet.*

uerſa cernuntur, quorum tamen nullum ipſum animal vocari poteſt : ita de Eccleſia ſentendum fuerit. Promiſſum nanque ſpiritus ſanctum, & corpus totum Eccleſiæ, & viua eius veraque membra ſingula viuificantem, perpetuo in ſe habet: à quo tum natium ſanctitatis vigorem, tum in latitudinem ſimul & longitudinem iuſtum incrementum ſubinde conſequitur. Quemadmodum itaque in vnitae Eccleſiæ corpus totum notatur: ita in tribus reliquis proprietatibus vniuerſæ quæ in corpore naturali cernuntur diſenſiones non ineleganter exprimitur. M I S. Quibus illis? E P I S.

Cernitur in Eccleſia quædam per continuam *Eccleſ. longitudi-* ſucceſſionis ſeriem, in ſinem uſque mundi pro-  
tenſa duratio. Eſt rursus in eadem quædã (vt ita *Eiusdem* loquar) vniueſalitas, ſecundum quam ipſa per *latitudo.* totum terrarum orbem diſuſa intelligitur. Po-  
ſtremo ſolidum ſanctitatis robur & firmamen- *Eiusdem* *ſolida cras-*  
tum, per quod contra inferni portas inuiecta *ſities.*

ipſa Eccleſia durat, in eadem deprehenditur. Harum ego primam longitudini, ſecundam latitudini, tertiam profunditati ſiue craſſitiei reſpondere non ineptè dixerim. M I S. Fateor quidem in ſingulis analogiam non valde impropriadm reperiri: ſed quibus tu vel ſcripturarum vel doctorum teſtimoniis, neceſſarias illas in Eccleſia proprietates eſſe docebis? E P I S.

Vt ordine ſingula mōſtrētur, ab vnitae (quam *Vnitatem* primam Eccleſiæ proprietatem poſuimus) inci-  
piendum nobis fuerit: quæ præclaro quodam *ſic notam* & ſplendido catiſmatum diademate Eccleſiam *probatum.*

fingens, plurimis clarissimisque testimoniis nihilominus Ecclesiæ necessaria esse, quam viuēti corpori animus perhibetur. Principio autem insigne illud sponsi præconium in canticis extat: Vna est columba mea perfecta mea. Hæc significauit quidem inconfutibilis illa Christi tunica neutiquam scindenda, sed quò tota vni obueniat sorte diiudicanda. Eadem non obscure adumbravit domus illa, in qua comedebatur agnus, Christi illius ab origine mundi occisi, propria & diserta figura. Eandem expresseit Apostolus, vnum corpus & vnum spiritum cunctos fideles pronūcians. Quibus tam clari scripturarum testimoniis reliquum credo fuerit, (iuxta atque promissimus) primorum patrum de vnitae Ecclesiæ tanquam proprietate necessario requisita loquentium, testimonia subiicere. Inter orthodoxos igitur patres fidelis Ecclesiæ doctor, & constans Christi martyr

Cyprianus tantò authoritate grauior, quantò aliis tempore prior semper habitus, in tractatu

„ de simplicitate prælatorum hæc habet de Ec-  
 „ clesiæ vnitae verba disertissima. Quamuis apo-  
 „ stolis omnibus post resurrectionem suam, pa-  
 „ rem potestatem tribuat, tamē vt vnitatem ma-  
 „ nifestaret, vnitatis eiusdem originem ab vno  
 „ incipientem sua authoritate disposuit. Hoc  
 „ erant vtique & cæteri Apostoli, quod erat pe-  
 „ trus, pari consortio præditi & honoris, & pote-  
 „ testatis: sed exordium ab vnitae proficiscitur,  
 „ vt Ecclesia vna monstretur. Et rursus, Ecclesia  
 „ enim vna est, quæ vna & intus esse & foris non  
 potest:

Cypria-  
 nus.



potest: si enim apud Nouatianum est, apud „  
Cornelium non est: si vero apud Cornelium „  
fuit qui Episcopo Fabiano legitima ordinatio- „  
ne successit, & quem præter sacerdotij hono- „  
rē martyrio quoque dominus glorificauit: No- „  
uatianus in Ecclesia non est. Audis sic necessa- „  
riam in Ecclesia vnitatem, vt & eius seruandæ „  
causa Petrus speciali prærogatiua à domino re- „  
liquis prælatus fuerit, & eandem rumpendo v- „  
nitatem Nonatianus in Ecclesia esse defecit: „  
postremo vt sine ea, Ecclesia omnino cōsiste- „  
re non possit. *Mrs.* Audio sane diserta Cy-  
priani verba, quæ dicis omnia clare confirman-  
tis. Sed quid illis facias qui Cyprianum quam-  
uis & vetustate clarum & martyrio coronatum  
hominem tamen fuisse, ac ob id errare potuif-  
se, imo & alicubi errasse aiunt? vt illius testi-  
monia quæuis tum demum rata haberi debeant,  
quando ea verbo dei confirmata reddiderit.  
Quod cum aduersus singulos alios doctores  
adferre soleant: tum in eum optimo iure id  
dicere posse videntur, qui consimili atque Cy-  
prianus erroris næuo aspersus fuerit. *Ep̃s.*  
Ad hanc tuam obiectionem quam ex aduersa-  
riorum sententia adfers, non melius responsu-  
rus mihi videor, quàm si in consimili dubita-  
tione veteris illius Vincentij verba tum mihi  
tum aliis sequēda proponam, nimirum vt pe-  
stifero corruptoque membro (si quando ali-  
quod tale deprehendatur) vniuersi corporis  
sanitas antepōnatur. Quæ sententia vt de sin-  
gulis ab Ecclesiæ totius consensu deficientibus

rata habeatur, tamen an in Cyprianum etiam propter quamvis particularem assertionem cadat, non ita compertum habeo. Neque enim vllum Ecclesiæ decretum extitit, contra quod vlla sua priuata sententia veniens, obediens Ecclesiæ filius esse desierit. Deinde etiam si opinionem aliquam fouerit, ab Ecclesia postea minime receptam, immo & improbatam: tamen in ea nō sic pertinax perstitit, vt refectionis maculam mereretur. Sed vt (quod grauiſſimum est) errasse Cyprianum concedamus: tantum tamen abest vt vel illi, vel cuius doctorum

*Praferendum esse Ecclesiæ cōsensum vni<sup>9</sup> quā- uis præcellentis auctoritati.* quantumvis præcellenti, in quibus errauerit fidem haberi velim: vt si quando à verbo & Ecclesia (quæ verbi custos est) in aliquo diuersum senserit tum iuxta sententiam iam prolatā, non eum sed Ecclesiam sequendam esse constanter affirmem: omninoque relicto singulari vnus vllius sensu, consensum omnium tenendum esse cēseam. Quo fit vt non tam me grauet quod Cyprianus olim errasse dicatur, quā erroris causa euidentissima ratione confirmet. Non enim cum Ecclesia sentiendo errasse eum, sed eò tantum quod suum ipsius iudicium sequutus sit, istam erroris maculam sibi inuississe, vel ipsi aduersarij dicere possunt. Itaque si contrariorum contraria debet esse ratio, certe quā infirma aut potius nulla vnus authoritas contra Ecclesiæ totius cōsensum haberi debet: tantum eidem (si quando consentaneè loquatur) deferre, & ratio suadet, & communis ille spiritus (eorum quæ in Ecclesia conformiter dicuntur solus

author) sua interposita authoritate strictissimè mandat. Iam verò quod in quæstione est, nisi ex omniū aliorum tum præcedentium tū subsequentiū cōsensu, Cyprianū ista quæ de vnitate Ecclesiæ scripserit dixisse, ipsi etiā aduersarij fateantur: quo minus ex eo citata omnia testimonia nullo loco habeantur minime recusato. Quoniā itaque in ore duorum aut trium stat omne verbum, subsequentium doctorum *Hieronymus* voces audiamus. Hieronimus lib. 1. aduersus *Mus.* Iouinianū hæc verba per obiectionis modum. “ adfert. At dices super petrum fundatur Eccle- “  
 sia: licet idipsum alio in loco super omnes apo- “  
 stolos fiat, & cuncti clauēs regni cēlorum acci- “  
 piant, & ex æquo super eos Ecclesiæ fortitudo “  
 solidetur: tamen propterea vnus inter duode- “  
 cim electus est, vt capite constituto schismatis “  
 tollatur occasio. Et ad Damasum pontificem, “  
 ego nullum nisi Christum sequens beatitudini “  
 ruz, id est, cathedræ petri communione con- “  
 socior. Supra illā petram edificatam Ecclesiam, “  
 esse scio: quicūque extra hanc domum agnum “  
 comederit profanus est. Ecce rursus audis ex D. “  
 Hieronymo non tantum vnitatem in Ecclesia “  
 necessariam & ab vno profectam capite: sed “  
 & eandem in Romana sede sic constitutam, vt “  
 qui eandem reliquerit amplius Christianus mi- “  
 nime censeatur. Augustini verò testimonia re- *Augustinus* “  
 censere quid attinet? quando integrum contra *nm.* “  
 donatistas conscriptum volumen, quàm ille vir “  
 sanctissimus & omnem Ecclesiæ diuisionem “  
 auersatus fuerit, & eiusdem vnitatem probarit.

abunde testetur. Neque vero vnitatem Ecclesiæ veræ peculiarem notam extitisse solum, sed pari necessitate hæreticos quòd ab eius vnitatem defecerint, in multitudinem disceptos fuisse, ac proinde euauisse grauissimi authores testantur. Tantum nimirum in rebus ipsis contrariis momèti inest vt principij illius Dialectici, (quo contrariorum contraria esse consequentia dicuntur) certæ & indubitata veritas vel hoc loco facile appareat. Sic enim de sui temporis hæreticis Hylarius in lib. ad Constantinum Augustum scribit: periculosum (inquit) nobis admodum atque etiam miserabile est, tot nunc fides existere quot voluntates, & tot nobis doctrinas esse quot mores, & tot causas blasphemiarum pullulare quot vitia sunt: dum aut ita fides scribuntur vt volumus: aut ita vt volumus intelliguntur. Et cum secundum vnum deum, & vnum dominum, & vnum baptisma, etiam vna fides sit: excidimus ab illa fide quæ sola est: & dum plures fiunt, ad id cœperunt esse ne vlla sit. Cui subscribens Gregorius sic ait: habent hæretici hoc proprium, quòd in eo gradu in quo de Ecclesia exeunt, diu stare non possunt: sed ad deteriora quotidie ruunt: & sentiendo peiora in multis se partibus scindunt, atque à semetipsis plerumque longius confusionis suæ altercatione diuiduntur. Eadem fere habet Epiphanius: hunc morè, inquit, habent hæretici quoties vno verbo pietatem contempserint, & à via veritatis aberrauerint, in multos & varios errores labi. Vniform-

Lib. 3.

Moralium

cap. 19.

37. a. Hæresis Epiphanius

mis enim res veritas : mendacium autē in varia  
 distrahitur, Vnde grauis quidā scriptor suo tē-  
 pore talem sectionē accidisse memoriæ mandat  
 ad hūc modū: Sed non diu hæreticos tulit, qui “  
 salutis nostræ curā gerit deus. Nam adulterina “  
 Ecclesiæ dogmata, quæ paulatim emicuerant, “  
 breui sunt extincta : ita seipsis inter se aboli- “  
 tus cum alij super alios nouis rebus studerent “  
 atque inter se conflictarentur, non aliter quam “  
 fluctuum commotiones insurgentes subinde “  
 atque decidētes, in varias multiplicēsque abeūt “  
 formas: & postremo, vt nihil eorum appareat, “  
 euanescent. Contra veritatis ipsius causa tum “  
 incrementa sua capiebat, magisque in dies au- “  
 gebatur, accessionem quandam & robur cer- “  
 tum ex hæreticorum insultu sumens. Semper “  
 enim sibi constabat Ecclesiæ Catholicæ splen- “  
 dor, & status, & granitas. Iam vero antiquissi-  
 mus Tertulianus in lib. de præscriptionib<sup>9</sup> hæ- *Tertulia-*  
 reticorum, non tantum hanc multitudinis dif- *nus.*  
 ferentis diuersitatīque multæ proprietatem  
 hæreticis adscribit: sed eiusdem causam solerter  
 indagatam ponit. Nempe quòd dum suo quis-  
 que modulatur arbitrio, quæ accepit quemad- “  
 modū de arbitrio suo ea cōposuit ille qui tradi- “  
 dit, à suis ipsorum regulis variant. Ex quibus “  
 omnibus illud tandem efficitur non vnus Cy- “  
 priani, sed multorum, nec multorum modo, sed  
 totius Ecclesiæ iudicio vnitatem Ecclesiæ pro-  
 prietatem indiuiduam comprobati: neque mi-  
 nus eā Ecclesiæ vere ad natam quàm hæreticis  
 omniū sæculorum innatum fuerat, in variam at-

que incertam multitudinem subinde deriuari. Quò fit vt (mea quidem sententia) opus non sit aliorum testimonia pluribus pertexere, in re præfertim non multum controuersa: quando in rebus maximè dubiis duos aut tres adhibuisse testes pro facienda fide, vel ex Euangelij præscripto satis habeatur. M I S. Nihil sane est opus quando quidem vnum ouile, & pastorem vnum Iesum Christum esse, scripturæ sacræ passim commemorant. Quapropter quasi vnitatem in vinculo pacis constatam, non tantum insignem quandam proprietatem: sed præcipuum insuper decus & ornamentum in Ecclesia confiterentur omnes, tu te ad alias quæ supersunt proprietates pari euidencia cõmonstrandas confecto. E P I S. In tribus proprietatibus quæ sequuntur, non ita multum interest quam cui præmittamus: modo doctrinæ facilitati & demonstrationis euidentiæ seruiētes, cum teneamus ordinem, qui pro tempore commodissimus visus fuerit. Itaque secundo loco ad eam Ecclesiæ proprietatem accedamus, quam in sanctitate positam, vigoti corporis aut robori respondere diximus. Ea verò quum duplici intellectu passim apud omnes tum doctores sacros, tum authores bonos capiatur: sub utroque (dis-

*sanctitate* pari quamuis modo) in Ecclesiā veram & eam  
*esse Eccle-* solam verissimè competit. Vno namque modo  
*sic vera* pro vitæ puritate & innocentia, altero pro  
*notā pro-* inuicta quadam firmitate & constantia, quæ ex-  
*pat. sr.* pugnari nō potest, sumitur. Priori modo quāuis oculis hominum nō sic manifestè appareat

Ecclesiæ puritas, propter multorū in ea viuentium impuritatem : certum tamen est à meliori parte hominum pietati pro viribus studentium, propter inhabitantem spiritum omnis sanctitatis causam, nō abs re Ecclesiam sanctam nuncupari. Nam vt corpus hominis nēuis quamuis aspersum, propter beneficium vitæ in singulis membris functiones suas exercentis, natua & non asciticia pulchritudine cōspiciū cernitur: ita ab interno spiritu instar animæ Ecclesiam totam in membris veris & viuīs administrante, Ecclesia ipsa ( multa quamquam impuritate laborans) sancta & est, & verè dicitur. De hac sanctitate extāt testimonia: primo quidem in Canticis: nigra est dilecta mea sed formosa. *Cant. cap. 6.* Et eandem Petrus Ecclesiam gentem sanctam & regale sacerdotiū vocat, quod eam Christus sanguine suo lauerit, tradideritque semetipsum pro ea: vti illā sanctificaret, atque ab operibus mortuis emundaret. Hac ratione Augustinus in Psalmum 85. testis est, fideles sanctos vocari. *August.* Et Opratus Mileuitanus Ecclesiam vnā vocat, cuius sanctitas de sacramentis colligitur: non de superbia personarum ponderatur. Et Chrysostomus homil. 10. in Hebræos fidelis (inquit) sanctus est quatenus fidelis: & mox subdit alios esse sanctos vita & fide, alios fide tantum. Quibus verbis præfati omnes nihil improbitatem malorum bonis conuiuentium impedire iudicant, quo minùs spiritus inhabitantis sordēque omnes subinde expurgantis beneficio, Ecclesia tota sancta dicatur: præsertim quando

quicumque vere sancti sunt, ij omnes in Ecclesia sunt : extra autem præter falsam & e mentiram sanctitatis speciem sanctitatis nihil deprehendatur. Neque enim scoria auri precium tollit, nec næuus natiuam pulchritudinem quam obfuscat, omnino nullam esse facit. In priore ergo sensu vocis, sanctitatem verā minimèque dubiam Ecclesiæ proprietatem esse, facile constare potest. Secundo autem sensu tanto certior sanctitatis attributio merito videri potest: quanto clarior probatio non tantum ex scripturarū authoritate & doctorum testimoniis, sed omniū sæculorum deprehensa ad hunc usque diem experientia existit. Nam cū secūda acceptione id sanctum sit quod vndeque munitum, aut neutrquam violādum habeatur: quomodo muros sanctos, item & magistratus, optimos quosque sequuti authores dicimus: profectò Ecclesia hoc sensu vel sanctissima suo iure dici poterit: quippe quam Christo dicatā nulla nec terrena nec inferna vis, illi potest eripere. De hac enim est illud in Canticis. Terribilis vt castrorum acies ordinata. De hac illud Euangelij quod ædificata nimirum super petram sit, ita vt neque pluuiæ, neque venti, neque flumina irruentia eam subuertere possint. Habet enim fundamentum firmum & stabile de quo Apostolus: fūdamētum aliud nemo potest ponere præter id quod positum est. & Psal. 103. Mographus fundasti eam super stabilitē suā, non inclinabitur in sæculum sæculi. Et proinde de Chrysostomus Homilia de ipsius expulsio-

*Cant. 6.*

*Paul ad*

*1. Cor. 13*

*Psal. 103.*

*Chrysost.*



ne hęc Ecclesię firmitatem admiratus, eam terra, imo & cęlo fortiozem pronũciat: solem ipsum vt extingui sit facilius, quęm Ecclesię victam extirpari. Quod si autem roboris illius, & firmitatis causam animis reputemus, tum & simul mirari desinemus, simũque frustra eam ab aduersariis omnib<sup>9</sup> peti facile intelligemus: vt quam impugnate licet sępius, expugnare tamen nunquam aduersus tam fortem propugnatozem vniuersi possint. Spiritus enim sanctus est, qui perpetuo Ecclesię inhabitans eam animat: neque tantum contra apertam vim armat & roborat, sed contra clandestinas insuper insidias tutam tectamque reddit. Circumdedit enim (vt ait propheta) domum suam quę est Ecclesię iis qui militant sibi. Hoc igitur tam strenuo bellatore freta Ecclesię, eiũque virtutem minime falsam sępius experta, hostes suos omnes seu paganos & tyrannos, seu hęreticos & schismaticos fortiter cõtemnere didicit. Quippe sęuis illorum oppugnationibus nõ tam debilitata, quam sæculis omnibus confirmata, aucta que magis & corroborata fuit: vt non abs re illud Dauidicum in persona Israëlis decantari possit: Sępe expugnauerũt me à iuuetute mea, etenim non potuerunt mihi. Hanc itaque firmitatem Ecclesię inseparabilem vno ore celebrantes doctores, miris præconiis eam effecerunt. Augustinus quidem, quodd Ecclesię oppugnari potest, expugnari autem nõ potest. Et Tertulianus non deficiet ista quam tunc ædificari magis scias cũ cædi videtur. Et idem rur-

Psal. 128.

August.

181. Ser-

mone.

Tertul. ad

Scapulam



„ sus in apologetico exquisitior quæquæ crudeli-  
 „ tas vestra illecebra est magis sectæ : plures effi-  
 „ cimus quoties metimur à vobis : semen enim  
 „ est sanguis Christianorum. Et iterum de fuga  
 „ in persecutione. Quis est enim exitus perle-  
 „ quutionis ? quis effectus alius nisi probatio &  
 „ reprobatio fidei qua suos vtrique dominus exa-  
 „ minat ? & post : ita agnosces ad eundem ago-  
 „ nothetam pertinere certaminis arbitrium , qui  
 „ inuitat ad præmium . Totum quod agitur in  
 „ persecutione, gloria dei est, probantis & re-  
 „ probantis, imponentis & deponentis : quod  
 „ autem ad gloriam dei pertinet vtrique ex volū-  
 „ tate illius eueniet. Sed quando deus magis cre-  
 „ ditur nisi cum magis timetur nisi in tempore  
 „ persecutionis : tunc & fides in expeditione  
 „ sollicitior, & disciplina in ieiuniis, in stationib⁹,  
 „ & orationibus, & humilitate, in alterutra dili-  
 „ gentia & dilectione in sanctitate & sobrietate.  
 „ Non enim vacatur nisi timori & spei, adeo ex  
 „ hoc ipso ostenditur nobis, non posse diabolo  
 „ deputari eam quæ meliores efficit dei seruos.

*Hylarius* Et Hylarius: dum persequitur, floret : dum op-  
*lib. 7. de* primitur, crescit : dum contemnitur, proficit:  
*Trinitat.* dum læditur, vincit : dum arguitur, intelligit:  
*Greg. Na-* tunc stat erecta, cum superari videtur. Et Greg.  
*Zianz. 1.* Nazianzenus persecutionibus eā crescere ait,  
*contra Iu-* quoniam animæ magis in pietate sunt obfit-  
*lianum.* mata, & per discrimina tanquam ferrum can-  
 „ dens aquæ vi temperatæ, ac solidiores redditæ.  
 „ Solet enim generosa prudētia pertinacius vio-  
 „ lentia resistere, non secus ac flamma ventis

agitata tanto plus accenditur, quāto vehemen-  
 tius inflammatur. Et Hieronymus: Ecclesia per- *Hierony-*  
 secutionibus inflamatur & ardet, sicut olim ru- *m<sup>o</sup> ad Fa-*  
 bus Moyſi: verū loquēte in illa domino non *biolam.*  
 perit, neque cōsumitur. Et Ambrosius sicut au- *Ambros.*  
 rum bonum, ita Ecclesia cum vritur, detrimēta *in Psalm.*  
 non sentit, sed magis fulgor eius augetur. Et a- 118.  
 lio loco: vt vinea dum iugatur, erigitur: & re-  
 scissa non minuitur, sed augetur: sic Ecclesia dū  
 ligatur, soluitur, dū humiliatur, attollitur: dum  
 reciditur, coronatur. Et leo pontifex: non mi- *Leo pont.*  
 nuirur persecutionibus Ecclesia, sed augetur: & *i sermone*  
 semper dominicus ager segete ditioze vestitur: *primo de*  
 dum grana quæ singula cadūt multiplicata na- *natali Pe-*  
 ſcūtur. Quæ æncomia firmitatis, sanctæ sancti- *tri &*  
 tatísque firmæ & constantis longe clarissima, *Pauli.*  
 ecquid secundā Ecclesiæ veræ proprietatē satis  
 nobis cōfirment, tu videris. Meo nāque iudicio  
 sic clarē eam notam euincunt, vt eādē præter  
 veram & Catholicam Ecclesiam alia nulla se-  
 cta vsurpare vllō iure possit. Quid? quod non  
 tantum natiua quædam & semper Ecclesiæ ve-  
 ræ adhærens conditio, sed tertiæ insuper pro-  
 prietatis ipsius nimirum vniuersalitatís veluti  
 ex se consurgētis, causa esse vera & efficax com-  
 monstratur. Quemadmodum enim quibus *Ex perse-*  
 studium est Syluam maiorem facere, eam incū- *quatione*  
 dunt, vt ex singulis radicibus propagines plu- *vniuer-*  
 res postea enascantur: ita tyrannorum perse- *salitas na-*  
 quationibus succisa sæpius Ecclesia, in nouas *ta.*  
 denuo plantas succrescit: quæ in omnem par-  
 tem ramos suos latissimè diffundentes, vel toti

occupandæ imo & operiendæ terræ facile  
 sufficiant. Cuius rei argumentum clarissimum  
 in primis iactæ Ecclesiæ fundamentis, cum ma-  
 nifeste appareat: tum in quo tantum perficie-  
 batur opus non ita multum temporis effluxe-  
 rat: ut non minus temporis breuitatem, quam  
 operis confecti magnitudinem merito quis  
 mirari possit. Ab Hierusalem enim, vnde Euā-  
 gelij verba prædicari primum cœpta sunt, sic  
 subito eadem tanquam solis radij effulserunt  
 ut in tribus diuersis orbis partibus Asia, Aphri-  
 ca, Europa, vno eodémque fere temporis mo-  
 mento throni Christo erigerentur. Contulit  
 quidem non parum (fateor) ad hanc tam cele-  
 rem Euangelij propagationem imperator Ti-  
 berius, quem Ethnicum licet & idololatram sic  
 flexit dominus: ut de Christo passio, & à mor-  
 tuis resuscitato certior semel à Pilato factus, nō  
 prius acquieuerit: quam de eo ad Senatum re-  
 tulerit, palàmque interdixerit, ne quis Christi  
 Christianorumue deinceps accusator existeret.  
 Sub eo itaque Ecclesiæ passim non aliter atque  
 verni flores consurrexerunt: quæ deinceps non  
 tantum læto tràquillitatis tempore, sed aduer-  
 sis etiam persecutionū procellis fœliciter per-  
 mansuræ, in immensum robur creuerunt: ut

*Psal. 18.* non abs re per Psalmographū de futura in tē-  
 pore Euangelij Ecclesiæ claritate dictum fuisse  
 constet: in omnem terram exiuit sonus eorū, &  
 in fines orbis terræ verba eorū. Nam & ipse A-  
 postolus Paulus dum adhuc iacerentur Euan-  
 gelij fundamēta: Ad Romanos scribens sic ait,

*Cap. 1.*

fides vestra annūtiatur per vniuersum mūdum. Et certe si non in vniuersum mundū diffusa, sed quibusdam terræ angulis constricta Ecclesia intelligatur, quod Optatus contra Donatistas, *Lib. 2.* quasi incommodum maximum adfert, id quivis merito dicere posset: si per tot prouincias, quot vix numerari possunt, non sit Ecclesia: vbi erit proprietates catholici nominis? cum inde dicta sit Catholica, quod sit rationalis & vbique diffusa. Nam si sic coarctatur Ecclesia, si vniuersæ subducūtur gētes, vbi erit illud quod filius dei meruit? An non illius sanguis (vt quodam in loco eleganter loquitur Hieronymus) *Hier. contra Luciferianos.* sterilis censebitur? Vbi erit quod libenter ei largitus est pater? dicens: dabo tibi gentes hæreditatem tuam, & possessionem tuam terminos terræ: Et rursus: dominabitur à mari vsque ad mare, & à fluminibus vsque ad terminos terræ. Tota terra promissa est à patre, qui dum promittit nihil excipit. De hac Ecclesiæ per orbem testarum diffusæ latitudine conformiter Augustinus ait Sermone 131. & 181. de tempore: Catholica (inquit) toto orbe diffusa intelligitur, quia diuersorum hæreticorum Ecclesiæ ideo Catholicæ non dicuntur, quia per loca & suas quasque prouincias continentur. Et ante eū Origenes: Catholici dicimur, quia sentimus idem quod vniuersus mundus. Atq; hæc pauca ex innumeris quæ depromi possunt si cui minus sufficere videātur, ad vniuersalitatis notam quincendam: is ex Optato & Augustino plura repetat. Hæc enim instituto præsentī arbitra-

tus satis accommodá, reliqua consulto prætermittenda duco. Nisi forte aliquid abs te in medium, allatum fuerit quod pro aduersariis faciens, vel hæc infirmare quæ diximus, vel maiorem aliquam confirmationem desiderare videatur. *Mrs.* Quæ de sanctitate & vniuersalitate abs te dicta sunt memoria adhuc retinēs, non possum equidem non omnia cum scripturis sacris, tum doctorum testimoniis sic confirmata probare. Ideoq; aduersarios perparuam in supra dictis difficultatem dubitationemve facturos confido: nisi forte caput illud durationis sibi parum correspondere intelligentes, paulo aliter ac tu interpretari idē velint. *Eps.* Quo inquam modo? *Mrs.* Nempe vt dicant Ecclesiam ita quidem durare, vt non semper tamen visibilis sit: sed cum vniuersalis persecutionis tēpore obscurā lateat, non hominum, sed Dei solius oculis conspicua, mox sedata tempestate è tenebris in lucem emergere, deo sic per temporū interualla, nunc suā Ecclesiam sub afflictionis nebula occultante, nunc verò vicissim dato ad respirandum tempore claram lucem eidem offundente. *Eps.* Intellego tritam illam stropham, & quo spectet eadem facile teneo. Nempe tenebras inde imperitis offundere conantur, dum Ecclesiam talem volunt, quæ ignoretur penitus sensumq; omnem effugiat: quasi vbi hoc obtinuerint, affirmare simul possint, se suamque sectam priusquam essent, imo quando in rerum natura (quod aiunt) omnino non extarēt, durasse tamen. Sed hoc il-

lorum commentum subtile quidem falsitatis  
coarguit ipse Christus Matthæi 18. adire Eccle-  
siam iubens, & apud illam delinquentis fratris  
nomen deferre: quod utique impossibile fa-  
ctu foret, si inuisibilis esset. Sed profecto non  
ita est, nec per prophetas loquens spiritus san-  
ctus sic nos docuit: qui Christum tabernacu-  
lum suum, id est suam Ecclesiam posuisse in so-  
le passim commemorat: ut claram eam & illu-  
strem omnibus faceret. Qua etiā de causa vo-  
cat eam ciuitatem in monte positam, quæ non  
potest abscondi. Iste scilicet mons est, de quo  
Esaïas prædixit, fore inquiens in nouissimis  
diebus præparatum montem, domum domini  
in vertice montium, qui super colles eleuabi-  
tur, & fluent ad eum omnes gentes, & ibunt  
populi multi. Cum quibus tum Christi tum  
prophetarum verbis istud Ecclesiæ inuisibilis  
quæ nusquam percipiatur figmentum, quo pa-  
cto cōueniat ipsi viderint. M 1 s. Ut quod ve-  
rum est dicam, non valde inter se conuenire vi-  
dentur, quod ab ipsis refertur, & quæ abs te ci-  
tantur testimonia. Sed vide an non multo fir-  
miora sint, quæ contra vniuersalitatem (saltem  
ut eam confirmare visus es) pro se adferunt. Nō  
enim nudis tantum commentis & expositio-  
nibus nituntur, sed aperta testimonia scriptu-  
rarum producunt: quibus longe aliam & diuer-  
sam vniuersalitatis faciem esse debere conuin-  
cant. Ac primo illud Cantici: annuncia mihi  
quæ dilexit anima mea, vbi pascis vbi cubas in  
meridie? Quæ verba quidem ad Ecclesiam pro-

lata esse cōstat. Porro merities (orbis nimirum terrarum vnus angulus) locus definitur, in quo relictis aliis terræ regionibus Ecclesia molliter recubet. Quod si ita est, vnde nobis istam vniuersalitatem per totum terrarum orbem diffusam, quæ corporis (vt ais) latitudinem referat? **EPIS.** Verba agnosco lubens, quibus ad suam stabiliendam Ecclesiam Donatistæ contra Catholicam olim abutentes, Augustino permolesti fuerunt. Sed scis vt veteranus ille Christi miles telum istud hostibus extorserit. **MS.** Quo pacto ego quibus ille artibus telū hoc eripuerit, intelligere possum? qui de Donatistis vnde nam essent, quāmvē partem incoherēt, aut quam sectam religionēmvē profiterentur, ne verbo quidem vnquā audiui. **EPIS.** Vis ergo priusquam vltius pergo, quò verborum allatorum vterque & germanus, & ab illis confictus adulteratūsq̃ sensus magis pateat, istorū Donatistarum historiam paucis perstringam? **MS.** Maximè. **EPIS.** Orta hæc hæresis in Aphrica fuit, ab authore Donato annum circiter Christi (vt est Hieronymi Cronico) 331. Causam autem hæresi (vt est author Optatus Mileuitanus) dedit schisma triplici de causa, & à tribus diuersis personis in Ecclesiam introductū. Nam Lucillæ factiosæ & diuitis mulieris propter Ecclesiasticam correptionem irritatæ superbia, principium: Botri & Celestij in ordinatione Cæciliani postpositorum ambitio, incrementum: Seniorum demum aliquot de aureis templi vasis postulatorū auaritia, occasionem schismati



schismati dederunt. Quod sic productum, nutritum, & roborarum arripiens Donatus, mox in hæresim conuertit. Postea verò eadem hæresis ab altero succedente Donato aucta magis & confirmata, his omnibus qui eam profitebantur nomen dedit: vt Donatiani aut Donatistæ ab eo appellarentur. Hi homines Ecclesiâ in Aphrica tâtum esse, in reliquo verò toto orbe prorsus periisse affirmarunt, contextum illum Canticorum quem nuper retulisti, cum aliquot aliis scripturarum locis deprauatis pro se nō minus sedulò, quàm nostri aduersarij adferentes. Quam hominum vesaniam nimium obfirmatam, toto animo detestatus Augustinus, inter alia quibus ipsorum ineptias refellit, peruersæ etiam isti expositioni qua meridiem Aphricam interpretantes, in eius tantum parte Ecclesiam recubare, contenderunt, dupliciter occurrit. Ac primum suo ipsorum telo eos iugulans, Maximianistas (qui ab ipsis paulò antè defecerunt) eodē aut potiore etiam iure Ecclesiam apud se solos esse, dicere posse ob id confirmat: quòd illi quàm reliqui Donatiani longè magis ad austrum vergerēt, & loca insuper angustioribus finibus circumscripta inhabitarent. Vt si habitandi locus vel angustus, vel ad meridiem vergens, pro Donatistis cōtra Ecclesiam Catholicam ad vendicandum Ecclesiæ ius aut nomē, faceret aliquid: idem pro Maximianistis contra ceteros Donatistas longè magis facere deberet. Deinde vero clara & dilucida meridiei allata significatione docet ea

voce in verbis illis non locum aliquem designari, sed cum luce feruorem intelligi: quasi non responsionem reddentis sermo esset, sed cōtinuo orationis filo interrogātis vbinā sponsus pasceret & recubaret, qui nunquam nisi in fidei luce & charitatis feruore recumbere solet. Audiuisti vtrumque, & quē pro se in sua hærēsi confirmandis, donatistæ ipsi sibi confinxerunt sensum, & insuper cum quem fidei analogiæ conformen ad eosdem oppugnandos produxerat Augustinus. Ex quorum duorum sensuum inter, se comparatione facile (nisi fallor) intelligis, quàm nihil ista faciant verba contra illam quàm supra posuimus Ecclesiæ vniuersalitatem. M 1 s. Intelligo nunc demum, non tam secundum literam, vt aiunt, quàm secundum allegoriam ista verba esse capienda. Proinde quasi superioribus istis confirmatis, per melicet ad vltimam ostendēdam proprietatem accedas: sic tamen vt quantò ordinariæ successioni ab aduersariis vehementius obstrepiatur, tantò maiorem instructorēque probationis euidētiā tecum adferendam esse exi-

*Successio-* stimes. E P 1 s. Non ignarus sum hanc vnā  
*nem, quā* esse, quam vix ac ne vix quidem aduersariorum  
*ferre non* aures ferre possint, neque sane iniuria: quippe  
*possunt* hac vna admissa, quam à se longissimè esse ipsi  
*hæretici,* confitentur, de tota causa actum esse facile in-  
*Ecclesia* telligunt. Et proinde non tantum quia abs te  
*notā esse* præmonitus sum, sed quòd aduersariorum hac  
*probat.* in parte perquàm difficilem tergiuersationem  
 fore longè antè præuideram, eadem cum illis

lege agendum, arbitratus sum, quam presbiter Cecinius olim de conuincendis Arrianis interrogatus Catholicis tùm tutissimam, tùm æquissimam tùm etiam potentissimam fore existimauit. Vt si doctorum non quidem vnus aut paucorum, sed omnium vniformi consensui standum esse arbitrentur, orthodoxorum omnium à primis vsque Apostolorum diebus, auctoritate conformi, & sacrosancta, hanc ordinariæ successionis proprietatem cõfirmatam reddam: sin ab orthodoxorum vnanimi consensu resilire velint, satis me obtinuisse credam, vt ea Catholicis vindicata Ecclesia, quæ ab Apostolis fundata, post illos, alios sanctos dei homines martyres, doctores, confessores, serie continuata succedentes gremio suo nutriuit: ab illis quãuis aliã ab hac seiunctã vsurpari liberè permittã. Quasi ergo hæc lex & cõditio esset, tu modo vide, an ad vniformẽ doctorũ cõsensum euincet dum sufficiens hic eorumdem catalogus videri possit: præsertim quando qui contradicat, imo qui non vnum idẽmque sentiat, ne vnus quidem à Christo passo deprehenditur. *Irenæus.* Irenæus Apostolorum temporibus proximus tantus tamque multus in hac proprietate, eiúsque necessitate ostendenda est, vt nesciam hercle quod primum ex illius scriptis testimonium proferam. Is igitur libr. 3. cap. 3. præterquam quod, à Petro ad eum qui tũc Romanæ sedis præerat, Episcoporum feriem per-textit insuper clara hæc de successione verba habet. Agnitio vera est Apostolorum doctrina &

antiquus Ecclesiæ status in vniuerso mundo, secundum successiones Episcoporum, quibus illi eam, quæ in vnoquoque loco est Ecclesiam

*Tertul. de præscri-  
ptione hæ-  
retic.* tradiderunt: quæ peruenit ad alios custodita. Post hunc Tertulianus, cupio (inquit) ostendant mihi ex qua auctoritate prodierunt: edant originem Ecclesiarum suarum: euoluant ordinem Episcoporum ita per successiones ab initio decurrentem, ut primus ille Episcopus aliquem ex Apostolis, vel Apostolicis viris (qui tamen cum Apostolis perseuerauerit) habuerit authorem, & antecessorem. Et cœneus illi ferè

*Origenes.* Origenes: cum multi sint (inquit) qui se putent sentire quæ Christi sunt, & nonnulli eorum diuersa à prioribus sentiant: seruetur verò Ecclesiastica prædicatio per successionis ordinem: ab Apostolis tradita, & vsque ad præsens in Ecclesiis permanens. Illa sola credenda est veritas quæ in nullo ab Ecclesiastica discordat traditione. In Cypriano qui gloriosus martyr promille testibus vnus sufficiens iudicari potest, testimonia plurima leguntur, ad hanc Apostolicam Episcoporum successionem euincendam, cum verborum pondere, tum etiam sententiarum grauitate, longe potentissima. Quale hoc vnum in libro de Simplicitate Prælatorum extat. Hi sunt (inquit) qui se vltro apud temerarios conuenas sine dispositione diuina præficiunt: qui se præpositos sine vlla ordinationis lege constituerunt: qui nemine Episcopatum dante Episcopi nomen assumunt: Tales etiam si occisi in confessione nominis fuerint,

macula ista discordiæ inexpressibilis nec sanguine  
 abluitur, nec passione purgatur. Item arma ille  
 contra Ecclesiam portat, hostis altaris, aduer-  
 susque sacrificium Christi rebellis, pro fide per-  
 fidus, pro religione sacrilegus, inobsequens  
 servus, filius impius, frater inimicus, contem-  
 ptis Episcopis & dei sacerdotibus derelictis cō-  
 stituere audet aliud altare, precem alteram illi-  
 citis vocibus facere, dominicæ hostiæ veritatem  
 per falsa sacrificia prophanare: nec scire quo-  
 niam qui contra dei ordinationem nititur, ob-  
 temeritatis audaciā diuina animaduersione pu-  
 nitur. His subscribens Hieronimus ad Dama-  
 sum sic loquitur: facessat (inquit) inuidia Ro-  
 mani culminis, recedat ambitio, cum successore  
 piscatoris, & discipulo crucis loquor: ego  
 nullum primum nisi Christum sequens beati-  
 tudini tuæ, id est, cathedræ Petri communione  
 consocior, super illam petram ædificatā Eccle-  
 siam scio: quicumque extra hanc domū agnum  
 comederit prophanus est. Et contra lucifera-  
 nos præter multa alia: Breuem tibi apertamque  
 animi mei sententiam proferam, in illa esse Ec-  
 clesiam permanendum quæ ab Apostolis funda-  
 ta ad diem hanc durat. Leo Papa qui & idem  
 ad conterendam & confringendam hæretico-  
 rum omnium in hoc capite contumaciam verè  
 leo censeri potest, Sermonem 2. Sic de sede Petri,  
 & de eiusdem perpetua duratione loquitur: Soli-  
 ditas illius fidei, quæ in Apostolorum principe  
 est laudata, perpetua est. Et paulò post: sicut  
 itaque à nobis rectè agitur, rectèque decerni-

*Hierony-  
mus.*

*Leo Papa.*

tur, siquid à misericordia quotidianis supplicationibus obrinetur, illius est operum atque meritorum cuius in sede sua viuit potestas & excellit auctoritas, & quæ sequuntur in eodem sermone, & in 3. Idem testimonia longè efficacissima de natali Petri & Pauli sermone 2.

*Optatus.* Super hanc, inquit, fortitudinem æternum extruam templum & Ecclesiæ meæ cælo inferenda sublimitas in huius fidei firmitate confurger. Optatus Mileuitanus de cathedra tãquam primo in Ecclesia ornamento, loquens, sic ait.

„ Igitur negare non potes, scire te in vrbe Roma  
 „ Petro primo cathedram Episcopalem esse col-  
 „ latam, in qua federit omnium Apostolorum  
 „ caput Petrus, in quo vno cathedræ vnitas ab  
 „ omnibus seruaretur, vt iam schismaticus eiset,  
 „ qui contra singularem cathedram alteram col-  
 „ locaret. Ergo in cathedra vnica quæ est prima,  
 „ sedet prior Petrus, cui successit Linus & reliqui  
*Augu-* ordine vsque ad Siricium. Iam verò huic æqua-  
*stinus.* lis Augustinus, hanc notam vnã, & præcipuã libentissimè agnoscit, non tantum seriem Episcoporum tanquam necessariam efflagitans.

Sed ipse etiã eandem contra Manichæos contextens. Sed hæc eius verba disertissima esse præ-  
 „ cæteris videntur. Multa sunt quæ me in Eccle-  
 „ siæ gremio iustissimè tenent, tenet consensus  
 „ populorum & gentium, tenet authoritas mi-  
 „ raculis inchoata, spe nutrita charitate aucta,  
 „ vetustate firmata. Tenet, ab ipsa sede Apostoli  
 „ Petri, cui pascendas oues suas dominus post re-  
 „ surrectionem suam cõmendauit, vsque ad præ-

sentem Episcopatum, sacerdotum successio, à „  
qua Dei ordinatione succedanea qui deflectūt „  
vel sibimet ipsis, vel seipsos Episcopos consti- „  
tuentes, eos extra Ecclesiam esse alio quodam „  
loco pronunciat. Et contra Faustum: Vides, in- „  
quit, quid hac in re Ecclesiæ Catholicæ valeat „  
authoritas, quæ ab ipsis fundatissimis sedibus „  
Apostolorum vsque ad hodiernum diem suc- „  
cedentium sibi Episcoporum serie, & tot popu- „  
lorum cōsensione firmatur. Et paulò pòst: quæ „  
Apostolorum cōfirmata temporibus per Epi- „  
scoporū successiones, & propagationes Eccle- „  
siarum, tanquam in sede quadam sublimiter „  
constituta est, cui seruiat omnis fidelis & pius „  
intellectus. Audiuisti egregiam primorum pa- „  
trum, atque eam quidem vniformem senten- „  
tiam, qua quid grauius, quid sanctius, quid ad „  
notandos nigro carbone eos omnes, qui citra „  
legitimam ordinationem muneribus Ecclesia- „  
sticis præficere se audent, disertius? Quid de- „  
nique ad eosdem ne vltra hiscere audeant con- „  
stringendos, vehementius, potètiùsque dici, aut „  
excogitari potest? Iam tu videris an infra hos, „  
alios qui superioribus succenturientur descri- „  
ptos velis? Nam cū idem sentiant omnes, nisi „  
forte longum esset in singulis per censendis im- „  
morari, vel iustum catalogum eorum, qui vn- „  
quam in Ecclesia floruerunt pertexere difficile „  
non fuerit. M I S. At ego minus necesse ar- „  
bitror post tam claram, tamque celebrem do- „  
ctorum coronam alios tantò minores autho- „  
ritate, quanto tempore posteriores superadde-

re. Quapropter donec vel hæc diluerint testimonia, vel totidē opposuerint aduersarij: probationis partibus in hac vltima confirmanda proprietate digne satis defunctus, meo quidem iudicio videberis. Veruntamen quid impedit quò aliis etiam satisfiat plenius, quod pro subterfugio ab ipsis captatur proponere. **EPI S.** Nihil sanè impedit, imo expedit magis, vt illud quale quale sit in mediū adferatur, quò si quid in eo sit quod contra ea quæ modo attuli, facere potest, id saluum ipsis & integrū maneat.

*Tertium* Sin subterfugium inane & fallax verius, quàm  
*subterfa-* tutum & certum refugium deprehendatur, po-  
*giunt mi-* tius in tempore repellatur, quam falsa salutis  
*u. rorū* spe quenquam deludat. **M I S.** Id nimirum  
*u. m. li.* refugium est, quod frequentibus ministrorum  
*4. 3. In-* sermonibus celebratum didici, Deum non or-  
*ditur. &* dinarios tantum ministros per quos Ecclesiam  
*in omni-* suam rebus adhuc integris gubernet, adhibere  
*u. o. de re-* solere: sed eidē solemne esse, vt quoties Ecclesię  
*formatio-* res penitus turbatæ & labefactatæ in summam  
*ne Eccle-* venerunt confusionem: toties extraordinario  
*sic.* quodam modo viros arcano ipsius spiritu vocatos ad repurgandam Ecclesiā, & fundamenta de nouo iacienda ipse resuscitet. **EPI S.** Intellego: id nēpe volunt viri sobrij propter summam rerū omnium in Catholica Ecclesia confusionem, spiritum sanctum ea relictā ad se confingisse, quo nouis denuo iactis apud eos Ecclesię fundamentis, ea quæ de propagando per vniuersas gentes Euangelio per Christum pronunciabātur, tandem adimplerētur: vt collapsa



prius interiisse Ecclesia: nūc denuò reparata, & restituta reuixisse credatur. M I S. Imò verò Euangelij libertatem & eiusdem veritatem, per quam Ecclesia viuit & viget: cum prius toto orbe exularet, certè vbique locorum oppressa imò sepulta iaceret: nunc magna Dei clementia rediuiuā mūdo redditam esse affirmare non dubitauit. E P I S. Si hæc illorum oratio ab ipsis solis esset profecta, aut eorum etiam propria, adhibenda mihi opera esset, vti exquisitis ea argumentis confutaretur. Nunc verò quādo eorum omnium qui ab Ecclesia se vnquā separarūt communis est, maximè verò à Donatistis contra Ecclesiam tempore Augustini obtrusa: aliud nihil quò ea refellatur adferendū esse censeo, quā quod in eadē causa Donatistis Augustinus reiecerat. M I S. Quidnā illud? mirari namque satis non possum, sic homines temporibus & locis disiunctissimos conspirare, vt quæ à nostris hoībus hodie dicūtur, omnia in superiorum hominū rationem causāq; incidāt. Sic enim clarè cernit, ipsam, quā tātō opere iactitāt, Euangelij puritatē, aliud nihil esse q̃ priscis hæreticis excogitatā hæresim, quæ dānata olim ab Ecclesia, & diu profligata, nūc denuò suscitata, & ad turbandā Ecclesiam Sathanę astu inuecta fuerit. E P I S. Ista alij viderint: Interim quod quæris sic se habet. August. post alias calūnias postremam hanc remouens ad eam legem, & conditionem Donatistas reuocat, quæ ex ipsorum sententia (modo sibi constare voluissent) æquissima meritò videri poterat. Nam cum

*Donati-  
stis &  
nostris  
hæreticis  
cōmunis  
oratio.*

nullam ullis fidem nisi expressum Dei verbum adferentibus haberi debere apertè dictitent: eandem quam aliis ponunt legem ut ipsi perferant dari sibi postulat. Tum autem ex quo librorum diuinorum canone legant aut proferre possint illud de iaciendis denuo Ecclesiæ fundamentis prius collapsis iterum atque iterū interrogat. Idem si ab his nostris petatur, quid primò eos respōsuros putas? an in hoc vno capite fidem à Dei verbo minime petendam, & ipsis modò vera esse quæ dicunt affirmantibus credendum esse? At hoc cū contra primum eorum placitum apertè pugnet, reliquam omnem doctrinam quæ eidem superstruitur penitus euertit. An verò in sacra pagina se habere vnde noua illa prædictio, & hætenus mundo inaudita probari possit? At nusquam inuenio. Quippe semen illud bonum quod in terram bonam proiectum fuit, ad messē vsque, quā Christus ipse finem sæculi interpretatur, fructū suum daturum, durabit teste ipso Apostolo ad Collocenses .i. Si autem neque sibi credi citra verbi diuini authoritatem æquum esse dicere possunt: neque quo dicta confirmant, in verbo inueniunt: quid reliquum est, nisi ut exco- gitatum à seipsis commentum, totum hoc eorum refugium credatur? Consentanea tu quidem loqueris, nec quod regeram in promptu habeo. Nam si qui alij certè nostri homines in verbo mordicus insistendum esse, nec quicquam nisi verbo confirmatum in religione doceri stabiliriue posse palam pronunciant: adeo

deo vt Augustinum in plerisque aliis vix ac ne vix quidē sequentes, eius tamen hanc vocem, quā ipse credi sibi vetat, nisi pro se verbum adferenti mirificè efferant: eam demum doctore Christiano dignam vocem esse dicentes. Deinde quantum memini neque ex ipsis testimonium vllum, quo ista illorum sententia confirmetur, citatum vnquam audiui: neque vbi locorum in sacris literis inueniri Prophetia talis possit ipse intelligo, quæ Ecclesiam vnā illius quam ab Apostolis plantatam perisse dicunt loco, suscitandam fore pronunciet. Cæterum si Augustini ipsius verba in medium proferas, non parum & te ab omni crimine adeoque suspitione falsi liberabis, & me interim dum verba recitātur mecū singula ponderantem ad inueniendum aliquid (si quid forte respōderi potest) excitabis. *EPIST.* Si id tibi cordi est verba ipsa Augustini vti audias, ecce sic accipe. Nisi forte (inquit) hoc restat hominū insanix, vt dicāt non ex illis Ecclesiis quæ fundatæ sunt per Apostolorū labores adimpleri prædicationem Euangelij in omnibus gentibus: sed illis pereūtibus, & earum reparationem ex Africa per partem Donati & residuarum gētiū acquisitionem. Puto etiam quod ipsi rideant, cū hoc audiunt, & tamen nisi hoc dicant (quod erubescunt si dicant) non habent omnino quod dicant, sed quid ad nos? nemini inuidemus. Legant nobis hoc de scripturis sacris & credimus. Hoc inquā ex canone diuinorū librorū legāt. Tot ciuitates quæ vsq; in hodiernū diē ba-

*Responsio  
ex Au-  
gustino  
de vnita-  
te Eccle-  
sia.*

„ prismsū per Apostolos sibi consignatū tenuerūt  
 „ propter Aphrorum sibi incognita crimina pe-  
 „ riisse à fide Christi, & denuo baptizādos à parte  
 „ Donati, atque inde cæteris gentibus, quæ non-  
 „ dum audierunt prædicandum Euangelium:  
 „ hoc nobis legant, quid morantur? quid impe-  
 „ diunt salutem gentium? legant hoc, & cum ipsa  
 „ lectione novos Apostolos mittant ad tot gen-  
 „ tes baptizandas, & ad residuas baptizādas, &c.  
 Hactenus verba Augustini audiuiſti, in quibus  
 nū vnā & eādem Donatistarum sententiam,  
 atque protestantium nostrorū eodemque mo-  
 do redarguat Augustin⁹, quo modo nuper ego  
 hanc illorum impugnaui, tuo permitto iudicio.  
 M I S. Non possum etiam si quā maximè vel-  
 lem aliter dicere, quin vna eadēque senten-  
 tia eodem insuper modo vtrinq; impugnata  
 fuerit. Sed nescio quo pacto ex vno, mox aliud  
 mihi in mentem veniat: quod tamen num hoc  
 loco proponendum sit, subdubito. Quanquam  
 enim ad continuæ successionis caput pertineat,  
 & ex eodem deriuetur, quod de ipsorum pau-  
 citate simul & infirmitate humanæ naturæ ad-  
 uersarij adferunt: tamen vtrunque argumen-  
 tum non minus aptè contra Ecclesiæ vniuersa-  
 litatē prius per te conclusam & determinatam  
 seruire posse videtur. E P I S. Ne metue qua-  
 si extra suum locum ea sis positurus. Nam si ad  
 rem quam agimus spectantia protestantium  
 causam à causā Donatistarum (dum vtrique se  
 ab Ecclesia vera separarunt): seiungere valeant  
 nullus non locus aptus & proprius esse meritò

videbitur. Tu modo quæ ea sint quæ ab ipsis obiici solita male te habeant, aut scrupulum aliquem tibi iniiciant paucis expone. *M i s. Altera*  
 Dicam hercle quod sentio, plausibilem admo- *ratio no-*  
 dum eam videri illorum rationem, quæ ab im- *stris hæ-*  
 becillitate corruptæ naturæ desumpta, homi- *reticu ex-*  
 nem in nullo bono proposito diu perstare *duatistis*  
 posse ostendit: ut non ad impuritatem subin- *cōmunis.*  
 de delabatur. Quod si verum est quantum mi- *de nature*  
 nus mirandum fuerit, si tot hominum ætati- *infirmi-*  
 bus à puritate doctrinæ ad impuritatem, & à *tate.*  
 verbi veritate ad eiusdem corruptelæ deflexe-  
 rint. Deinde verò huic superaddunt argumen-  
 to alia multa, quibus eiusdem probabilitatem  
 specie quadam illustriorem reddant. Qualia  
 sunt multorum sanctorum virorum à reliqua  
 impiorum turba segregatorum exempla: ut  
 de Noë, filiis eius, & nurius in arca (reliquo  
 pereunte mundo) seruatis, de Lotho è Sodo-  
 mis liberato: de Abrahamo, & Iacobo inter in-  
 numeros Idololatrias degentibus, & si qui for-  
 té alij in scripturis sacris commendationē me-  
 ruerunt. Cum quibus postquam seipso pauci-  
 tatis nomine comparabunt, eandem istorum  
 sanctorum virorum, & suam conditionem  
 sortemque esse magna fiducia pronuntiabunt.  
*3. ratio*  
*de pauci-*  
*tate.*  
 E P I S. At quam tu erres hoc argumentorum  
 genus nunc primum excogitatum esse arbitra-  
 tus, & illi simul fallantur, si ab istis piorum  
 hominum exemplis defendi se posse sperent,  
 tum primum apparebit, ubi ipsius Augusti-  
 ni verba, utrumque argumentum tum à na-

naturæ infirmitate, tum à profitentium paucitate desumptum, refellentia, audita considerataque fuerint. **M 1 s.** Age verò quando sic facilis promptusque es audiamus sane. Turpe enim fuerit languere vel te reperentem, vel me audientem ea quæ tantum virum scribere minime tædebat, præsertim si ad eam rem, quam quærimus, lucis aliquid adferre ipsius scripta possunt. **E P 1 s.** Ne dubites non lucem modo adferri, sed ipsam quæstionis veritatem penitus ex illius viri scriptis euinci posse. Verum cum ad omnia comprehendenda memoria minus sufficiat, vno Epiphonemate contenti erimus, ex quo tamē de reliquis omnibus scriptis eiusdem materiæ & argumenti, iudicium non minus facile quàm certū facere licebit. Postquam enim Prophetarum & ipsius Christi testimonia cum de Ecclesiæ amplitudine, tū de æterna duratione in medium protulit, sic tandem rethorico hoc epiphonemate repetitionē claudit: *Ite nunc Donatistæ & clamate. Non fiat. Non fiat. Vicit vos verbū Dei, dicens: fiat fiat. Ecce manifesta est in Psalmis Ecclesia toto orbe diffusa, supra quam requiescit gloria regis eius, vnde & ipsa regina est sponsa eius de qua dicitur in 44. Psalmo: Astitit regina à dextris tuis in vestitu deaurato circumamicta varietate. Et ad eam ipsam exhortandam continuo diuinus sermo dirigitur: Audi filia & inclina aurem tuam, & obliuiscere populum tuum, & domum patris tui, quoniam concupiscit rex decorem tuum, quia ipse est Deus. Attēdite vnde*

inceperit diuina prophetia alloqui sponsam  
Christi? Audi (inquit) filia & vide. Vos autem  
nec audire vultus hæc prædicta, nec videre cō-  
pleta, & tamen audistis & vidistis inuiti. Audite  
ergo quid paulo post ei dicitur. Audite hoc ex  
pagina diuina quo modo pronuncietis, & vi-  
dere in omni terra quomodo compleatur. Pro  
patribus tuis (inquit) nati sunt tibi filij consti-  
tues eos principes super omnem terram, quàm  
multa præteream de hac re testimonia scriptu-  
rarum norunt qui legunt, & ego noui, sed one-  
rare Epistolam nolo, cui responderi flagito?  
Quid ad hæc dicturi sunt quæ commemorauī  
ex lege Prophetis & Psalmis de Christi Eccle-  
sia, quæ toto orbe diffunditur, cui malunt re-  
pugnare peruersi, quàm communicare corre-  
cti? Quid inquam dicturi sunt? vtrum hæc falsa  
esse, an obscura, sed falsa esse non audent dice-  
re. Premuntur enim tantæ authoritatis mole.  
Hæc ergo vera esse cum fateantur, impleri non  
posse contendunt: quasi aliud esset prophe-  
tiam crimine falsitatis arguere, quàm dicere quæ  
prænunciantur nō posse compleri. hoc est eam  
dicere non posse prophetiam, sed pseudopro-  
phetiam potius. Et cum quæsieris ab iis cur  
hæc impleri non possint, respondent, quia ho-  
mines nolunt. Cum arbitrio homo libero crea-  
tus est, si vult credit in Christum, si non vult,  
non credit: si vult perseverat in eo, quod cre-  
dit, si non vult non perseverat. Et ideo cum  
cœpisset per orbem terrarum crescere Ecclesia  
noluerunt homines perseverare, & defecit ex

„ omnibus gentibus Christiana Religio excepta  
 „ parte Donati. Quasi verò nescierit spiritus dei,  
 „ futuras hominum voluntates: quis hoc insanif-  
 „ simus dixerit? Cur ergo non hoc potius pro-  
 „ nunciauit quod de voluntatibus hominū scie-  
 „ bat futurum. Hoc enim modo quo isti putant  
 „ ista esse prædicta quisquis voluerit potest esse  
 „ propheta, ut cum ea quæ prædixerit, impleta  
 „ non fuerint, respondeat: homines noluerunt.  
 „ Libero enim arbitrio Christiani sunt. Hoc mo-  
 „ do poterat aliquis prophetare Christum non  
 „ in cruce passurum, sed gladio moriturum, ut  
 „ cum aliter factum esset, responderet: quid ego  
 „ feci? homines in libero arbitrio constituti no-  
 „ luerunt ei facere quod ego prædixeram, & hoc  
 „ fecerunt quod ipsi voluerunt. Iam cui non  
 „ occurrat quam multa isto modo poterant pro-  
 „ phetari, vel etiam possint à quibuscumque homi-  
 „ nibus? Quis enim dubitauerit quod Iudas  
 „ Christum si voluisset, non utique tradidisset, &  
 „ Petrus si voluisset, ter dominum non negasset?  
 „ Sed ideo fuit de istis certa prædictio, quia &  
 „ deus etiam futuras prævidit voluntates. Huc  
 „ usque Augustini verba recensui, ex quibus nisi  
 „ fallor, nō solum eam demum veram Ecclesiam  
 „ esse constat, quæ initio à Hierusalem ducto, in  
 „ vniuersum deinceps orbem propagata fuit: sed  
 „ eos insuper omnes qui interruptionis causam  
 „ in corruptā naturam transcribūt, vnum idē-  
 „ que cum Donatistis & dicere, & sentire clari-  
 „ clarius apparere potest. M i s. Diceret tu  
 „ quidem aliquid quod ad rem quam quærimus  
 „ illustrandam



strandam & docendam commodè pertinere videretur, si quæ Donatistarum eadem nostrorum hominum ratio esset. Nunc verò longè dispar & dissimilis amborum conditio deprehenditur. Neque enim particularis cuiusdā Ecclesiæ, aut sectæ alicuius abreptæ: sed vniuersalis Ecclesiæ nomen, ea quæ protestantium hodie est sibi vèdicat. Deinde tantum abest, vt libero arbitrio causam non propagatæ per vniuersum orbem Ecclesiæ, aut etiam in finem vsque mundi eius minimè durantis, adscribant: vt idem prorsus è medio tollant. **E P I S.** Si Donatistas non vniuersalis Ecclesiæ titulum sibi vendicasse credis, toto erras cælo: nullos quippe alios nisi qui in parte Donati essent, in Ecclesia locum habere, aut salutem per Christum sperare posse audacter affirmabant. Id quod par animositate cum à nostris hominibus fiat, nescio qua ratione alteri ab alteris hoc nomine disiungi debeant: præsertim quando vtrique reliquū Ecclesiæ corpus putrefactum & emortuum esse dicentes, ab eo vtrò se remouerunt. Ceterum quamuis in eo protestantes à Donatistis discrepare videntur, quòd liberum arbitrium damnant: tamen cum similis (si non eadem prorsus) responsio sit, conditio profecto vtrorùmq; dissimilis censi non debet. Quam autem sit similis amborum ratio, neque tu intelligere, neque ego explicare facilius possum: quàm si vtraque proposita, vnā ad alteram componamus. Atque quid Donatistæ senserint, quidque interrogati respōderint, prius audiuiſti: vt nihil

nunc quo res omnis clara reddatur, sit reliquū: quàm vt Donatistarum loco protestātes pro se rationē reddituri sufficiantur. M 1 s. Age igitur & Augustinū imitatus hāc personam quam potes viriliter sustine. Cōsentaneū enim est, vt qui duas inter se partes cōparare velit, is vtriusque rationes perspectas probe habeat. E p 1 s. In eo primū conuenit inter vtrosque, & Donatistas & Protestantes, nondum adimpleta esse ea quæ de Euangelio ad omnes gentes propagando, à Christo prænunciabantur. Causam uciò interrogati paulo diuersam, sed in eundem finem tēdētem, hi quam illi adferunt: nimirū eam communem naturæ pestem & corruptionē in homine esse dicunt, quæ sui semper amans vix ad breuissimū tēporis spatium in puro Dei cultu perstare possit: quin ad sua propria hoc est peruersa, & contra Deū impia commenta relabatur. In quæ dū prono impetu defertur homo, illud solum sanctū, & Deo placens arbitratus, quod ipse citra Dei verbū cōminiscitur, tādē in totum à Deo deficit: nec in Ecclesia amplius vera, sed ea tantum quæ malignantiū dicitur cēseri debet. Is status cū vēteris Ecclesiæ paulatim ab Euāgelij puritate recedentis fuerit: non tam quod nō voluerint, quàm quod propter infirmitatē naturæ nō potuerint homines facere ea, quæ olim prænūciata sunt, nō esse omino eadā perimplete est statuendum. Audis rationē vt non prorsus eandē, sic quando in idē recidit nō valde dissimilē. Quod enim perfectū minime esse fatentur ambo, eius causam priores, in liberū

hominis perimplere prædicta nolentis, arbitrium: posteriores autem in corruptam eiusdem hominis in puritate religionis perstare non valentis, naturam transcribunt. Hic verò si nouus aliquis nobis in vitam rediret Augustinus, an non quo sermone priores eodem, & posteriores excepturum eum credis? ut iisdem prope verbis, aut etiam acerbioribus maiorem in his, quam in illis vecordiam coarguat. Itane *Responsio* (inquiens) propter infirmam hominum naturam *ex Au-* promissa domini irrita reddetur? quasi verò ne- *gustini* scierit spiritus dei futuram hominum corruptionem: *verbis* quis hoc insanissimus dixerit? cur hoc ergo non *prius ci-* prænunciauit, quod de hominum infirma, & cor- *tatis.* rupta natura sciebat esse futurum? Hoc enim modo quo isti putent hæc esse prædicta, quisquis voluerit potuerit esse Propheta: ut cum ea quæ prædixerit impleta non fuerint, respondeat in causa fuisse corruptam hominis naturam, qua quod prædictum erat, & promissum perimplere non poterat. Hoc modo poterat aliquis Prophetare Christum non in cruce passurum, sed gladio moriturum: ut cum aliter factum esset responderet. Quid ego feci homines naturæ vitio laborantes non potuerunt ei facere quod prædixeram, & hoc fecerunt, quod per corruptam ipsorum naturam facere potuerant. Hoc modo prophetare aliquis poterat spiritum Dei cælitus demissum fidelium corda nunquam inhabitaturum. Ut cum sic dixerit responderet corruptam, & scædatam hominis naturam spiritus diuini minime capacem fuisse: hoc denique modo vel à quibuslibet quiduis poterit pro-

*Eadē rur  
sus ex  
Optat.  
lib. 2.*

phetari. Huc vsque ex verbis Augustini priori protestantiū argumento respondisse abūde satis mihi videor, quā eandē responsionē paucioribus quidē, sed nihilominus pungentibus Optati Mileuitani verbis retexere, sic denuò possumus. Vt quid tale patris infringitis promissū, vt à vobis mittatur, quasi in quēdam carcerem latitudo regnorum, vt à vobis successionis longitudo in finem vsque mūdi Christo ipso pronunciante duratura inter punctionibus rumpatur, missōq; in exiliū quoties visum fuerit spiritu sancto Ecclesiam eā cui perpetuo præsider, rotā deficere fingatis? Quid tātam in ipsum Dei spiritū impietatem designatis? Quid tantæ pietati obstare contrēditis? Quid contra saluatoris merita militaris? quid Deū patrē, Deū filium, Deū spiritū sanctum falsitaris coarguitis? Permittite filiū possidere concessa: permittite patrem promissa perimplere: permittite spiritū sanctū ad finem vsque mūdi delegatas partes fortiter obire. Cur ponitis metas? cur figitis limites? sed nimis forsitan vrgeo: & certe grauiores hæ personæ sunt, quàm vt eas vel ego cum dignitate sustinere, vel iisdem illi vnquam respondere possint. Et proinde si à legitima duarum partiū comparatione abunde priori argumento à naturæ infirmitate desumpto, non tam meis quàm Augustini, & Optati verbis satisfactum esse existimas, ad secundam transeamus.

M 1 s. Vt quod verum est fatear, Augustini verba vtrinque pari numero relata audio: præterquam quod liberi arbitrij (quod Donatistæ

præstendebant ) loco, corrupta hominum natura à protestantibus substituatur. Ac ob id quasi priori scrupulo, qui me male habuit, penitus iublato, ad secundum te confer: illum siquidem potes, ex eiusdem Augustini verbis (vtri promisti) exempturus. *Epist.* Postquã ex Dei *Responsio* verbo id Anathema esse debere docuit, quod *ex eodem* quis Euãgelizaret diuersũ ab eo, quod Aposto- *Aug. ad* liciis literis esset proditum: mox hæc ad verbum *argumen-* in præfato opere subiicit. Aliud autem qui pe- *tum de* riisse dicit, de cætero mundo Ecclesiam, & in *paucita-* parte Donati in sola Aphrica remansisse di- *te.* cit. Ergo Anathema sit, aut legat mihi in scri- *“* pturis sanctis, & non sit Anathema. Lego, in- *“* quit: nam Enoch vnus inter omnes homi- *“* nes placuit deo, & translatus est. Postea to- *“* to mundo aquarum inundatione deleta, so- *“* lus Noë cum coniuge, filiis, & nuriis suis in *“* arca meruit liberari. Adiungunt etiam de Loth, *“* quod solus cum filiabus è Sodomis leberatus *“* sit. De ipso quoque Abraham, Isaac, & Ia- *“* cob quod pauci fuerunt deo placentes cæ- *“* teri Idolis dediti, & dæmonibus. Postremo *“* iam multiplicato populo Israel, iam temporibus *“* regum in terra promissionis, quæ fuerat o- *“* mnibus duodecim tribubus distributa, comme- *“* morat decem tribus diuisas, & traditas Seruo *“* Salomonis ad regnũ quod erat in Hierusalem. *“* Sic & nunc (inquiunt) totus mundus apostata- *“* uit, nos autem tanquam duæ illæ tribus in tẽplo *“* Dei, hoc est, in Ecclesia permãsimus. Dominum *“* etiam Iesum Christũ cũ pluriini sequeretur sep- *“*

tuaginta duobus Apostatantibus soli cum illo  
 duodecim remanserūt. Haftenus ex Augustino  
 commemorata aduersariorum exēpla sunt: quæ  
 si eadē describantur necne, tu iudica. M I S. Ea-  
 dem sane prorsus paulóq; plura, quàm ab ipsis  
 prolata meminisse poterā. E P I S. Vicissim igitur  
 quo ille modo respōdeat, aduerte. Sic enim  
 suis ille verbis nō tantum Donatistis, sed prote-  
 stantibus eadē adferentibus abunde satisfaciet.  
 „ His (inquit) atq; huiusmodi exēplis hēretici suā  
 „ paucitatem cōmendare conantur, & in sanctæ  
 „ Ecclesiæ multitudinē toto orbe diffusam blas-  
 „ phemare non cessant: sed quæro ab iis (quod  
 „ absit) si nollem credere vera esse ista quæ ab eis  
 „ commemorantur exempla, vnde me conuince-  
 „ rent? nonne de scripturis sanctis, vbi leguntur  
 „ tanta manifestatione vt quisquis illas literas  
 „ in fidem recipit, non possit nisi & ista verissima  
 „ confiteri. Porro si hæc exempla ideo cogerer  
 „ credere vera esse, quia ibi scripta sunt: Cur non  
 „ & ipsi de Ecclesia toto orbe diffusa eisdem scri-  
 „ pturis credunt? Ecce nos illa omnia credimus,  
 „ credant & ipsi quod ait dominus prædicari in  
 „ nomine suo potentiam, & remissionem pec-  
 „ catorum per omnes gentes, incipientibus ab  
 „ Hierusalem: & in tota Iudæa & Samaria, & vs-  
 „ que in totam terram. Et illa, & ista vera esse cre-  
 „ dantur, & nulla inter nos contentio remanebit:  
 „ quia nec illis veris ista, nec istis veris illa impe-  
 „ diūtur. Et ista (inquiunt) credimus, & cōpleta es-  
 „ se confitemur. Sed postea orbis terrarum apo-  
 „ statauit, & sola remansit Donati communio.

Hoc nobis legant sicut & legunt de Enoch, de “  
Noë, de Abraham, Isaac, & Iacob, & de illis “  
duabus tribubus quæ separatim decem reliquæ “  
factæ sunt, & de duodecim Apostolis, qui cæ- “  
teris apostatantibus remanserunt: & hoc simi- “  
liter legant, & nihil resistimus. Si autem non “  
ea de scripturis sanctis legant, sed suis cōten- “  
tionibus persuadere conantur, credo illa quæ “  
in scripturis sanctis leguntur, non credo ista “  
quæ ab hæreticis vanis dicuntur. Audiuiſti ea  
quæ Donatistis sui temporis memorata prius  
abs te exempla, pro se & paucitate sua adse-  
rentibus responderet Augustinus: de quibus dic  
quæso quid sentias. M I S. Ea meo quidem  
iudicio, sic proprie apteque dicta, & ad propo-  
situm accommodata sunt: ut si Augustini tan-  
tum, & Donatistarū nomina supprimantur: nō  
illo tempore ab Augustino, sed ab aliquo huius  
sæculi Catholico prolata videri possent. Qua-  
propter quādo in quatuor proprietatibus (quas  
præmittendas duxisti) docēdis, laboratum satis  
est diu: iisdem veluti abunde cōmonstratis, ad  
quæstionē quam initio proposuimus cōcludē-  
dam, ut libet per me licet utaris. E P I S. At quo-  
modo notis his quas à testib<sup>9</sup> fide dignis Eccle-  
siæ verę natiuas esse intellexim<sup>9</sup>, rectius utemur,  
quā ut eas in unū quasi corpus cōpingamus:  
quod eidem tandem reliquus totus ornatus su-  
perindui possit: Sic enim, & de internis no-  
tis, & externo toto apparatu admoniti, de ve-  
ra Ecclesia non tantum certum indicium ha-  
bituri: sed propter obuias cuique notas facilem

etiam eius, inquirendæ viam ingressuri sumus. Eum ego Ecclesiæ externum apparatus, si diuersorum diuersis testimoniis vti liberet, perpulchrum & splendidum tibi darem. Nunc verò quò tunicam illam Christi inconsutilem magis referat, non ex diuersis diuersorum quasi Centonibus cōpactum, sed vnius Epiphanij opera egregie elaboratū eundem exhibebo. Is enim Ecclesiæ veræ quā Reginā nuncupat characterē, aut externū totū apparatus per quem dignotci, & ab innumeris iuueniculis (quas *παλλακας* Græca voce dicit) ipsa interstingui possit, his talibus verbis effert: Primū quidē velut crepido, & (vt ita dicā) fundamentū in ipsa est virginitas: quæ exercetur, & seruatur à multis, & glorificatur. Sequitur autē ad eandē virginitatē solitudo, apud plerōsq; vtriusque sexus solitaria vitam degentes. Post hāc continentia super eundem cursū fundata: postea viduitas cū omni attentione & impolita cōuersatione. Post hos verò ordines consequuntur nuptiæ venerandę, præsertim in vnīs nuptiis permanentes, & in obseruatione mandatorum. Si verò quis mortua vxore ipsius, aut mortuo viro alicuius vxoris, cupit secundæ aut secundo copulari: post mortem prioris. Vertex autem hominum omnium aut mater (vt ita dicam) genitrix, est sanctum sacerdotium ex virginibus quidem, vt plurimum procedens: Si verò non ex virginibus, at ex solitariam vitam degentibus. Si verò non suffecerint ad ministerium ex solitariam vitā degentibus, de his qui cōtinent

*Epipha-  
nii li. 3.  
cōtra ha-  
reses.*

*κρηπίς  
Γραϊς.*



à propriis vxoribus, aut ab vnis nuptiis viduitatem seruantibus. Nam cū qui secundas nuptias contraxit, non licet in ipsa ad sacerdotium suscipere: etiam si is qui ab initio continens viduus fuerit, possit habere locum Episcopi, & presbyteri, & diaconi & subdiaconi. Post hoc sacerdotiū deinceps est lectorū ordo ex oībus ordinibus constans, hoc est, virginibus, & solitariam vitam degentibus, & continentibus, & viduis, & his qui sunt adhuc in venerando coniugio. Si verò fuerit opus, etiam ex iis qui post obitum primæ vxoris secundam duxerūt. Non enim est sacerdos ipse lector, sed velut scriba sermonis. Sed & diaconissæ constituuntur in ministerium mulierum solū, propter reuerentiā si opus fuerit balnæi, gratia aut visitationis, & inspectionis corporum. Et ipsæ sunt etiam quæ in vnis nuptiis continenter se habuerint, aut ab vnis nuptiis viduitatem seruauerint, aut semper virgines sint. Deinde consequenter ab his sunt Exorcistæ, siue Eiuratores, & linguæ interpretes in linguam, siue in locutionib<sup>9</sup>, siue in colloquiis. Deinde laboratores qui corpora eorum qui obdormierunt obuoluunt, ac cooperiunt, & ianitores, & tota boni ordinis disciplina. Communiones autem siue Synaxes fieri ordinatæ sunt, ab Apostolis, quarta & prosabbato & dominica. Quarta verò & prosabbato ieiuniū statutum est vique ad horā nonā. Nam illucescente quarta conceptus est dominus. Et prosabbato crucifixus est. Et tradiderunt Apostoli, vt in his diebus ieiunia fierent, ita vt im-

„pleatur dictum hoc, cum ablati fuerit ab ip-  
 „sis sponsus tunc ieiunabunt in illis diebus, & nō  
 „vt gratiam, aut beneficium exhibeamus ei qui  
 „pro nobis passus est, ieiunium nobis constitu-  
 „tum est: sed vt confiteamur ad nostram salutem  
 „Domini passionem, quam pro nobis ipsis su-  
 „scipit, & vt pro peccatis nostris ieiunia nobis  
 „apud Deum suppentur. Et per totū quidem  
 „annū ieiunium obseruatur in eadē sancta Ca-  
 „tholica Ecclesia: quarta (inquā) & profabbato  
 „vsq; ad horā nonā, excepta sola Pentecoste per  
 „totos quinquaginta dies, in quib⁹ neque genua  
 „flectantur, neque ieiunium imperatum est. Cæ-  
 „terū pro communionibus quæ quarta & pro-  
 „fabbato ad horam nonā fiunt: in die dominica  
 „matutinis horis cōmuniones fiūt. Insuper verò  
 „in quinquaginta diebus Pentecostes, de quibus  
 „dixi, non est ieiuniū, neque in die Epiphaniarū,  
 „hoc est, apparitionis & aduentus, quando natus  
 „est in carne dominus ieiunare etiā licet, si con-  
 „tingat vt sit quarta aut profabbatum. Verum ex  
 „bono proposito pietatis exercitatores in ipsa  
 „Ecclesia semper ieiunant, excepta dominica &  
 „Pentecoste, semper item vigilias agunt. At verò  
 „dominicas oēs delicatas ducit sancta hæc Ca-  
 „tholica Ecclesia. Et cōmuniones mane perficit  
 „& non ieiunant. Inconsentaneū enim est in do-  
 „minica ieiunare. Porro quadragesimā ante se-  
 „ptem dies Paschatis similiter seruare solet eadē  
 „Ecclesia, in ieiuniis perseverās. Dominicis vero  
 „non neque in ipsa quadragesima. Cæterum per  
 „sex dies ipsius Paschatis omnes populi in sic-

corum esu perseverant, pane, inquam, sale, & „  
aqua tunc vrentes ad vesperam. Sed & pietatis „  
studiosi duplas & triplas, & quadruplas, trans- „  
mittunt, & aliqui totam hebdomadam vsque „  
ad gallicinium dominicæ illucescentis. Vigiliæ „  
autem agunt per sex. Rursus verò communio- „  
nes perficiunt per easdem sex dies, & totam „  
quadragesimam à nona vsque ad vesperam. In „  
quibusdam verò locis quintam solum illu- „  
cescentem vigilant in profabbatum, ac domi- „  
nicum. In aliis autem locis cultus diuinus di- „  
spēsationis mysterij in quinta fit hora nona. Et „  
sic cessat permanentibus ipsis in eodem sicco- „  
rum esu. In aliis rursus locis non offertur sacri- „  
ficiū Corporis Christi nisi solum illucescente „  
dominica, quando ipsos dimittit circa galli- „  
cinium in resurrectionis die, ac festiuitate, ma- „  
gna illa dies Paschatis, veluti statutum est. At „  
verò alia mysteria de lauacro, & internis my- „  
steriis, velut habet traditio, & Euangelij, & „  
Apostolorum ita perficiuntur. In iis autem qui „  
vita functi sunt, ex nomine memorias faciunt, „  
orationes ad Deum perficientes, & Missas siue „  
Sacrificia. Matutini etiam hymni in ipsa sancta „  
Ecclesia perpetuo fiunt, & orationes matutine, „  
lucernalesque, simul Psalmi ac orationes. Qui- „  
dam verò ex solitariam vitam degentibus in ip- „  
sa Ecclesia, habitāt in ciuitatibus: aliqui verò „  
in monasteriis desidēt, & ꝑcul secedūt. Placuit „  
autē quibusdā etiā capillos nutrire, honestè vi- „  
delicet vitæ gratia, ex proptio mētis proposito, „  
nō ex euāgelij præcepto, neq; ex Apostolorum „

„ traditione. Nā sanctus Apost. Paul. hūc habitū  
 „ amputauit. Sūt p̄terea aliæ p̄eminētes vitæ  
 „ cōuersationes, quæ in eadem sancta Catholica  
 „ Ecclesia seruantur, eorum, inquam, qui ab om-  
 „ nibus carnibus abstinent, quadrupedib⁹que,  
 „ & volatilibus, & piscibus, ouo item, & caseo, &  
 „ alia diuersa vitæ instituta. Nam vnusquisque se-  
 „ cundūm propriū laborem accipiet merce-  
 „ dem. Et quidam sanè abstinent ab omnibus his,  
 „ aliqui verò à quadrupedibus solum, volatilibus  
 „ verò & reliquis vescuntur. Alij verò à volucri-  
 „ bus abstinent, vtuntur autem ouis & piscibus.  
 „ Alij neque ouis vescūtur, alij piscibus solis. Alij  
 „ etiam à piscibus abstinent, caseo verò vescun-  
 „ tur, alij autē neq; caseum sumūt. Iam verò ad-  
 „ hūc alij etiam à pane abstinent: alij etiā ab ar-  
 „ borū fructib⁹ duris, & nncib⁹, & à coctis. Multi  
 „ verò etiam humi dormiunt. Alij neque calcea-  
 „ menta induunt. Alij saccum gestant occultum,  
 „ qui videlicet recte gestant propter virtutem &  
 „ p̄nitentiam. Indecorum enim est, in conspi-  
 „ cuo sacco prodire, quemadmodum aliqui fa-  
 „ ciunt. Indecorū est item (velut dixi) in vinculis  
 „ prodire, velut quibusdam visum est. Plerique  
 „ autem à balneo abstinent, & quidam vitæ re-  
 „ nunciarunt, artēsque tenues, & nullius negotij  
 „ sibi ipsis excogitarunt, vt ne otiosam vitam de-  
 „ gant, neque panem grauatum comedāt. Ple-  
 „ riq; verò in Plalmodiis, & assiduis orationib⁹,  
 „ lectionib⁹que sacrarum scripturarum & seces-  
 „ sibus exercentur. Cæterum de hospitalitate, &  
 „ benignitate erga homines eleemosinisque, in

omnes huius sanctæ Catholicæ & Apostolicæ,,  
Ecclesiæ, fructus omnib<sup>9</sup> prædictus est. At verò,,  
lauachrum habet pro inueterata circumcissione,,  
in Christo. Quiescit in magno sabbato, abstinet,,  
à societate omnium hærescon, reprobatur omnes,,  
scorrationses, & adulteria, & petulantiâ, ac ido,,  
latriam & cædem & omnem iniquitatem &,,  
magiam, & veneficium, astronomiâ, vaticina-,,  
tiones, threnorum obseruationes, incantatio-,,  
nes, amuleta quæ appèduntur, aut alligantur, &,,  
phylacteria quoque appellantur: prohibet thea-,,  
tra & ludos equestres & venationem, mûsicos,,  
item, & omnem maledicentiam, ac detractio-,,  
nem, & omnem pugnam, & blasphemiam, in-,,  
iustitiâque, ac auaritiam, & vsuram. Negotia-,,  
tores non recipit, sed inferiores omnibus dicit.,  
Oblationes accipit à non iniustis, neque iniquè,,  
agentibus, sed à iustè viuētibus. Preces assidue,,  
imperat, cum omni sedulitate, ac prolixitate, &,,  
geniculatione in ordinatis diebus, noctu ac in-,,  
terdiu ad Deum effundere. In quibusdam au-,,  
tem locis etiam in Sabbatis communionem fa-,,  
ciunt, non vbique autem, sed apud Acremonas,,  
seruatur ac cauetur, vt ne quis omnino iuret,,  
neque conuicietur, neque detestetur ex præce-,,  
pto ipsius Sâluaroris. Et vt neque quis mentia-,,  
tur, quantum eius fieri potest. Plerique enim,,  
vendunt bona sua, ac possessiones, & dant pau-,,  
perib<sup>9</sup>. Hic est character & forma huius sanctæ,,  
Catholicæ Ecclesiæ, cum ea quam antè declara-,,  
uimus fide. Et hæc statuta ritûsque ac traditio-,,  
nes in ipsa habentur. Hic enim est character à,,

„ lege & Prophetis, Apostolisque & Euangelistis  
 „ collectus, velut ex multis odoriferis virgultis  
 „ ac medicamentis Antidotus bona ad salutem  
 „ vrentium præparata, ex voluntate patris & filij  
 „ & Spiritus sancti. Hi sunt characteres reuerendæ  
 „ ac castæ huius sponsæ Christi. Hæc est dos &  
 „ testamentum hæreditatis, & voluntas sponsi  
 „ ipsius & cœlestis Iesu Christi domini nostri.  
 Hactenus ex Epiphanio externus apparatus  
 descriptus est, quem cum cōfirmatis prius pro-  
 prietatibus iungentes, minime (vti credo) er-  
 rabimus, si Ecclesiā eam veram esse legitimā-  
 que certō statuamus: in cuius corpore præter  
 ceterum hunc totum apparatus, & elegātiā,  
 quatuor illæ notæ & proprietates claræ cer-  
 nuntur. Rursus verò eam omnem vt furtiuam,  
 falsam, & euentitā abiiciamus, quæ iisdem  
 ornata & insignita non fuerit. **M I S.** Neque  
 verò abs re vtrumque hoc caput colligis. Quò  
 igitur quamprimum tam insigni ornatu amicta  
 regina prodeat, ad id de quo quæstio est, vtrum-  
 que & apparatus nimirum, & euictā prius  
 proprietatum demonstrationem accommoda.  
 Sic enim quæstione non tātum in toto genere,  
 sed in particulari hypothese tractata: diuersos  
 aduersariorū ordines, quāuis valde inter se dis-  
 similes, vna eadēque opera in sententiā tuam  
 potentissime rapies. Dum qui iudicio & do-  
 ctina aliqua valent probatione vniuersali: sim-  
 plices verò, ea quæ ad oculum est, demonstra-  
 tione captos, victas Catholicæ Ecclesiæ exhi-  
 bere manus est necesse. **E P I S.** Quo igitur nō

modo doctis, sed indoctis noster hic labor  
ptodesse possit, consilium tuum sequutus, ter-  
tiam hanc probationis partē lubentissime per-  
agā: quæ ex ipsa hyppothèse deducta proprie-  
tatum prius monstratarum nullam, quemad-  
modum nullū aliud verū Ecclesię ornāmētum,  
in miserrima illa Ecclesiæ Scotianæ cōfusione  
superesse prorsus euincet. Vnde ij omnes qui *Proprieta-*  
fastus contemptūsque malum (quo plerique à *tum prius*  
vero dignoscendo impediūtur) à se pellere vo- *euictariū*  
lunt, certissimū veritatis iudicium facere, ac ob *applicatio*  
id ad Ecclesiæ Catholicæ gremium se recipere *proposi-*  
facillime possint. Nouo itaque ducto docendi *tionē prin-*  
principio, in deformata Ecclesię facie quę apud *cipem in*  
Scotos nunc est, nullam (quæ quidem Ecclesiæ *hypothe-*  
competere debeat, quāque verissime Romana *se cōtinēs.*  
Ecclesia sibi vendicat) vnitatem, multò minùs  
sanctitatem, omnium verò minime vniuersa-  
litatem, & Apostolicam successionis ordinarię  
beneficio durationē deprehēdi ad oculū com-  
monstrabo. Tu interim dum laborē istū gen-  
tilium nostrorum causa subeo: aduersę partis  
personam induens, ea omnia quæ cum ratione  
obiici ab aduersario quouis vel strenuissimo  
possunt, illata in medium quam potes exaggera  
vt excussa semel solutęque non amplius simpli-  
cibus negotium facere possint. M I S. Faciam  
id quidem cōque lubentius, quo si ita fecero  
certiorem demonstrationem futuram, & ea fa-  
cta maiore ad omnes vtilitatem reducturā con-  
stat. Proinde sic te compara quasi cū oculato

teste, quem nihil lateat eorum quæ domi in Ecclesia Scoticana dicta factaque sunt, negotium tibi fore intelligas. Nam quod ad me attinet: quanquam de eo quod monstrandum suscepisti nihil ipse addubitem, dabo tamen operam ut obiectionum quæ ex aduersariorum sententia contra singula capita facere posse videbuntur, recordatus: easdem ubi commodum fuerit ingeram, dissoluendâsque tibi proponam. E P I S. Recte hercle hanc operæ partem polliceris: sine qua utcumque quæ dicimus verbis nostris, adeoque aliorum testimoniis grauissimis confirmaremus: parum tamen aut nihil pro impugnandis aduersariis, inque nostram sententiam transferendis fecisse videremur. Quò igitur de prima proprietate quamprimum periculum fiat, quanquam ab aliorum (qui tum priscis tum his nostris diebus ab Ecclesia deficientes eandem inconstantiam factis prodiderunt) comparatione, nostrorum hominum ad conseruandam in vinculo pacis vnitatem, ingenium quale sit, quæque religionis ad ipsis culturæ facies, apud eos cernat, claro clarius euincere possem: tamen aliis omnibus sepositis (vel quia de illorum varietate, & inconstantia fœ-  
*Nullâ in* licissime alij perscripserunt: vel quia regionis  
*Scoticane* nostræ quâ aliarum res nobis sunt notiores, vnius  
*congrega-* Scotiæ finibus nosmet circûscribemus. In qua  
*tionis con-* cum septendecim plus minus annos auitæ re-  
*fusione es-* ligionis sedisque Pontificiæ contemptus inua-  
*se imita-* luerat: non tantum in ceremoniis & doctrina  
*tem.* mutatio sæpius facta fuisse deprehenditur, sed  
 qui



qui verbi prædicationi in eadem deferuiunt sic vel sibi, vel aliis parum cōsentientes reperiuntur, vt cū plurima sint grauissima in religione capita, in quibus palam in suis cōfessionibus, ac etiam pro cōcione à se inuicem dissideant: fere nihil insuper sit, in quo diu ac firmiter constare sibi queant. Vnus leges iudiciarias, & politiam Mosaicam nobis etiāmnū necessarias esse contendit. Alius explodendam istam doctrinam proclamat, veluti emoti cerebri insaniā, quam ad nihil aliud quā ad excitandos ad seditiōnem populos excogitatam esse constet. Est qui spiritum sanctum in terras missum fateatur, vt fidelium corda inhabitet. Complures spiritum sanctum ipsum quidem non missum vnquam, sed dona tantum quæ spiritus non sunt, hominibus communicata pro suggestu affirmabūt. Rursus qui ordinem in Ecclesia necessarium esse dictitent minime desunt, & ij quidem oculatiores. At qui ordinem omnem abominati, æqualitatem vrgent cernuntur longe plures. Patris aut propinquorum cædem remittere, nec cædis auctorem summo iure persequi nulli fas esse plerique, & ministri fere omnes constanter affirmant. Alij ex Euangelico præscripto vindictam Deo remittendam longe melius cōfitentur. Magistratum civilem etiam in rebus Ecclesiasticis Ecclesiæ præesse, nonnulli scriptis æditis asseuerant. Alij Ecclesiam sui iuris esse, & à politica administratione prorsus distinctam dicunt. Pro omnibus orandum esse alij. Alij etiam quibusdam imprecandum, dum adhuc

viuunt, Dauidis & aliorum prophetarum freti  
 exemplis pertinaciter defendunt, Sunt qui ani-  
 mas cum corporibus ad diē vsque iudiciij dor-  
 mire affirmant. Alij saniores reclamant. In ma-  
 trimoniis contrahendis ceremonias, contractis  
 verò dissoluendis, causas, plures alij : alij pau-  
 ciores habent. Quoties autem in publico sen-  
 tentias rogati dicūt, toties quot capita (vt aiūt)  
 tot sensus audias. Vt ex eadem factione nobilis  
 quidā solemnes eorū cētus cū confusis barba-  
 rorū conuocationibus (Lingua vulgari) *makum*  
*to sch, his court*, lepidè comparauerit, sic in vtrif-  
 que cum modo, ratione, & iudicio nihil: omnia  
 vero ex ira, impudentia, & clamorosa dicacitate  
 aguntur. Quippe nihil solemnius ducunt,  
 quàm (quod à priscis hæreticis factitatum ex  
 Irenæi verbis prius obseruauimus) nouam ali-  
 quam & ab aliis discrepantem sententiā com-  
 minisci, in qua propugnanda (modo cum ap-  
 plausu aliquorum sibi similibus excipi eam sen-  
 serint) magnificè se efferant. Sin eidem con-  
 tradicatur, pugnas verborum serendo rotos se  
 & alios exerceant. Iam verò qui reliquam Ec-  
 clesiæ faciem animaduerrere velit, is quod mil-  
 le & quadringentis annis à Tertulliano prius  
 descriptum fuit, id in nostros homines verissi-  
 „ mè competere facillimè deprehendet. Cum  
 „ sancta Ecclesia discernat lepram à non lepra, &  
 „ oues ab hædis, fideles ab excommunicatis, pu-  
 „ blicos peccatores à piis, illósque ad pœniten-  
 „ tiam, hos ad sacramenta admittat: apud istos  
 „ nihil differentię esse solet: modo quis fidem

se habere dicat, ab Hypocauſto & Popinis,,  
perinde vt ab oratione accedere poſſunt com-,,  
municaturi. Ipſæ porrò mulieres hæreticæ,,  
tam procaces, quæ audent dicere, docere, con-,,  
tendere, exorcifmos agere, curationes repro-,,  
mittere, forſitan etiam & ſacras interpretari,,  
litteras? Certè quod omnium exactorum ſæ-  
culorum impietatem lōgiſſime vincat, deiparæ  
virgini ſemet æquare horrendis contaminatæ  
flagitiis ſceminæ non dubitant. Ordinationes  
interim eorum temerariæ. Laicis enim ſacerdo-  
talia munera iniungunt. Sacerdotes omnes,  
omnes reges eſſe videri volunt: nemo alterius  
ſequi ſenſum ſuſtinet. Sic libera, ſoluta, & ſine  
ordine ſunt omnia. Sentētiā ſuā dicit aliquis,  
alius contra ſentit, tertius inſuper ne alterutrum  
ſuperiorem ſe agnoſcere videatur, nouam ab v-  
troque ſentētiā comminiſcitur. Ita fit vt tum  
rebus ipſis definiendis, tum in ſcripturis expo-  
nendis, poſtremò in locis, temporibus, circun-  
ſtantiis denique ſingulis rerum agēdarum con-  
ſtituendis, alij ab aliis leuiſſimè diſſideant. At-  
que hoc iuſtum Dei iudiciū eſt, vt qui vnita-  
tem in charitate fouere per arrogantiam prius  
non vellēt: iidem nunc quādo & in quibus ma-  
ximè volūt, eandem retinere, per alienati animi  
impotentiam minimè poſſent. Sic nimirum di-  
uiſa ciuitas Hieruſalem, quæ vnus labij prius  
fuit, inſtar, turris Babylonicæ neque alios in-  
telligere, neque ſibiipſi diu conſtare poſteſt.  
M I S. Atque in hoc tamen vno à ſummo ad  
inſimum mirifice inter ſe cōſentiunt, quod vna

voce Pontificem insectantes nullum vnum in Ecclesia præsidere volunt. EPIS. Verum id quidem est, neque aliunde quàm ab hoc vno vnus capitis contemptu prouenire putandum est, quòd pugnantibus inter se sententiis mox in diuersa rapiantur, vt merito ob id Samsonis vulpes caudis tantummodo colligatas in his talibus disertè exprimi dicere possumus. Nam cum caudarum (partium nimirum turpissimarum colligatio) istà legitimi ordinis impugnationem disertè referat: tum capita quod necesse alioqui est alio atque alio respicientia, eorundem sententias pugnantes & discrepantes satis indicant. Quod quoniam non ita facile persuaderi plerisque potest, multique sint, qui hanc vnus in Ecclesia capitis necessitatē ignorent, agens quasi in hoc ipso totius quæstionis cårdo vertatur, idem nos paulo pluribus confirmemus. Inter quæ docendi causa si à verissimili decore ad necessitatē, à necessitate ad euidentem vtilitatem cõscendentes certum struamus ordinem, nihil abs re facturi videbimur. Quasi vbi ab vnus capitis præcellentis legitimo moderamine, omnem in Ecclesia vnitatem pèdere probatum fuerit: simul & in Scotia protestantes non magis illam quæ in Ecclesia esse debet vnitatem, quàm cum capite illo summo communitatem, habere comprobentur. Frustra enim effectum verbis sibi vendicabunt illi, qui cum causa tam nihil sibi esse commune & verbis & opere declarant. Principio igitur (in qua decus Ecclesia dignum cernatur) Ecclesiasticæ

*Ab vno  
pontifice  
Ecclesiæ  
vnitatem  
pendere.*

*Effectum  
ad causã  
consequi.*

hierarchiæ vnum caput postulantis, ratio nobis ex Dionysio Areopagita repetenda fuerit: tum verò quæ eiusdem necessitatem euincat per vniformem consensum doctorum omnium perpetuo propagata Ecclesiæ traditio subiicienda. Postremo quæ illustrem notet euidentiam ex ipsius Christi verbis institutio ipsa primatus commonstrabitur. M I S. Recte hos gradus atque ordine digessimus, mihi videris. Eorum quippe primus studiosos veritatis amatores volentes ducet: secundus eiusdem hostes etiam nolentes trahet: tertius pertinaciter recalcitrantes iusto Christi iniecto metu, veluti forti ac violenta iniecta manu, transuersos rapiet.

*Partitio  
probationis.*

E P I S. Esto ita sane, sed videndum interim si forte quod nos pro verisimili posuim<sup>9</sup>, id fundamentum omnium merito firmissimum habendum sit. Quid enim certius dici aut à quoquam adferri potest, quàm quod Moyse datum legimus: vt nihil adderet nihilve minueret, verum ad præscriptum diuinitus sibi exemplar arcam instrueret. Quod præceptum cum Moyse datum fuisse constet, prout ille figuram Christi gessit, dubitandum neutiquam est, quin quod à Moyse in typo, hoc à Christo in corpore perfectum fuerit: præsertim quando dilectus domini discipulus non potuisse filium facere quicquam testatur, quod non viderat patrem prius faciētem: quippe vt illius Moses, sic arca Ecclesiæ à Christo exædificatæ typus extitit. Vidit hoc & cognouit qui in Apocalypsi sua dicebat: Vidi ciuitatem sanctā Hierusalem

nouam descēdentem de cœlo à Deo paratam.  
*Dionysius* Vidit & eiusdem auditor Dionysius, qui non  
*Areopagita.* vno in loco sanctissimam in terris hierarchiam  
 imitatricem Angelicæ Hierarchiæ factam, diuina  
 ordinatione affirmare non dubitat. Vidit &  
*Bernardus.* Dionysij fœlicissimus imitator Bernardus, qui  
 libr. de Consyderatione tertio & quinto in ini-  
 me vilem reputandam formam & Ecclesiasti-  
 cam ordinationem esse admonet, quæ in terris  
 „ cōstituta, exemplar è cœlis habeat. Sic enim  
 „ loquitur: Ordinationes congregationum sen-  
 „ sibilium, ordinatè dispositarum imagines sunt  
 „ ordinationum, quæ sunt in cœlestibus ordi-  
 „ nibus ad Dei imitationem ordinatis. Et rursus  
 „ tertio capite Angelicæ Hierarchiæ: Hierarchia  
 „ est sancta rationalium personarum congrega-  
 „ tio per gradus atque officia ordinatè distincta,  
 „ cum scientia & operatione sibi competenti ad  
 „ Dei conformitatē (prout ipsi possibile est) assi-  
 „ milata, atque per illuminationes sibi diuinitus  
 „ infusas iuxta vniuscuiusque capacitatem ad Dei  
 „ imitationem sursum acta. Et rursus 7. cap. & 9.  
 „ Ordo Hierarchiæ est alios purgare, alios pur-  
 „ gari, alios illuminare, alios illuminari, alios per-  
 „ ficere, alios perfici. Generaliter namque à Deo  
 „ ordinatum est, vt inferiores purgentur, illumi-  
 „ nentur, perficiantur: superiores autem pur-  
 „ gent, illuminent, perficiant. Ita tamen vt om-  
 „ nes quibuscunque tandem gradibus, distincti  
 „ ab vno Deo, veluti capite purgationem, illu-  
 „ minationem, perfectionemque suam sortiti

dependeant. Cùm itaque Christus Ecclesiam sibi in tetrīs colligendo, perfectissimus Dei patris imitator extiterit, nec quicquam fecerit, quod non prius viderit patrem facientem: profectò non modo consentaneum, sed maximè etiam necessarium fuerit, certis purgantium, illuminantium, perficiètiúmque: & rursus purgandorum, illuminandorum, perficiendorúmque gradibus Ecclesiam interstingui: qui omnes ab vno capite Christi in terris vicem gerente illuminationem capiant. Quod caput in terris instrumentarium ac ministeriale tantum, quando dicimus: tum idem sic verè intelligendum esse illud Ioëlis primo capite satis indicat, vaticinantis futurum, vt filij Iuda, & Israël congregentur pariter, ponántque sibi caput vnum, vnū, inquam, caput non in cœlis, vbi vnum semper perstitit: sed in tetrīs, in quibus diuulsus in partes Dei populus per Euangelij prædicationem ad vnū ouile, vnúmque pastorem aggregandus erat. Quem pastorem vnum Christus cū seipsum præcipua ac prima auctoritate præditum mundo tam diu daret, atque legatione hic apud homines fungeretur: tum hinc emigrans sui loco Petrum, Petrique successorem Ecclesiæ corpori ad exemplat illud cœlestè exactissime efformato præfecit. Neque verò ob id caput esse ipse desuit: sed suam à terris corporalem præsentiam subtrahiturus, quo Ecclesiæ hoc pacto in vno visibili capite recollectæ vnitas seruari posset, Petrum sibi

*Quo sensu vnum caput Ecclesiæ affirmet catholici.*

substituit, non suo nomini quicquam derogando aut gloriam imminuendo: sed (quæ ipsius benigna bonitas est) per vicariam substitutionem honoris nomen & officium cum mortali homine communicando. **Mrs.** Audio atque hic fere locus est, vnde in Ecclesiam insurgendi occasionem arripiunt aduersarij, vel in monstrum Ecclesiam esse commutatam si Christum vnum in cælis, papam alterum in terris caput habeat: vel si toto suo iuri Christus cædat, imminutam esse ipsius gloriam, & in hominem peccatorem eam translatam esse clamitantes. **Er s.** Sic quidem vociferantur, sed inscitè non enim intelligunt, aut certè intelligere nolunt

*Quo modo & si ne potest statè suã Deus homini communicet.* rationem diuinæ in Christo bonitatis, qua non tantum sua omnia, sed ipsum se nobis communicando impertit. Et hæc quidem talis est, qua nos vere ditat, sed non se euacuat: ad nos transit, sed non se relinquit. Imo in nos sua omnia transfundit, ad hũc finem vt nos ex filiis hominum quod maximum est, Dei filios tandem faciat, neque se interim dum istud facit destituẽs,

*Per pont. licet peccatorẽ dona sua Deus ad homines transmittit.* neque nos homines, ideo quia peccatores sumus, ab hac sua dignatione multa excludens. Quod si illud eos male habet quod in hominẽ peccatorẽ tantæ dignitatis prærogatiua confertur: videãt sanè ne non tã infirmitatis humanæ quã diuinæ bonitatis accusatores existant; tũcque apud se considerent, an non meliori iure hoc illorum peruersum iudicium corripi à Deo & castigari debeat, quàm idem aut consimile

*opt. li. 3.* Donatistarum iudicium apud Optatum Mile-



uitanum correptum legimus. Hi enim mortalis duntaxat principis munera recusabant, quòd qui offerebat ea Constans, homo peccator esset: illi vero immortalis Dei beneficia superbo contemptu repudiant, quòd ea homini infirmo, addo etiam, & peccatori dispensanda credantur: vt eo nomine ad eos merito Deus dicere possit: Quem inquam (ô homines) dispensandis meis beneficiis in terra præficiendum ducitis? Angelúmne, aut quod idem est Angelicæ puritatis hominem? At hoc quanquam & possem, & puritati meæ magis quadraret, è retamen vestra neutiquam futurum esset. Sin vero peccatorem? cur non in eo bonitatis meæ argumentum tanto magis conspicuum videntes quanto infirmior ille peccator est ad quem ppter vos memet submisi, ab eodé ad vos mea transire beneficia patimini? An quia ille peccator est, ideo vel concessum beneficium vilescere, vel maiestatis meæ portio cum illo communicata sordescere potest? At nō ita est: quin potius tanto clarius mea relucet bonitas, quanto vberius profusa etiam in peccatorem eadem ad vos vsque penetrare potest. Ex his inquam & talibus nō tam Oprati Mileuitani quam ipsius Dei verbis quo pacto inanis illa, aut nulla potius obiectio quæ priore loco proponebatur sponte sua cōcidat, facile intelligi potest. Nunc reliquas videamus quæ quā pueriles nugæ sint inde maximè apparebit, si in simili materia collectum argumentum quàm absurde cadat in hunc modum dispiciamus. Christus non tan-

bus Ecclesiis singulos pastores, quàm in vniuersali Ecclesia vnum principem pastorem existere: qui ipsius nomine in terris curam gerat, caputque & Petra dici possit: nō tamen vt Christus Petra, sed vt Petrus petra. Quippe Christus re vera, natura, & potestate præcipua, petra immobilis, & inconcussa est: Petrus vero per participationem tantum, is quem Christus Petram fecit. **M I S.** Intellico distinctionem & eam quidem auditu minime indignam. Sed instant adhuc acrius, ordinariam in singulis Ecclesiis curam quidem esse necessariam, eandem vero si per totum & vniuersum orbem ab vno eodemque obeunda viro præscribatur, iam per se plane esse impossibilem. Neminem enim esse *Obiectio de impossibilitate* qui tot prouinciis tamque à se terrarum pariter & marium interuallo disunctis regionibus obeundis, vel per centesimam partem sufficiat. **E P I S.** At enim falluntur longè si quam quisque in suos functionem exercet Episcopus, eadem à Pontifice summo per omnia exigendam putent. Fateor equidem in Romanæ vrbis Ecclesia, cui peculiariter præest, cum non minus quàm alium quemuis prædicatione verbi inuigilare oportere. At si corpus Ecclesiæ ex omnibus conflatum particularibus spectes, iam Episcopatus vnus est, cuius singuli (vt ait Hieronymus) partem solitudinis tenent. Ita tamen vt in his quæ ad Episcopum pertinent, æqualem potestatem habeant omnes. At in quibus prærogatiuæ præcellētia iurisdictionisque authoritas ad firmandā seruandāque vnitatem

*Quod Episcopi ad sacerdotes hoc pontifex ad Episcopos.*

concessa spectatur, iam singularum Ecclesiarum Episcopi in priuatorum hominum sortem atque ordinem vocati vni Pontifici subsint, ab eo ex diuina ordinatione, & Christi institutione, eam quam aliis communicent tum purgationem, tum illuminationē, tum perfectionem percepturi. & omnino quod respectu Episcoporum sunt sacerdotes reliqui, & sacerdotum comparatione plebei, hoc ipsum Episcopi reliqui ad Pontificem comparati censentur. Quapropter vt sacerdotis erga plebeios, & Episcopi erga sacerdotes curæ suæ concreditos functio grauis quidem ( quod multi sint ) non tamen impossibilis habetur: ita grauissima ( quis dubitat ) Pontificis cura est, qua is in subiectos sibi Episcopos inuigilare tenetur. Non tamen ob id impossibilis imo Dei spiritu vires ministrante, & lubenter subeunda, & fortiter sustinenda prouincia creditur. Nam vt taceam eam politię formam, quæ ab vno pendet, è natura maxime esse, sine qua nō ipsa bruta animantia gregatim viuere, nedum homines communem fouere societatem possint: certe præscriptus, & prius adūbratus cœlestis Hierarchię ordo ( ad cuius imaginem in terris Ecclesiam conditam esse constat ) aliquod vnum caput esse oportere euincit. Nisi forte Christum in terris ineptum cœlestis imaginis imitorem fuisse, suæque Ecclesię politiam nō ad optimam formam composuisse dicere quis velit. Quod vtrumque blasphemiam horrédam continens, quasi quod Christianorum mentibus semel concipiatur in-

dignum, quodque aliorum auribus capiatur indignius, at quod prolatum palam & publicè defendatur omnium indignissimum, merito propter nimiam absurditatem videri debet.

Christus enim is est qui deiformis imaginis *Quomodo*  
 memor, à patre terras relicturus per iit, ut ij *Christus*  
 quos seruandos dedisset vnum fierent: sicut ipse *imaginis*  
 & pater vnum essent. Idem qui præceptum *deiformis*  
 Mosi datum, non tam in arca illa umbratili ve- *imitator.*  
 teris testamenti quàm in vero Ecclesiæ corpo-  
 re complendum tandem fore intelligens, mem-  
 bra Ecclesiæ veluti in vno corpore compacta  
 atque ordine digesta vni capiti subesse voluit,  
 non tantum principali, & primario (quod ipse  
 est præcipua potestate cuncta administrans) sed  
 ministeriali & secundario cui vicem suam in  
 terris gerendam virtute communicata con-  
 credidit. M I S. Atque cùm in hoc præcipuæ  
 quæstionis cardo versetur, nū præter Christum  
 alterum in terris secundarium caput requiratur,  
 aut idem etiam locum habere possit: non nisi  
 euidenti aliqua ratione illius secundi capitis  
 necessitas euincenda fuerit. Maximè quando  
 illius eiusdem capitis ut nos necessariam, sic ad-  
 uersarij impossibilem positionem statuunt, quod  
 vel ex ea obiectione cuius supra mentionem  
 feci intelligi facile potest. E P I S. Sinon ad  
 victoriam reportandam satis tibi esse videretur  
 euicta consentaneis argumentis veritas, nisi  
 insuper euidentia accesserit: ageris videamus  
 ecquod euidentius vel ipsi aduersarij argumen-  
 tū desiderare possint, quàm quod ex scripturis

*Ex scri-  
pturis fir-  
ma ratio  
ad euin-  
cendum  
vnum in  
Ecclesia  
caput.*

*Nota.*

sacris sumptum, præter primarium illud in cœ-  
lis, secundarium alterum insuper in terris caput  
omnibus tēporibus quibus diuina protectione  
conspicua Ecclesiæ facies extrabat, necessarium  
fuisse: atque ob id etiam nunc esse common-  
stret. Id si est (quod esse est necesse) profecto  
quod vel ipse aduersarius ( quantumuis perti-  
nax) euentiam probationi deesse queratur,  
minime metuo. Constat enim passim in scri-  
pturis sacris deum patrem, ac ipsius filium vni-  
genitum, dominum, regem, pastorem, ac ca-  
put populi sui mox atque illum à reliquo mun-  
do segregauerat extitisse. Scriptum namque  
reliquit Elāyas 33. dominus iudex noster, do-  
minus legifer noster, dominus rex noster. Et  
Ezechielis cap. 24. Ego requirā gregem meum,  
& ego ipse pascam oues meas. Et 1. regum sic  
Samuelem alloquitur dominus: non te abiece-  
rūt, sed me ne regnem super eos. Neque tamen  
hæc olim in veteri Ecclesia obstiterunt testimo-  
nia, quominus alius præter Christū tū in cœlis,  
tum in terris vniuersæ Ecclesiæ qui curam ges-  
serit princeps extiterit. Alioqui quid sibi vult  
Michaëlis principatus Danielis 12. descriptus,  
quem ad Ecclesiam non minus quàm ad vete-  
rem Synagogā pertinere sancti patres Hyero-  
nymus, Gregorius, Beda vno ore affirmāt. Quid  
illa Moÿsis cōprecatio numerorum 17. indicat?  
Prouideat (inquit) Deus dominus spirituū vni-  
uersæ carnis, hominē qui sit super multitudinē  
hanc ne sit populus domini sicut oues sine pa-  
store. Certe populo suo omni tempore præfuit

Deus, vt dux præcipuus, nihilo tamen minus alterum tum in cœlis subordinatum, tum in terris pro se substitutum esse vult, quem & Moses oratione sua dari postulat, sine quo populus aliud nihil quàm grex absque pastore credatur. Ea nimiû dei *φιλανθρωπία* est, quæ non generali prouidentia vniversum hominû genus tantum gubernet : sed ex eodem selectum cooptatumque gregem sic regat, vt vnum aliquem non tantum naturæ, sed status insuper, & conditionis communis eidem pascendo ex primæua ipsius institutione præficiat. Qui vt Dei imperiû super populû neq; sustulit vnquâ, neq; imminuit: ita ad legitimâ populi administrationem perquam necessarius ex diuina ordinatione semper habebatur. Quid enim attinet dicere in populo Israëlítico ducem vnum, eundem in Ecclesia Christianorum necessarium non esse? Hæc enim, corpus: ille vmbra hæc veritas, ille figura fuit. Quanquam in ipso populo Israëlítico externam Ecclesiæ veræ faciem extitisse certum est, quæ suis licet legibus, id est Mosaiicis, pro peculiari illa temporum dispensatione vteretur, nulla tamen maiori necessitate tunc, quàm nunc ab vno administranda vel duce, vel pōtifice videri potest. Nam quæ ex innumeris conflata gentibus nunc est: ea in duodecim tribubus olim substitit, quibus singulis ab vno re-  
*Quanto  
latius dif-  
fusa Ec-  
clesia, tã  
to magis  
ab vno re-  
genda.*  
singuli duces & principes præesse cōmode vita-  
ta omni confusione potuissent. At nūc in tem-  
pore Euāgelij, quæ nō dico, familiarū, sed popu-  
lorū diuersitas est, nec iisdē legibus nec morib;

ventium, si quot populi, tot in religione antistites pari potestate præditi darentur in Ecclesia Christi, aliud nihil quàm inordinatissima confusio esset: in qua non doctrinæ, nō rituum vnitas, non extirpandarum hæreseon subinde pullulantium ratio vlla teneri potuisset. Sed profecto non sic est: quin potius omni tempore & Euangelij, & legis vnus aliquis communis cum populo sortis, naturæ, & status, pastor sub deo principe pastore necessarius fuit: qui vnitatis causa seruandæ constitutus, nihilo secius in vasta & immensa populorū numerositate, quàm in angustis Israëlis finibus Dei vicē atque personam in terris sustineat. Imo tanto magis in pluribus idem illud vnum caput necessarium censerī debet, quanto quo plures, eo difficilius in vnitare retineri, nec omnino nisi vnus bene-

*Observa- da cōclu- sionis ne- cessitas et ratio.* *Cur Epi- scoporum ordinē re- ciant mi- nistri pro- testant.* *ficio capitis in eadem diu subsistere possunt.* *M 1 s.* Vim argumenti & pondus satis confessorum, nam cū aduersarij à multitudine partim populorum, partim regionū distantia administrationem eam quæ ab vno dependeat impossibilem esse contendunt: tu contraria ex iisdem momentis facta conclusione illorum impossibilitatem in necessitatem conuertis. Id quod non abs re facere mihi quidem videris, nō tantum quia ratio sic suadet, sed quòd rerum domesticarum facies sic sentire prorsus compellat. Postquam enim ab vnus capitis obedientia discessum fuit, iam ne plurium quidem gubernationem Episcoporum apud se ferre possunt, nec quæ sunt vesania finē facturi videntur quo  
ad in

ad in eo in quo nunc sunt errore perstabunt.  
EPI S. Rectè hercle, qui ab vnitatem semel recesserunt nullum secandi finem prius facturi tibi videntur, quam ipsos se & errorem suum deferāt. Nihil enim aliud homines alioqui oculatos & obseruandi ( vti videri volunt ) ordinis studiosos, cōtra Episcopatum tātopere accēdit: quàm quod vna eadēque ratione cum Episcopatu summum simul pōtificatum inuehi denuò animaduertunt. Quo enim iure multis sacerdotibus Episcopus vnus ad seruandam doctrinæ vnitatem præficitur, eodem planè pluribus Episcopis (si quando discordes fuerint) vnus Metropolitæ: & iis adhuc pluribus vnus tandem Pontifex summus necessario præficiendus cōuincitur. Cuius auctoritatem tam odiose à se laceratam ne agnoscere denuo, itaque ad vnitatem redire cum ratione cogantur, nō tantum contra rationem, contra ordinem, contra ipsos denique se: sed contra compertam suam tum aliorum omnium vtilitatem pugnare in certam vsque perniciem volunt. M I S. Neque id quidem obscurum esse videtur, eos sic in præceps ruituros, vt perparua de plerisque eorum ad sanitatē reuocādis spes haberi possit. Verūtamen propter alios qui nō vt illi ex scientia peccant, sed decepti tantum alienum sequuntur errorem, ad finem vsque susceptam demonstrationem persequere. Mirum interim haudquaquam videri debet si aduersarij ipsi vel pertinacissimi Achillem suum non tantum sibi extortum, sed in seipsos valide retortum sentiētes



remisso ardore, contentionisque impetu modestiores se in posterum præbeant. Præsertim quando scommata sua & conuicia quæ in sanctissimam sedem proiciunt, non tantum ad eam infirmandam nihil facere posse, sed eadem detecta mirifice illam confirmare animaduertunt. **EPIS.** Ex tribus igitur capitibus primum huc usque absoluimus, nunc secundum aggrediamur: principium inde sumpturi ubi prius illud caput terminatum fuit. Id autem est ut iam fixum constitutumque habeamus non humani, sed diuini prorsus iudicii fuisse, Ecclesie unitati per hanc unius capitis prærogatiuam prospexisse: quo nimirum ad unum pontificem plures episcopi in maioribus fidei articulis controuersis confugerent. Hunc ordinatissimum corporis Ecclesiastici consensum à Christo haud dubie auctore profectum fuisse, præter doctorum suffragia, insuper virorum Apostolicorum & conciliorum quorum æque atque ipsorum Euangeliorum sancta, venerandaque semper habita est authoritas canones euincunt. Ex quibus innumeris pauca hæc exemplorum vice ponantur. Extrat de primatu, Anacleti secundi post Petrum Pontificis decretum in hunc sensum: prima ergo sedes cælesti beneficio est Romanæ Ecclesie quam beatissimi Petrus & Paulus suo martyrio coronarunt. Ad eundem modum atque in eadem verba primatum eidem sedi adiudicauit Nicæna synodus ubi in præfatione sic loquuntur patres 318. sciendum est sane ab omnibus Catholicis quoniam sancta Ecclesia Romana nullis synodicis decretis prælata

est, sed Euangelica voce domini & saluatoris nostri primatum obtinuit, vbi dicit beato Petro Apostolo: tu es Petrus &c. Quam sententiam quotquot sequuta sunt Concilia generalia ratam & firmam tenuerunt. Iam vero pro eodem confirmando primatu tot doctorum testimonia passim inter legendum occurrunt, vt vnde incipiendum primum sit incertum habeam. Irenæus Apostolorum temporibus vicinus, de illius sedis principalitate præter multa alia sic cap. 3. lib. 3. loquitur: Ad hanc enim Ecclesiam supple Romanam (propter potentiorē principalitatem) necesse est omnē conuenire Ecclesiam, hoc est eos qui sunt vndique fideles: in qua semper ab his qui sunt vndique, conseruata est ea quæ est ab Apostolis traditio. Fundantes igitur, & instruentes beati Apostoli Ecclesiam, Lino episcopatum administrandæ Ecclesiæ tradiderunt & reliqua: in quibus vſque ad Eleutherium tunc temporis Romæ præſidentem ſucceſſionem ordinariam proſequitur. *Cyprianus li. 1. epist. 3.* Ad eundem modū Cyprianus martyr Romanam sedem Ecclesiarum matricem agnoscit his verbis: nos enim singulis nauigantibus necū-scandalo nauigaret villo, rationem reddidisse nos ſcimus, & hortatos eſſe: vt Ecclesiæ catholicæ matricem & radicem agnoscerent & tenerent &c. Hieronymi insuper sunt verba clarissima, qualia sunt præter ea quæ ad Damasum prius citata fuerunt: alia longe plurima quibus passim in scriptis suis sedis illius præcæteris primatum, luculentissime effert. Vt

- Hieronymus.* lib. 1. aduersus Iouinianum in hunc sensum: at  
 „dices supra petrá fúdatúr Ecclesiá, licet id ipsum  
 „alio in loco super omnes Apostolos fiat, & cun-  
 „cti claues regni cœlorum accipiant, & ex æ-  
 „quo super eos Ecclesiæ fortitudo solidetur: ta-  
 „mē propterea inter duodecim vnus eligitur, vt  
 „capite constituto schismatis tollatur occasio.  
 „&c. & rursus ad Damasum pontificem. Ideo  
 „mihi cathedram Petri & Apostolico ore fidem  
 „laudatam censui consulendam, inde nunc meæ  
 „animæ postulans cibum, vnde olim Christi ve-  
 „stimēta suscepi. Et aduersus Luciferianos: Ec-  
 „clesiæ salus in summi sacerdotis dignitate pen-  
 „det, cui si non exors quædam, & ab omnibus  
 „eminens detur potestas: tot in Ecclesiis efficien-  
 „tur schismata quot sacerdotes. Chrysostom<sup>us</sup> au-  
 „tem in illud Ioannis 21. Sequere me sic scribit:  
 „Si dixerit aliquis qualiter ergo Iacobus thro-  
 „num assumpsit Hierosolymorum, illud vtrique  
 „dicam quoniam Christus Petrum orbis terra-  
 „rum intronizauit magistrum. Et iterum magna  
 „Christus Petro prædixit, & orbem terrarum  
 „ei commisit. Et Ambrosius sermone 11. in-  
 „quirens quænam sit Petri nauicula in quam  
 „ascenderit Christus sic loquitur: Solam igitur  
 „eam Ecclesiæ nauem ascendit Christus  
 „in qua Petrus magister constitutus est, dicen-  
 „te domino super hanc Petram &c. Et Leone  
 „Pontifice epistola 53. contra Anatolium com-  
 „plura disertissime dicuntur, interquæ & hæc:  
 „Post illa itaque ordinationis tuæ non incul-  
 „pata principia, doleo quod constitutiones sa-

cratissimas Nicænorum canonum conareris “  
 infringere, tanquam opportunè se tibi hoc “  
 tempus obtulerit, quo secundi honoris priui- “  
 legium sedes Alexandrina perdiderit, & Antio- “  
 chæna Ecclesia proprietatem tertiæ dignitatis “  
 amiserit: vt his locis iuri tuo subditis, omnes “  
 metropolitani Episcopi proprio honore pri- “  
 uentur. Et 54. Alia tamen est ratio rerum sæcu- “  
 larium, alia diuinarum, nec præter illam petram “  
 quam dominus in fundamento posuit, stabilis “  
 erit vlla constructio. Et his consentanea vt plu- “  
 rima passim de sede Romana scribit Leo, sic & “  
 Gallorum Episcopi eidem sedi attributam me- “  
 ritò dignitatem ad Leonē scribentes, agnoscere “  
 se libētissime profitētur. his verbis: magna præ- “  
 terea & ineffabili quadam nos peculiare tui “  
 gratulatione succrescimus, quod illa specialis “  
 doctrinæ vestræ pagina ita per omnium Ec- “  
 clesiarum conuenticula celebratur, vt vere con- “  
 sona omnium sententia declaretur: merito illic “  
 principatum sedis Apostolicæ constitutum, vn- “  
 de adhuc Apostolici spiritus oracula referen- “  
 tur. Omnium vero clarissime præeminētem e- “  
 ius sedis potestatem euincit ipse Leo in duabus “  
 epistolis, vna ad Alexandrinum 81. altera 84. “  
 ad Thessalonicensem episcopum descripta, & “  
 vtraque tum grauissimis admonitionibus, tum “  
 correptionibus seuerissimis referta. Et Augu- *August.*  
 ustinus sermone 149. Confidenti inquit Petro “  
 amorem suum, commēdat Christus oues suas: “  
 tanquam non esset vbi ostenderet Petrus amo- “  
 rem suum erga Christum, nisi esset pastor fide- “

lis sub principe pastorū. Theophilactus super  
 iisdem verbis sic scribit: In hoc quod dominus  
 dicit Petro: sequere me, cunctorum fidelium ei  
 commisit prælaturam. Et denuo in persona  
 Christi ait ad Petrum: Te nunc dirigo ad orbis  
 Pótificatum. Iam vero Cyrilli ex suo thesauro,  
 Bernardi ex 2. de Condesytatione & Damasce-  
 ni, & Leonis 9. testimonia luculentissima eun-  
 dem Romanæ sedis primatum confirmantia,  
 cum sint innumera: ea potius ad tuam ipsius,  
 aut cuiusquã alterius lectionem remitto, quàm  
 sub finem tam ampli tamque instructi catalo-  
 gi, eadem etiam nunc quando minime est opus  
 infero. Nihil interim veritus, quin quod in me  
 receperam, de primatu Romanæ sedis ex vni-  
 formi doctorum consensu commonstrando,  
 abunde perfectum reddiderim. M 1 s. Sed qua  
 arte hæc tot tantæque doctorū testimonia, qui-  
 bus se respondere non posse facilè intelligunt,  
 eludere conentur, tu per te (nisi fallor) intelligis.  
 Ep 1 s. Quidni sciam meros fumos, quos ad  
 ad obscurandam veritatem simplicium oculis  
 offundūt. Principio quod Petro vni dictum, id  
 postea simul, omnibus Apostolis commissum  
 fuisse aiunt. Deinde Gregorium ipsum Pontifi-  
 cem Romanum, vniuersalis Episcopi titulum  
 non tantum recusantem, sed eundem in Ioan-  
 ne Constantinopolitano (qui id forte honoris  
 nomen ambiuerat) grauissime insectantem ad-  
 ferūt. Postremo ad argutias quãquã ineptas &  
 ridiculas cõfugientes, argumēta necūt quibus  
 Pontificē Romanū, modo Ecclesiæ vniuersalis

*Obiectio-  
 nes cõtra  
 primatū  
 proponi  
 solitæ.*

caput sit suum, ipsius caput esse oportere colligunt. Sed hæc quæso omnia quid ad fides ut aiunt. Sane clauis potestatem, totamque Apostolatus functionem quantum ad promulgationem Evangelij attinet omnibus ex æquo Apostolis cōcreditam fuisse libenter ipsi fatemur, speciale interim iurisdictionis prærogatiuam in vno Petro (ut aiunt doctores vna voce omnes) cōstitutam agnoscetes, nihilominus Romanæ sedis deferimus. Deinde quis tam absurdus rerum æstimator erit, qui præcellētis dignitatis titulum ob id nullum esse contendet: quod eundem per ambitionem affectatum, & proinde in altero damnatum, Gregorius per piam humilitatem respuerit? Aut quis potius non iure laudandum utroque nomine Gregorium censeat? Primum quidem quod alterius arrogantiam insectando, deinde quod suam ipsius dignitatem alioqui veram eleuando, illinc generosa animositate, hinc vero pia humilitate Ecclesiæ cōmodo pariter studuerit? Aut quis est qui quod humiliter de se ipso Gregorius sentientem audiuerit, legerit ut, non tãtò verius liberiusque eundem honoris gradum minime affectatum ei deferat? Præsertim quando non aliter Ioannem Gregorius quàm Anatholiū Leo ad iniustam tyrannidem in alios metropolitanos viam affectantem corripuerit. Certe uterque re ipsa & non argumentis seipsum fuisse ostendit, qui primæ & apostolicæ sedis præfectus, salua auctoritate sua, alterum in Ecclesiā dominationem superbam parantem, & corripere, & correptum iure suo castigare potuerit. Neque vero aliorum tantum

insolentiam Romani pontificis auctoritate repressam legimus, sed & merito laudatam eorū libertatem fuisse affirmamus, qui ne ipsi quidē Pontifici parcerent, si quando neglecta animarum cura, & Ecclesiæ vtilitate ad profanū dominatum sese conuerteret. Tales profecto correptiones à Christiana charitate profectæ, cū non tantum apud Gregorium sed Cyprianum, Bernardum, & alios multos frequentissimè legantur: sedis Romanę dignitatem non tantum non imminuunt, sed mirum in modum confirmant & stabiliunt. Non enim clarius in re vlla alia, quàm in præfecti curam gerētis solitudine, eiusdēmq; si malè officio fūctus fuerit graui & seuera correptione, loci vllius præeminētis dignitatem conspicuam esse veteres patres voluerunt: res nimirum natura sua disiūctas sedes ipsas, & homines iis præsidentes esse censentes. Qui tamen vt seueritate in homines officio abutentes vtendum: sic honorem omnem locis, ipsis, & sedibus deferendum esse & ipsi iudicabant, & alios ad idem faciendum scriptis grauissimis hortabantur. Sed in hoc profecto dissoluendo nodo longius immorari opus non est, quando aduersarios tam friuole argumentando, aliud nihil quàm fucum facere velle inde manifestum apparere potest: quod non tantum Catholicis, sed ipsis etiam hæreticis Romanæ sedis iudicio se sistere, solemne semper fuerit. Temporibus namque nostris ab ipsorum coryphæo & hæresiarcha Luthero idem factitatum esse

hæc ipsius verba testantur. Beatissimæ Papa prostratum me pedibus tuæ beatitudinis offero cum omnibus quæ sum & habeo, vivifica, occide, voca, reuoca, approba, reproba ut placuerit, vocem tuam ut vocem Christi in te præsidētis agnosco. Quibus totidem similia in actis Augustinens. ab ipso deposita leguntur: Ego (inquit) Martinus Lutherus Augustinianus, protestor me colere & sequi sanctam Romanam Ecclesiā in omnibus meis dictis & factis præsentibus præteritis & futuris: quod si quid cōtra dictum fuerit, aut sit, pro non dicto haberi volo. Idem Eusebium Constatinopolitanum fecisse scribit Socrat. lib. 2. cap. 11. Idem *Socrates.* à Paulino & Appolinare factum fuisse commemorat Theodorus cap. 3. lib. 5. Idem de fortunato legitur apud Cyprianum epistola 3. cap. *Theodorus.*

4. Quæ cum dicerēt lōge (credo) tum Lutherus, *Cyprianus.* tum reliqui aberant, ut primatus prærogatiuam odiosè traductam insectarentur, vel quæstionem nō minus ridiculè, quàm ineptè de eo mouerent, num Papa quia membrum Ecclesiæ simul & caput est, ideò suipsius caput censeatur. Intellexerant namque Papam instrumētale Ecclesiæ caput datum, Christi capiti subseruiuisse: sicque toti visibili Ecclesiæ præfuisse, ut à subiectionis lege solus ipse immunis eximeretur. Qui sensus cum noster & Catholicorum omnium sit, cur ab eodem non tantum contra Catholicos, sed suos etiam homines pugnādo resiliunt? M 1 s. Nescio hercle nisi forte quiduis dicere quantumuis repugnans, quàm agnito



efficacia authoritatis conceditæ argumentum esse debet : Petrus nunc quidem 3000. nunc 5000. quot à nullo alio Apostolo vno tempore conuersos legimus, ad Christum adduxisse perhibetur . Postremò si quid Ecclesiæ sollicitudo testata ad generalem agnoscendum pastorem conferre potest : Ecclesia quæ Iacobum decollari passa est, pro Petro tantum incarcerato, orationes sine intermissione fundebat , tanquam pro capite, in quo totius corporis incolumitas periclitaretur. Quæ omnia licet prærogatiuam authoritatis Petro concessam, susceptam insuper ab ipso, & à reliquis Apostolis agnitam euidenter euincant : tamen indicia obscura videri possunt, si cum vtilitate, quæ ex Christi oratione sequebatur, paululum conferantur. Ea autem est perpetua illius sedis Romanæ duratio nullum defectum sentiens. Quæ principatum ad hodiernum vsque diem sic tenuit ( vt ait Augustinus ) vt cum *epist. 162* aliæ pleræque omnes, quibus alij præfuerunt Apostoli, à fide defecerint: sola ea inuenta sit mater reliquarum omnium, quæ per omnipotentis Dei gratiam, efficaci precatone Christi impetratam, à tramite Apostolicæ prædicationis nunquam aberrauerit: neque prauitatibus vllis hæreticis ( innumeris quamuis quassata ) succubuerit, sed quam ab exordio fidei normam ab ipsis Apostolis Petro & Paulo acceperit, in eadem ad hunc vsque diem illibata permanserit. Defecit Hierosolimitana Ecclesia : cui præsedit olim Iaco-

bus: defecit Achaia, cui præfuit Andræas: defecit Asia, cui Ioānes: defecit India, cui Thomas: defecit Persis, cui Iudas: defecit Æthiopia, cui Mathæus: defecit Phrygia, cui Philippus: defecit & Græcia, nec eā institutor Paulus doctor gentium non abs re vocatus seruare potuit: sola Romana Ecclesia fuit atque est, ad quam in religione defectus, aut in fide perfidia accessum nunquam habuerunt. Vnde non abs re inferorum portæ ( per quas defectionis interitum intelligit Eusebius ) contra ipsam nūquam præualituræ dicuntur. Vnde factum etiam est, vt ab omnibus sæculis Ecclesiæ aliæ ab aliis diffidentes, ad eam solam, vt ad communem matrem atque constantissimam veritatis hospitem confugerint. Quæ si non tantum vera, sed conspicua cuius esse omnium temporum historiæ testantur, nullam sanè amplius de Romanæ sedis primatu dubitationē apud vltos remanere posse, & proinde Scoticanam cōgregationem quanto ab ea defecisse longius gloriatur, tanto magis à veræ Ecclesiæ vnitatem quæ extra ipsam seruari non potest, vel suo ipsius testimonio abesse, certo apud te cōstitue: Vna quidem parte ministrorum in reiecta vnitatis causa ipsam quoque vnitatem aperte reiiciētium verba tecum recolens: at altera Chalcedonēsis concilij decreto vnā cum patribus in eo congregatis non tam ore quam corde succlamās, ita te credere, vt leo Papa credit, ita interpretari, vt ille interpretatus est, ita denique sentire, vt leo in omnibus piē verēque sentit. Id quod non mo-

do te, sed quemuis alium qui vllis rationū momentis ad intelligendam veritatem permoueri potest, cogitaturum non dubito: vbi argumentorum allatorum vis diligentius expensa fuerit. Nam cum Ecclesiæ omnis vnitas ab vnus Pontificis primatu dependeat: cum ego primatū nō tantum cōsentaneis, sed necessariis & euidētibus argumētis sic cōfirmatū, imo demōstratū dedi: vt quod dicant in aduersam partem aduersarij quātumuis pertinaces reliquum nihil habeant. M I S. Satis quidem abundē & rationibus validissimis non tantum vtile, sed etiam necessarium esse, vnum aliquod caput ostendisti: quo vnitas diu in Ecclesia aut cōtū aliquō teneatur.

Quapropter cum nostri protestantes tanto studio illud auersentur, vt illius causa Episcopatum insuper & omnem superiorum ad inferiores ordinem è medio tollendum contendant: planum per se satis euadit non aliam in ipsis vnitatem retineri, quā in scopis dissolutis, quæ non modo in nullo communi trunco aut radice cohærentes, sed ne ab externo aliquo vinculo colligationem habentes sponte sua, nullo etiam solvente dissiliunt. Ad secundam igitur sanctitatis proprietatem in nostris hominibus examinandam procede, quam si pari euidētia ab iisdem remoueris (quando in ea præcipuē se efferunt) de iis sane quæ sequuntur perparuam aut potius nullam quæstionem futuram arbitror. E P I S. Atque non parem tantum

2. Pro-  
in vindicanda sanctitatis proprietate euidē-  
tiam, sed longe maiorem etiam facile præstabo. applicatio

Siquidem hîc non externis testimoniis, sed ex sua ipsorum cōfessione agam, iis in medium allatis argumentis, quæ non vllius auctoritas dedit, ingeniumve excogitauit: sed res ipsa peperit, adeóq; nunc etiam quotidie partim in ipsorum ministrorum vita & morib<sup>us</sup>, partim in doctrina depicta suppeditat. Nam cùm omnis de sanctitate duplex sit sermo, vnus vitæ puritatem, alter inuictum constantiæ & firmitatis robur respiciens: vtrumque vt sibi aduersum, & illi meritò refugiunt: & ego in præsentî causa sic obuium & facilem habeo, vt res ipsa nō modo nullo artificio illustrata, sed ne verbo quidem expressa, per se tamen vtrinque disertissime loqui videatur. Quod enim robur (vt inde primū incipiam) aut quæ cōstantia, in ea non dico religione, sed religionis leuissîma opinione esse aut vidēri potest: quæ infra 17. annum in populum sparsa sua ipsius vanitate concidere, atque euanescere nullo etiam impellente nunc incipit? Quod tempus licet geminetur, tamen perbreue foret ad aliarum hēresum durationes

*Comparatio Arrianorum cū nostris hæret.* multo longiores comparatum. Arriana hæresis nō duplum, sed quadruplum aut eò etiam plus temporis occupauit. Quid? quod passim in Orientali Ecclesia, damnata Catholica religione, & eiusdem profligatis Episcopis per centum plus minus annos ea sola obrinuit. Neque tamē ob id cum Romana Ecclesia perpetuitatis, aut firmitatis nomine se comparare vnquam est ausa. Simili modo Donatistæ, Euchitæ, Etiani, Iouiniani, Vigilantiani, Petrobutiani, & sexcēti

alij erant quidem omnes, singuli suis temporibus Ecclesiam diuexâtes: at nusquam nunc existentes fundamētum erroris cui olim nitebatur iam diu prodiderunt. Et ramen idem nostris hominibus commune esse fundamentum, licet doctrina eadē, & mōres prorsus cōsimiles arguant, pestifera quoq; & lethalis ab Ecclesia discessio cōuincat: alium tamen quam illi consequuti sunt exitum sibi promittūt! ac non potius quando in eodem hærent errorum luto, ab iisdem demum deuoratos se iri intelligunt, ac eò sanè citius, quò non quorundam tantum ab aliis prius contra Ecclesiam defensorum errorum, sed omnium pariter in vnum aggregatorum patroni existunt. Quod verum esse & solemnibus ipsorum sermonibus publicatum, & scriptis insuper æditis consignatum extat. Non igitur rubus isti sunt, quemadmodū neque illi fuerunt, in quo quia dñs erat, ipse licet arderet perpetuò, nunquam tamen consumebatur: sed spinæ aridæ aut exsiccatae verius stipulæ & illi olim erant, & hi adhuc sunt. Quæ ad ledendam domini aream accēsa, ipsas se tanto citius consumunt, quanto ardentiore flamma aduersus dominum & ipsius Ecclesiā conflagent. **M 13.** Quando doctrinæ capita inter nostros homines vulgari solita apud me recolo, simul etiam & temporis recordor, ex quo eadem inoleuerunt, dicere non possum quātumuis vellem, quin & hoc verè abs te descriptū sit, & illa ab iis mordicus defendātur. Quare si eadem cum notatis prius abs te hæreticis communia habent

*Vita puritas in puritatem degeneravit.*

consentaneum equidem esse arbitror, vt communia alia omnia habentes, fundamentum, inquam, principium, & incrementum, communem etiam cum iisdem finem fortiantur. Sed quoniam fortè non tam habent vnde de firmitate & cōstantia quàm de vitæ puritate gloriari possint, ad eam, quæso, tuo collato sermone quanta in iis sanctitas vitæ reluceat vicissim expende. **EPIST.** Si vitam & mores spectes vel ipsiis ministris palam fatentibus nulla in vllō ordine integritas cernitur, quin pro fide perfidia, pro frugalitate luxus, pro simplici candore fraudulentum fallendi studium, ac omnino in omnibus tum per fas, tum per nefas habendi ardor insatiabilis regnat. Iam verò semel partis sic abutuntur, vt fœdiùsne consumantur an iniustius corradantur nescias. Certè contemptus fratrum egentium tantus tamque superbus existit, vt qui aliorum inopiam subleuare nisi cum suo lucro velint: ne vnus quidem inter mille deprehēdatur. Postremò ariolādi studio sic sunt impiè addicti vt deo relicto, diabolo passim mulieres iuxta & viri sese emācipēt. Quæ ex ipsorum confessione dum profero capira tantum noto, ex quibus tamen non obscure, quàm iustam gloriandi in sua puritate materiā habeant, vel ipsiis arbitris constare potest. **MISS.** Hæc quidem in priuatis hominum moribus vitia reperiiri ( præcipuè inter populi primores ) ministri ipsi forsitan non abs re queruntur: sed quando quod ad omnes pertinet, in omnes itidem cadere debet, non vnā populi partem, sed

sed totū populum, simul & ductores eius principes, impietatis peragendas esse memineris. Sic enim accusationem instructam vim & locum habituram esse existimare par est: si reipsa veritati testimonium perhibente, infimam plebeculam cum suis primoribus eiusdem impietatis ream, eadem inuoluerit. EPIST. Si quidvis agendi & audendi libido, effrenatæ in populo licentiæ, summæque contra honestos omnes mores dissolutionis, argumentum satis sufficiens esse potest: quin totum populi statum peruersum, mecum quiuis æquus veri æstimator iudicaturus sit, minimè ambigo. Præsertim si hos sublata disciplinæ atque inductæ in populum Scoticanum vesaniæ gradus, prudenter, & quo decet iudicio secum reputauerit. Principio enim non obscurum licentiæ argumentum in eo extitisse videri meritò potest, quòd plebs incommodos illos libertatis propinatores semel nacta, legibus ipsa se & magistratuum imperio soluerit. Nam quanto vilioris conditionis plebs est, quàm nobilitas: tantò ea ipsam audere, quæ ne animis quantumvis generosis condonanda essent, vt mirādum magis, sic minus ferendum fuerit. Deinde verò non paruum licentiæ incrementū tum accessit, quādo quasi mutata semel religio, viuendi quoque sortem sibi cum dominis commutatam attulisset, quas prius capere plebecula solita fuit easdem viris principibus dare leges nō dubitauit. Postremò maximum omnis licentiæ cumulum adiectum esse vere quis affirmauerit: quando non

tātūm de bonis nobilium populus, & in eo infimus quisque staturbat, & de capite sæpenu-  
mero sententiam dicebat: sed iuris omnis Eccle-  
siastici pariter & civilis, id est, diuini & humani  
determinationem, pronunciationem, executio-  
nem vendicabat, ex nobilitate hunc quidem  
regno & auitis sedibus profligabat, illum Ec-  
clesia & sacramentis prohibebat, tertium de-  
nique, ne suā ipse causam dicere aut per literas  
etiam se defendere posset, foro arcebat: in om-  
nes denique (cuiuscunque ordinis essent) cæco  
furore & impotēti libidine superbissime gras-  
sabatur. M I S. Inuersum rerū ordinē refers, in  
quo (quod in puerbio dicitur *ὄνα πῶτα μὲν* ad  
fōres flumina redire appareat. Et sanē (vt quod  
sentio dicā) Atheniensīū aut argiuorū populū  
in ciues suos sãuiētem, non vllū legibus & im-  
perio parere solitū descripsisse mihi videris.  
E P I S. Atque si non tātūm publica loca occu-  
pare, sed in priuatas quoq; ædes irrepere, adeo-  
que ad ipsā etiā bruta animātia peruadere, in sitā  
hanc obediētīæ impatientē licentiā animo con-  
cipias illud longe magis dices. M I S. Quid ita  
verò? E P I S. Certē quia cum nemo sit, qui non  
plura sibi licere in tenebris, quam in luce pu-  
ter, quò priuatum cuiusque ædificiū, quam  
templum aut forum obscurius est, plurēsq; re-  
cessus habet, eo ineptiora meritiōque magis ri-  
denda licentiæ exempla in eodē committūtur.  
Quod vt clarius intelligatur (quoniam liberæ  
nostræ cogitationes sunt) age licētia ista à foro  
in priuatas ædes deportata, qualis popularium



nostrorum opinione quidē sua triumphātium,  
 at re vera insanientiū disciplina sit, paulisper ex-  
 periamur. Ac primū eam priuatæ institutionis  
 formam animo concipe, in qua qui iuuentuti  
 moderandæ præsit, eos qui superioribus parēt,  
 vt seruilis ingenij nullūsq; pretij obiurget.  
 Rursus vero qui principes non tantū infra sub-  
 ditorum ordinem redigēdos, sed cum vrsis leo-  
 nibus & immanissimis, quibūsq; belluis con-  
 ferendos, eadēmq; & cōmuni lege tractandos  
 esse publicè & priuatim edoceat. Tū autē inte-  
 riora domus sic institutæ penetralia ingressum,  
 hæc quæ sequūtur cōspicari te finge. Patrē vide-  
 licet filiis similē factū, eos à quib⁹ metui & ve-  
 nerari eum deceret, vice versa reuereri: filios è  
 cōtra vt quàm maximè liberi esse, nullūmq; do-  
 minū supra se habere videātur, patris vocē su-  
 perbiissime aspernari: inquilinū & peregrinū in  
 libertatis iure equari: præceptorem à discipulis  
 sibi metuere, eōq; noīne iisdē blādiri: discipulos  
 vicissim eos quorū voci obaudiētes prius erant  
 nō rātūm aspernari, verum etiā libere in eisdem,  
 adeōq; insolēter insultari. Ac vt semel dicā iu-  
 niores oēs seniorib⁹ & mācipia quæq; vili īīma  
 ac tātum non beluas ipsas dominis & factis &  
 verbis aduersari. Hęc, inquā, & his alia multa si-  
 milia vbi cōspicatus esses, an non licentiā inor-  
 dinatā, quæq; cōtra sanctitatē & honestos mo-  
 res ex diametro pugnet cōfusionē summā vide-  
 re te diceres? M I S. Ego verò non libertatē, sed  
 dissolutionis omnis portētū videre me in tam  
 horrēdo spectaculo affirmare non dubitarē. In

*Inordina-  
ta confu-  
sionis ima-  
go.*

quo tamen nostrorum hominum mirificè depictâ imagin esse toties negare non possum: quoties ad ea enormitatis exēpla quotidiana, quæ passim fere & ubique locorum designata, & ab ipsis insuper cōcionatoribus oblique notata erant, oculos conuerto. Sed qua demum ratione ad inferendam in ministrorum ordinem maculam, quæ ab omni sanctitate alienos eos esse conuincat, valere ista poterunt? Nam qui illa insectantur grauissime, tantum abest, ut inde labem aliquam contrahant: ut tanto puriores iidem existant, quanto vehementius in omnem impuritatis speciem inuehuntur. **E P I S.** Næ tu quidem longissimè falleris, ministrorum ordinem ab istis vitiis purum arbitratus, quæ non tantum vita & factis ante, atque supra alios omnes exprimunt: sed verbis suis olim & sermonibus artificiosè instructis alios accedentes, ad eadem classicum dederunt. **M I S.** Isthuc verò quando & quo pacto? **E P I S.** Postquam nimirum satis magnam apud populum, tum gratiam, tum auctoritatem in Ecclesiasticos viros debacchando cōpararunt: dogma istud in vulgus spargere cœperunt, armatam plebi esse dextram à domino: nec aliter quàm si domini rerum constituti essent, publicorum monumentorum passim delendorum ius & potestatem sibi datam: bonorum insuper Ecclesiasticorum possessionem legitimam non ad dominos, sed ad ipsum spectare populum. Quod utrumque impudenter quamuis mentiebatur, mirum tamen quanta plausibilitate & illi docuerunt, & omnes

*Primâ et maximâ confusio-  
nis causâ à mini-  
stris pro-  
fluxisse.*

*Novi enâ  
gely pu-  
blicandi  
exordiu.*

ordines idem arripuerunt, Non hercle aliter <sup>q̃</sup> Mahometes olim in Oriēte totas regiones nimix subiectionis argumento, quam sub prioribus regibus perferebant, ad defectionem sollicitare potuit: ita illi iniusta decimarū (vri tum passim dictitabant) exactione, plebeculā simul inferiorem, simul & potentiores in Ecclesiasticos viros & Ecclesiæ bona armabant. Quamquam & Mahomete ipso ad persuadēdum potentiores ob id videbantur, quòd idololatriæ *Mahomete* nomine in priore Ecclesia verum Dei cultum *tam ipsi* damnantes, speciosis, quamuis perperā accom- *ministri* modatis ex veteri Testamento exemplis, abun- *vincunt* dabant. Quæ cum ad extirpādū id omne quod *fraudib⁹* idololatriæ affine esse diceretur, apprime seruire videbantur: tum eadem exaggerandi nullam artem nullūque studium exercitati isti artifices prætermiserunt. Ita factum est, vt insanis illorum inuectionibus, in furorem versi homines, non aliter atque Thebarum quondam mulieres à Dionysio exagitatæ, non tantū in bona Ecclesiastica inuolarēt, sed id omne quod sacris esset dicatum vsibus, sine lege, ratione, & modo vi diriperent, diruerēt, flammis denique *Eiusdem* & ferro absumerēt. Hac rabie subito sacrę *euangelij* exustæ, altaria subuersa, tecta diruta, mœnia ab *fructus* ipsis fundamētis euersa fuerunt. Sed ne sic quidem substitit furor quin Sathanæ ministris aliis iubentibus, aliis mandata exequentibus calices in quibus ipse domini sanguis cōsecrari solitus erat conflati, vestimenta sacra, sanctorum reliquiæ, ipsum denique Christi corpus consecra-

*Compara-  
tio nostro-  
rum mi-  
nistriorum  
cum Do-  
natistis.*

tum profanis primum manibus tractabantur, per compita deinde ad ludibrij speciem trahebantur: postremò flammis indignissime absumebantur. In quibus omnibus (vt quod minimū est dicam) quin impuram illā puritatem quam Donatistæ olim falso itidē prætendebāt ter scelere vicerint, ne ipsi quidem authores quę facta sunt cū iis quæ à Donatistis facta dicebātur leuissimè conferentes, dicere possunt. Donatistæ (vt est author Opat. lib. 6.) altaria raserūt, nonnulla etiā, sed pauca, fregerunt: hi nostri (si diis placet) puri homines eadem omnia subuerterunt. Donatistæ confractos calices in massas redegerunt: nostri conflagrunt. Donatistæ reliqua vasa in pios & sacros vsus destinata, omnia seruabant: nostri quæ alicuius pretij essent diuendiderūt, alia flammis absumpserunt. Donatistæ sacram paginam summa veneratione sunt prosequuti, quid? quod eiusdem profanationem detestandam arbitrati, ab iis omnibus qui eam tradidisse dicerētur, se separarunt: at nostri eandem in templis repertam passim abolerunt. Sed ne his quidem contenti sanctorū reliquias per ludibriū in scēnam productas, sacrosanctum deniq; domini corpus (ô scelus) profanis attrectatum manibus igni iniicere ausi fuerūt. Quis eos qui talia tamq; nefanda sacrilegia cogitet inodo, ne dicā designet puros habeat: aut non potius impuritatis omnis, furri, rapinæ, sacrilegij, aut si quid etiā his grauius in Deum aut hoīnes crimē cōfingi potest reos statuat? Atq; horū omniū patratorum non solum aliis au-

thores ministri extiterūt : sed plerāque etiā suis ipsi manib<sup>9</sup> designarūt. At forsitā in iis quæ ad Deum eiúsque cultū pertinet propter diuersam religionis opinionē transgressores deprehēsi, in aliis quæ cōmunem hoīnū societate spectabāt, fidē integritatēque; tum ipsi seruarūt, tum nequa hominibus violandę authores aliis extiterūt. Certē ut taceā eos qui diuinā maiestatem non reuerētur, nulla erga hoīnes religione teneri posse, si quicquam hic in iis sani integritate reperiatur, per me licebit reliqua ipsorū facta omnia; tum in Deū, tum in hoīnes purissima habeantur. Nam cum maximum cōmūnis societatis inter omnes vinculū in legibus positum esse constet: his autem ritē administrandis apud nostrates duplex præesset magistratus: leges primum omnes ad frānādā populī insolētiā, omnēsque in ordine cōtinendos impositas vno verbo sustulerunt dicentes, nullam legem ratam esse debere, quæ non ex pagina sacra noui nimirū & veteris testamenti desumeretur. Ita factū fuit, ut apud populum nullius rei æque atque libertatis auidum, fractis legum repagulis, & inducta noua quiduis pro libidine faciēdi potestate, non ius, nō fas, non fides data locū ullū obtineret in his, quæ impunē se facere posse quispiā sperabat. Inde quod solū in magistratu ad prohibēdā iniuriā subsidium remāserat, id callidē & sensim subuerrebāt. Primū enim Ecclesiasticā cōm-potestatē religionis noīne traducebāt, indignū esse dicētes, & minimē ferēdū, quod Christiani iam ipsa Euāgelij voce liberi facti, idololatrarū seruituti

*In Deum  
impj si-  
aliis quæ  
mul er-  
ga homi-  
nes iniusti  
existunt.*

*Protestā-  
tium Ma-  
xima, &  
confusio-  
nis popu-  
laris fun-  
damentū.*

*Quibus  
gradibus  
ad indis-  
cendam  
cōfusione  
procede-  
batur.*

& sententiæ subiiceretur. Qua quidē sententia sæpius inculcata apud factiosos iamque in Ecclesiastica bona inhiantes facile obtinuerunt, vti Ecclesiasticos viros officiis simul & facultatibus exutos, alios in exilium eiecerēt, alios carceri includerent, alios demum ferro & cruce perimerent. Inde verò per Ecclesiasticorum virorum sic à sedibus suis disturbatorū colla, iidē gradu facto in solium regium clam & occultè pertransibant. Quāquam enim de solis Ecclesiasticis viris istam suam præclaram sentētiā in-

*Per Ecclesiasticorum colla, via in populi odium, summum magistratum videbant: mox classicum dant, quo populum simul & regni procures ad monēdum vnum, alterum verò subrogandum magistratum excitarent.*

Iamque parum res aberat, quin pro regia potestate popularis confusio induceretur. Certè eò tendisse insanas illorum ad populum cōciones, saltem vt non ex successionis iure, sed populi electione princeps daretur, palam tum temporis omnibus fuit. Nec vt in aliis sic in vno hoc capite, sentētiā suā ministri pro ingenio voces fingendo ac refingendo, dissimulare possunt.

*Protestantium in Scotia legiflatores.* Quippe primorū suorum in Scotia legiflatorū (quos, vt Moysen alterū, alterūmq; Aaronem habent, & quorum placita tanquam à deo profecta oracula acceptant & venetantur) scriptis, non tantum verbis obstricti tenentur. Eorum enim vnus velut alter quidam Moyses non ex Nili aquis extractus, sed Lenoxiis mōtib<sup>9</sup> natus

& educat<sup>9</sup>, postea vero pro Chaldeorū sapiētia *Magister*  
 Caluinianā insipiētiā aut dementiā potius apud *Georgium*  
 gallos imbibens, & eandē in Hispania abiuratā *Buquha-*  
 semel, in Scotia denuo repetens, præclarā suam *nanus,*  
 politiam in dialogo de regno expressit. Vbi my- *quam in*  
 steria Caluinianæ sectę detecta (vt aiunt) fronte *Hispania*  
 recludens, principem (si quando deliquerit) nō *abiurauit*  
 tantum in totius populi potestate esse, sed ab *hæresim,*  
 vnoquoque priuato non aliter ac vrsū ali- *in Scotia*  
 quem, leonem, aut aprum interfici debere af- *repetit.*  
 firmat. Alter etiam adhuc audacior in libro de *Ex pres-*  
 regimine mulierū (cuius auctor videri ipse vo- *bytero, a-*  
 luit) alterum vesaniæ caput adiecit: quo non *postata*  
 tantum mulierum imperium illicitum esse pro- *factus Ioā*  
 bare conatur: sed sublato legitimæ successionis *nes Kno-*  
 iure, eius loco inferendam electionem passim *xeus in*  
 insinuat. Nec vero in hoc gradu consistere satis *effigie*  
 habuit, nisi vna voce magistratum omnē è me- *prius com-*  
 dio tollere, neque se vlli subiectum esse velle, *bustus.*  
 clare profiteretur. Id verum esse nemo melius, *Scriba pu-*  
 quàm tu ipse, testari potest, qui in solemni illo *blicus M.*  
 confesso, in quo eum falsi conuincebas, hanc *Ioannes*  
 abs eo prolatam & in notarij publici acta relatā *Robert-*  
 protestationem audiuiſti: qua dei seruos (sic e- *son.*  
 nim impius apostata suos id est satanæ filios  
 appellare ausus est) nulli vel rectori vel vniuer-  
 sitati, nō episcopo, non archiepiscopo, nō prin-  
 cipi, non pontifici, non denique concilio subie-  
 ctos esse palam affirmavit. Quæ ab eo sapius  
 per contentionē vsurpata, non tantum tui ab  
 accusatione (quam intendeabas) deterrendi cau-  
 sa, sed eò maxime abs illo referebantur: vt post

legum repagula refracta, & deiectas potestates interiores, magistratum insuper summum loco mouere posset. Ad quam summæ potestatis deiectionē, sic ille, sic eius vestigia sequuti ministri omnes summo studio adnitebātur, quasi in ea sola laborū omniū finis & prædicationis suæ fructus poneretur. Eam verbo postquā ex sententia persuasissent: erecto iam solio contra solium, itaque illa opera schismate nefario in patriā inducto, ciues in suos conciuēs, & patriam prius semper principi obsequentissimam, tū aduersus principem, tum in sua ipsius viscera cōcitabāt. Atque hæc quidem præclara ministro-  
rum facinora, hæc cōsilia, & res gestæ sunt. Quæ quantum ad communem vitæ societatem retinendam, aut eandem potius rūpendam penitus & è medio rollendam conferant, tuū aut cuiuscunque alterius esto iudicium. Certe quæ dixi (quāquam quæ in patriæ perniciē impie machinati sunt, omnia dicere nō potui) vere ab iis authoribus profecta esse, non tantum rerum præteritarū recens memoria, sed infamis illius parliamenti, quod reginæ eiectionē sequutum fuit acta, quique adhuc pari vesania in populū sparguntur sermones cōtra patrias leges, cōtra principem, contra deniq; omnē pietatē, plane euincunt. M 1 s. Plerāq; eorum quæ attulisti, vel ex eorum sententia concedere posse mihi videor: quippe templorū, & altarium subuersionē, instrumentorūque factorū absumptionē, addo etiā rituum & magistratuū, quos ipsi Papisticos vocāt, abrogationem, non tantū non negāt, sed

*Ministro-  
rum tro-  
phaea.*



eadem sua clarissima trophæa esse ducentes triumphantium more præ se ferunt. Iam vero quod ex eorum libris & protestationibus palâ factis modo retulisti, id ita esse litera (quod aiunt) scripta testatur. At quod bona iidem inuadere Ecclesiastica suaserint, cōcedere iidem non sinunt: maxime quando nihil omnium nunc est, quod grauius insectetur, quàm quod decimæ Ecclesiæ vsibus ereptæ ab aliis nullo iure eas occupantibus diripiantur. **Epist.** Id in eo patiuntur, quod homines præ odio, ira, aut appetitu parum prouidos perpeti est necesse. Nam vt indocti venatores, temere immissos in ferâ canes priusquàm dicto audiētes fecerint, frustra pro eripiēda è dentibus præda laborabūt: sic quod arripuerūt semel (ministorū quanquā suasu & autoritate inducti) tēporales viri vt idē denuo in ministorū manus trāsmittāt, difficilimè adducūtur. Quæ res sola est, quæ ipsos excruciat. Neq; enī bona veterib⁹ dominis legitimè erepta fuisse, idq; ipsis iubētib⁹ negabūt: sed quod in eiectorū possessiones integras ipsi non sufficiantur, id cōtra pietatem, & leges fieri affirmāt. Quod ita esse quando res ipsa testatur, & ministri non dissimulāt: non est quod dubites, quin vt aliorum criminum, sic & huius vsurpationis bonorum Ecclesiasticorum quantumuis iniuste causam iustissime sustineant.

**M 1 s.** At qua tandem arte res vt videri potest factu tā difficiles ac prope impossibiles perfectas reddiderunt? Insigne nāque artificium esse oportuit quo homines tenues, nullāq; potestate

*Decima  
præcepta  
per  
quos.*

*Quid quæ-  
que ordi-  
nem, ad  
hanc con-  
fusionem  
primum  
induxit.*

authoritate præditi, non tātum post se popu-  
lum trahere, sed proceres regni armare, ordines  
inter se committere, post viros Ecclesiasticos  
populi pastores, principē ipsam regno extur-  
bare potuerint. E P I S. De modo aut ratio-  
ne quid est quod quæras: quando relicto domi-  
no populus omnis in scelera quæuis per se satis  
propendet: neque ad decipiendum diabolo ar-  
tes innumeræ eadēque efficacissimæ deesse  
possunt. Factus namque ipse spiritus mēdax in  
ore prophetarum suorum, per illos suos mini-  
stros versutos & callidos, simplices & quidnam  
rerum ageretur principio prorsus ignaros ab  
Ecclesiæ matris vnitae, alios alia commodita-  
tis specie abduxit. Aratores quidem rustici, at-  
que rudes quod decimarum exactiōe libera-  
tos se iri ea ratione sperabāt, relicta Ecclesia fa-  
cillimē in aduersas partes pertransibāt. Agrorū  
domini & Barones quod quisque Ecclesiastico-  
rum bonorum partem aliquam ad se peruen-  
turam arbitraretur, suis singuli rusticanis præi-  
bant. Proceres demum & magnates, quod alij  
binis, alij trinis sacerdotiis inhiabant reliquis  
se antesignanos præstiterunt. Ita factum (est si  
modum quæris) vt singuli ordines non quidem  
inuiti, sed auaritia excæcati, & falsis decepti  
persuasionibus contra Christum & ipsius Ec-  
clesiā pugnaturi in aduersa diaboli castra per-  
transirent. Quo vbi perducti sunt, quid quæso  
cuiquam mirum videri debet, quod hæc quæ  
dixi scelera in suos pastores, in principē, in suā  
denique perniciem designantes, erga pastores

quidem ingrati & crudeles, erga principē perfidi: at erga ipsos se plusquam immanes extiterint? M I S. Nihil sane, vt miseriorum & in perditionem suam vltimā sese præcipitantium valde, iuxta atq; res ipsa postulat me misereat: Sed dic quæso num effici posse aliqua ratione credas, vt quemadmodū ab Ecclesia vltro quidem, quanquam decepti, defecerunt: sic salubri aliquo illecti incantamento ad Ecclesiam denuò volentes redeant. E P I S. Opus non humanæ industriæ mihi crede, sed diuinæ potentie & virtutis erit, vt qui rectam viam impio ausu reliquerunt, ad eandem denuo participandam reuocentur. Neque aliter quam qui vltro sibi mortem conscuerunt, ij in vitam denuò redire, neque per se, neque aliorum quorumuis hominum opera possunt, ita qui vitæ illius spiritualis (quæ in sola Ecclesia vera est) vsu se abdicarunt, eundem nisi singulari dei beneficio recipere nequeunt. Spes tamen multa mihi est per dei misericordiam futurum breui, maximè si rebus præsentibus recte vti velint, vt tum suā miseriam, tum patriæ miserabilem faciē, tum denique eorum per quos in hunc perditionis laqueum inducti sunt impuritatem inauditam prius, ad oculum videntes resipiscant. Ecce autem quam contra ac plerique rationem recoligo: nam quod alij argumentum capiunt, deploratam eorum omnium salutem esse, qui quò illi impietatis progressi sunt: idem ego ad celerioris conuersionis spem conuerto, maximè quando per dei bonitatem nudata nūc sic sunt

*Que rerū  
reparan-  
darum  
spes.*

omnia quæ recta prius tum in politica, tum in Ecclesiastica administratione erant, vt ni studio quodam obstinato oculos claudere velint: clare quòdam singula olim referebantur videre nūc singuli possint. Nam neque ad patriæ, neque ad Ecclesiæ reformationem, sed vilissimorum quorumcunque superbâ & indignam dominationem instructa prius cōsilia spectasse, fines illi ad quos nouandarū rerum authores perspicuè olim cōspirarunt, & in quibus acquiescendum nunc esse sibi arbitrantur, facile indicant. Accedit huc quod laruata illa pietatis species in ministris iplis iā pridem detecta est: in quibus cū non ea quæ sperabatur vitæ puritas, sed abomināda spurcicies cōspicue cernatur: aut ego longissime fallor, aut hinc omnib<sup>9</sup> per ignorantia prius lapsis, prima ad sanitatē reuertēdi occasio dabitur. Nam quæ vitæ mollires, luxus & in temperies omnibus inest, nō eos esse dei seruos, qui per ieiunia: & salutare corporum castigationis puritati studeant: sed vilissima Sathanæ mancia quæ vētri obedientia, & veneri omni studio seruientia nō tam natura quam volūtas deprauata effinxerit, planū cuique inspectāri esse potest. Rursus quæ eorundē auaritia & habēdi ardor, pro deo vero huius mūdi māmonā in corde se colere facile prodūt. Denique quæ in ipsis non tam vitia quam vitiorū portēta cernuntur, Sathanico eos repletos esse spiritu palā faciunt. Postremo infœlices vitæ exitus, & plusquā tragici in plerisque illorū fines vltimi: totū ordinē, cōmunem cum Dathan, Chorā, & Abyram

*Rerū nouatores non religioni studebāt, sed regno inhiabant.*

causam, nō aliter nunc fouete cōvincunt: quā  
post hāc vitam cōmunia vtrisque supplicia fo-  
re, cōsimilis mortis species, & pariter tremenda  
prēnunciat. Sed quoniā quæ partim abominā-  
dam vitæ immunditiē, partim horrēdam mor-  
tis speciem euincant, exēpla inter eos cōplura  
quotidie, eaque non sine magno videntium stu-  
pore in omnium oculis cernuntur: ea silētio po-  
tius prēterire volo, quā eadē efferendo, illa scri-  
ptis mandare quæ lecta, piorum quidē tantum  
aures, at aliorum forsitam & animos offendere  
possent. Vnus est inter omnes coryphæus quem  
& ipsum vtinam absque multorum in religio-  
nis causa dāno plurimo prātermittere possem.  
Cui quoniam nostræ gentis plerique, neque  
ipsius ingenium, neque Sathanæ in suo instru-  
mento artificium satis edocti, pietatis testimo-  
nium deferunt: operæ precium fuerit quibus ar-  
tibus istam sibi conflatit opinionem paucis cō-  
memorare. Obscuris natus parētibus in Hadin-  
tona oppido in Laudonia nec vllis in adoles-  
centia institutus literis, quò victum sibi para-  
ret magis, quam vt deo seruiret (Simonis il-  
lius magi huc vsque sequutus vestigia) presby-  
ter primum fieri de more quamuis illiteratus tū  
in priuatis ædibus puerorum in vulgaribus li-  
teris formandorum curam capere coactus est.  
Animo interim tā vasto, & ingenio sic inquieto  
fuit, vt neque pro ortus sui loco, neque pro  
genere, neque pro educatione, vitæ conditio-  
nē sortiri satis haberet: omninōque nullam sibi  
satis magnam fortunam fore existimaret, quæ

*Presbyter**Ioannes**Knoxensis**Ecclesiæ**Scoticana**incendio**nobilita-**tus post**qualem**vitam,**quā hor-**rēdamor-**tis specie**sublatus.*

omium rerum immutationem secum non introduceret. Hoc consilio vulgares & imperitiæ plenos libros, quibus virorum Ecclesiasticorū partim vita, partim doctrina carpebatur lectitare, atque inde linguam nouis aliquot, & vulgo prius inauditis vocibus locupletare incipit. Mox paginas aliquot memoriæ mandans iis quibuscum familiariter vixit, præsertim scæminis non amplius elementarius institutor, sed nouæ cuiusdam, & purioris religionis professor videri volebat. Hinc cæso per proditionem in sua arce Andreopolitana Betono Cardinale, optimam euulgandis suis paginis occasionem consequutum se esse ratus, prorinus in eorum societatem se infert, qui crudelissimæ & indignissimæ pariter cædis authores, sanguinem nondum ablutum in dexteris suis portarūt: certò sibi persuadens nullam esse tantam inscitiam impietatemque, quæ si ipsorum horrendo scelere patrocinareretur, non summæ pietatis loco ad lubesceret. Nō ita diu post inde extract<sup>9</sup> dignas meritis daturus pœnas, impellendis longarum nauium remis, cum reliquis adiudicatur. Vbi lōgo maris tædio, & laboris molestia extenuatū quidem, & subactum corpus fuit: sed animi elatio cum subinde rerum magnarum spe extimulans, nihilo magis tunc quam prius quiescere potuit. Quippe ea expectatione effecit clam cum quibusdam communicata, vt familiarium facultatibus redemptus, qua vellet in Galliam, aut in Angliam libere proficisci posset. Anglia quod noua illa in religione dogmata sub

Edouardo

Eduardo introducta fouerat, opportunior visa est. In eam ergo prius cōcedens, ad reliquam nouitatis doctrinam, hoc vnum furoris plenum caput adiicere ausus est fœminas regnare non debere. Quo in vulgus disseminato magnam apud imperitos cū sibi auctoritatem cōciliauit, tum seditiōis materiam plurimam & periculosissimam suscitauit. Anglorum enim populus durissimis legibus principibus suis seruire coactus, cū primum ducem & authorem inuenit, quauis arrepta conspirandi occasione simul vniuersus ad arma conclamare solet. Eo fortē tempore imperij partes cum summo procerū fauore Regina Maria tenuit. Ea vt populū insanis indocti rabulæ concionibus in se concitari, iamque in armis esse audiuerat: celetiter cōscripto equitum exercitu, procerūque regni fulta præsidio, inermem vulgi turbam nec ordine, nec armis instructam fundit fugatque, ingenti in disiectos suos populares ædita strage, priusquam eques ad signa reuocari posset. Hoc perunctus sanguine vit sanguinis appetentissimus, mox se cum nobili & locuplete fœmina (qua simul & filia matris pellice familiariter usus fuisse putabatur) Geneuam se proripit: vt Anglia eiectus noua mouēdæ in Scotia seditiōis consilia excogitaret. Geneuæ quāquam inter doctos loco nullo per summam literarum imperitiā haberi potuit, adeoq; doctissimi cuiusque iudicio non rā pietatis aut religionis cuiuscunque sectator, quàm rerum temere nouādarum auctor studiosus putaretur: tamē refor-

matæ religionis prætextu inter eos, qui eadem hæreseos labe infecti erant, aliquandiu delituit. Et cum in bonarum literarũ studio per ætatem parum, aut nihil proficere se posse facile intelligeret, ab immundis spiriitibus quasi rerum futurarum gnaris, quorũ illusionibus Sabbaudia tota maxime verò Geneua obnoxia dicitur, pauca quæ suo tempore in Scotia vsu vêtura essent omni sagacitate explorat, exploratâque memoriz mandat: vt ista olim venditando coram imperitis, nouus aliquis propheta à mortuis reuixisse crederetur. Inde mortua in Anglia priore regina, & altera in eius locum suffecta, Londinũ reuersus, cum Iacobo Steuarto Iacobi quinti filio notho concreditur: cuiusque ingenium cum ambitiosum, & turgidum, tum nouis in religione opinionibus addictum subodoratus, paululũ secretioris illius doctrinæ, quam Sabbaudiæ hauserat, veluti diuinitus sibi reuelatum aspergit: fore dictitans, vt illo in Scotia regnâte per suũ præconium libertati veræque puritati restitueretur (sic enim dicere ausus est) Euāgelij doctrina, quæ tot prius sæculis sub non ferenda Papæ tyrannide exulauit. Quod dictum vt alter nõ aliter, quam ex tripode datum oraculum arripuit: mox factum est, vt illius ductu & auspiciis veluti postliminio restitueretur patriæ hostis ter perditissimus. Principio tamẽ sic verbis, vultu, gestu pietatẽ simulabat, vt nemo aliud quicquam quàm Euāgelij propagationẽ abs eo quærere existimare posset. At vt eiectis Ecclesiasticis viris patriis ritibus cõuulsis, & labefactaris legibus, authoritatẽ suam confirmatã sensit: tũ vero ple-



no gutture venenū prius occultatū euomit: ciues cū in principē armauit, tum inter se cōmisit, postremo mutuis cēdibus cāpos, vrbes, tēpla (quantū in ipso quidē erat) impleuit. Sic impius apostata peruerlis scripturis in pios debachatus, sceleratis autē semper parricinus, in miserorū ciuium funeribus latus nō paucos annos triūphauit. Tādem quod grauioris iudicij mox sequuturi argumētum erat, rictus oris in longū ad mirā vsq; deformitatē extractus, vt faciē canis referebat, ita eiusdē larratui vocē simillimā reddebat. Inde linguā quę potissimum nocebat vox destituit: nec ita diu post tabescente in dies corpore, mors patriæ gratissima sequuta fuit. Cuius hunc fuisse modum narrarūt ij qui interfuerūt, quique adhuc viuētis vltima excipientes verba prostratum subito corpus exanime, viderunt. Iacebat extremū agens spiritū, animo non tam in mortis, & peccatorū meditationē, quā in pręsentis huius vitę, & ciuilis administrationis studiū intento. Astabat turba non ita frequens, eorum modo qui ipsius sententię addictissimi cū summi prophetę loco venerabātur. Hi quū nō aliter quam sacrosancta oracula ea quę in vita dixerat omnia haberēt, tū quod ad superioris doctrinę confirmationem, & ad suam ipsorum consolationē seruire posset, auidē expectabant. Instabant igitur quod verba illa suprema prioribus digna & consentanea, ratione aliqua ab eo expressa audirent. Hic cum vltimam instare horam, & proinde nullum sibi amplius adiūmētum dissimulatę diu religionis

prætextum adferre posse intelligeret, Sabaudica illius disciplinæ quæ occulta prius semper habuit mysteria, palam & detecta ut aiunt fronte recludit, simul & iniustam potestatem confessus, quæ tum armis contra reginam eiectam defendebatur, simul & multa de reginæ reditu, & religionis restitutione post suum è viuis excessum profatus. Donec tandem scriba illius alioqui consiliis semper intimus, tam subito mutatam præceptoris sententiam miratus, & cū morbi vehementia delirium pati arbitratus, à scribēdo desistit. In quem ille cōtoris oculis, & multa verborū asperitate sic inuehitur: Homo nihili cur cessas scribere, quæ mens præfaga in regnum hoc euentura prævidet? An mihi diffidis? an nō quæ loquor omnia certo certius futura credis? At enim ut & tibi & aliis testatum reddam, quàm hæc quæ modo dixi explorata habeā: Ecce egredimini abs me omnes, & breui temporis momento ea omnia confirmata no-uo, & inaudito argumento reddam. Si bducunt se tandem quanquam ægre, solis in conclavi relictis luminibus accensis: & inde quasi prodigiū aliquod æcepturi, eodem denuo reuertuntur. Vbi lumina extincta, cadauer mortuum, ac in terram prouolutum vident. Hic in tam horrenda specie attoniti & hærentes, vnus quidem extinctorum luminum vnā, alius aliam causam tacitus apud se cogitabat: at nemo quæ facti absurditas videbatur, vel suam sententiam apertè dicere, vel quid alter sentiret sciscitari audebat. Tantū demortuum corpus in lectulum repo-

nunt, inuicem sibi ne ista à quoquā palam fierēt  
 præcipiētes: ne quod ab absurda mortis specie,  
 ad inlimulandam impietatis anteaſtam vitam  
 argumentum redūdaret. Sic nimirum peruerſo  
 amore cum proſequebātur, vt mortis ſpeciem,  
 quam haud dubiè ad conuincendam impietatis  
 ſuperiorem vitam extare atque palam fieri vo-  
 lebat Deus, illi omni ſtudio occultare, ac fructu  
 omni qui ab ea cōſurgere debuiffet, tum ſe tum  
 alios fraudare pertinaciter contēderent. Quan-  
 quam illud fruſtra fuit, Deo tū à ſcriba ipſo, nō  
 ita multo poſt cōſimili mortis genere ſublato: *ſcriba Ro-*  
 rum ab aliis quanquam inuitis confeſſionē cla- *bertus*  
 ram exprimente. Huic ſubiicere liceret alios *Kambel*  
 quidem multos, qui conſimilem vitæ rationem *a Pinkin-*  
 tenētes, ſinem vitæ neque latiore, neque ſpe- *cleuch.*  
 cie meliorem ſortiti ſunt. Alios etiam qui licet *Hi ſunt*  
 eadem vitæ iſtituta ingreſſi ſunt, communiaq; *Kellochus*  
 vt ille cum Diabolo colloquia pro futuris re- *miniſter*  
 bus explorandis habuerunt: tamen ſub vitæ exi- *in Lau-*  
 tum, facinorum admiſſorum clariorem confeſ- *donia &*  
 ſionem ædiderunt, non tantum priuatas cum *Villochus*  
 diabolo pactiones, & inita ſæpius colloquia *nūc apud*  
 profeſſi: ſed quod illius ſuaſu, & conſilio primū *Anglos.*  
 ad illicitas artes, tum ad nefariam perpetrā-  
 dam eadem inſtigati ſunt apertè profeſſi. Sed  
 quoniam ex eadem omnes ſchola prodierunt,  
 communia inſuper cum immundis ſpiritibus  
 tyrocinia exercuerūt: non in talium portento-  
 rum deſcriptione longius immorandum eſſe  
 ratus, ex hoc vno quale de reliquis omnibus iu-  
 dicium habendū ſit, cuique prudētī & prouido,

suæque salutis studioſo poteſtatē facio. Cuius  
 enim memoria tam ſœlix eſt, quæ ad flagitia nō  
 dico omniū, ſed paucorum, nō priuata, ſed to-  
 tius ordinis communia perſcruenda ſufficiat?  
 Nam ſi omnia Donatiſtarum ſcelera Optatus  
 ne conſequi ſe quidem potuiſſe palam profite-  
 batur, quanto minus quiuis huius tēporis, no-  
 ſtrorum *kenouāgelistarum* quàm Donatiſtæ olim  
 erant ter magis ſceleratum, impia in deum, &  
 homines flagitia enumerādo, deſcribere ſe poſ-  
 ſe putet. Quod à Donatiſtis Episcopuſ vnus, aut  
 forſitan alter deiiciebatur, impietatem inauditā  
 fuiſſe, ſagittatos innocentes, exarmatos fideles,  
 honore nominis ſui ſpoliatos eſſe ſacerdotes  
 proclamare non dubitauit Optatus: & nos qui  
 nunc viuimus, de publicis iſtis tū pacis, tū legū,  
 tum magiſtratuū omniū euerſoribus quid di-  
 cere, quidue ſentire tātis illorū flagitiis dignum  
 poſſumus? Episcopū nō vnum, aut alterum, ſed  
 omnes ſedibus deiecerūt. O iterū atque iterum  
 (vt cū Mileuitano loquar) geminata impietas!  
 Cathedras ſanctas ipſi tanquam ſæuiſſimi lupi  
 occupantes, in miſeras queſ crudeliſſimè graſſa-  
 ti ſunt, alias vorādo, alias in ſe inuicem tāquam  
 totidem canes armando omniū, denique ani-  
 mas (proh dolor) lethali veneno perimendo. O  
 ſacrilegium ſupra impietatem ter impium! San-  
 ctū Dei ſacerdotem, ſpiritualiſque iuriſdictio-  
 nis primatem interficiendum, indigniſſimèque  
 in crucē (quod nulli vnquā tyranni quātumvis  
 barbari in vnctū domini prius in Scotia facere  
 auſi perhibentur) agendū curarūt. Quid dicam,

aut quod sacrilegio grauius vocabulū cōminiscar, quod facti ipsorū simul viliissimā indignitatē, simul & crudelissimā immanitatē satis exprimat? In soliū deniq; regiū violenter irruerunt, deiectōq; magistratu summo, nō tantū in Principis personā modis omnibus sæuiendū esse edixerūt, sed de eiusdē anima (si diis placet) quēadmodū de iis omnibus, qui fidem integrā seruātis ipsius partes tutati sunt, condemnationis sententiam pronunciarunt: vt aliud reliquum nihil sit, nisi vt in cælum ascendentes Christum suo throno detrudant. Nullum enim ordinem tam sanctum, tam salutarem, tam ipsius Christi imagine, & authoritate insignitum in terris intactum reliquerunt, quem non subuersum sub pedibus conculcantes cōfuderint, imo è medio profus sustulerint. Sed benedictus in secula Dominus, qui licet multū lōganimis pœnas suas resipiscentiam præstolatus differat: iustum tamen iudicem tādē se monstrans, suppliciorūque grauitate pœnæ tarditatem compensans, quā superbix illius, atq; discordiæ maculā supra flagitia alia quantumuis prohibita inpensius oderit, ipsa mortis horrenda specie, non tantū priscis olim temporibus, sed nunc etiam omnibus aspicere volentibus manifestum fecerit. Neque enim dubiū est, quin parricidiū, & Idololatria duo capitalia crimina sint, contra domini præcepta duo (Non occides, & Non ibis post deos alienos) apertè pugnantia: ac proinde dignissima quæ seuerissime à Deo irato expientur. Et tamen & in priore Cainus & in poste-

riore Niniuitarum<sup>1</sup> populus deprehensus, præ-  
 sentes pro delicto pœnas effugit. Cainus  
 quippe non tantum à deo non percutitur, sed  
 ab altero occisus etiam vindicatur. Niniuita-  
 rum autem<sup>2</sup> populus parui temporis ieiunio,  
 & oratione indulgentiam promeruit. At qui  
 inducto schismate dei populum scindere prin-  
 cipio ausi sunt, ij vindictam domini cōcitatam,  
 quæ nec parricidam, nec sacrilegos apprehēdit,  
 subito & sine mora se corripientem senserunt.  
 Stabat ministrorum acies & multitudo sacri-  
 lega cum interdictis suis sacrificiis illico peri-  
 tura. Ecce autem mandata terræ fames est, quæ  
 statim fauces in populi diuifores aperiens, su-  
 blato omni pœnitentiæ tempore contempto-  
 res auido ore absorpsit. Intra nimirum mō-  
 menti spatium terra fissā patuit, rapuit, clausa  
 est. Et ne beneficium de mortis compendio  
 consequi viderentur: dum non essent digni vi-  
 uere, iis nec concessum est mori: sed tartareo  
 carcere subito conclusi, ante sunt sepulti quā-  
 m mortui. Atque hæc quidem de primis schisma-  
 ticorum parentibus, sumpta vindicta in veteri  
 testamento legitur. Sed nihilo secius sub nouo  
 testamento ipsorum filiis eadem repetita infli-  
 gitur. Tantōque verius certiusque, quanto in  
 corpore, quā vmbra, in veritate ipsa: quā-  
 m figura maior certiorque soliditas inest. Neque  
 enim si terra minime nunc dehiscat, ob id mi-  
 nus repētina dei iudicia nunc in improbos Ec-  
 clesię diuifores eise, quā olim erāt putādū est.  
 Præsertim quando manifestis iræ suæ indicis,

schismaticos ab aliis hominibus quantumvis flagitiosis, non tantum in reliquo vitæ cursu, sed in mortis etiam articulo determinet. Ut ex iis alios rationis<sup>1</sup> usu priuari, alios in rabiem converteri,<sup>2</sup> alios blasphemio ore pietatem omnem abnegare,<sup>3</sup> alios damnationis suæ sententiam adhuc viuos pronunciare,<sup>4</sup> alios demum in nictu oculi percuti, diabolo animam furibundam rapiente patiatur. Quæ miseranda spectacula iusto quidem Dei iudicio quotidie penè iterata, inter protestantium ministros quando cernuntur: tum eadem in aliorum qui ipsorum fraudibus decepti sunt, salutem misericorditer ædita esse constat. Nemo siquidem tam ferreo pectore esse potest, qui infaustam illorum vitam, infœliciorémque exitum conspiciat, fortisquæ suæ & præsentis & futuræ, si cum iis talibus perstiterit recordatus, nõ grauer extimescet. Neq; aliter quam si cum Dathan, Chore & Abyron in aciem procedendum denuò foret, ad horrendam diuini iudicij voragine sectionis & discordiæ authores sine omni misericordiæ spe in momento absorbentem exanimatus concidet. Fœlix profectò atque iterum fœlix is fuerit, qui impédētis periculi metu attonitus ab impia ista turba, in qua salus nulla, sed repentinus interitus est (dum adhuc tempus datur) se subduxerit: fœlicior, qui istorum talium serpentum venenatis moribus attactus nunquam fuit, qui verò spiritus virtute collustratus eorum errores detegere, & ora mēdicia atque amaritudine plena, ne aliis noceant fræ-

1 M. Alexander Spēs minister Cupressis in Fissa.

2 M. David Coles, regens Leonardinus i ministro- rum ordine valde nobilitatus.

3 Ioannes Carnis le- flor Edinburgensis, cuius socius i ministerio impiasmannus toto inspectate populo ipse sibi intulit.

4 Adamus Heriot Aberdonensis minister. Nicolaus Spittel ex monacho factus apostata. Angustis quidam minister ad Kingorne subita & insausa morte peremptus concidit.

nare possit, longe fœlicissimus, & Ecclesiæ domini utilissimus (meo quidem iudicio) censi debet. M 1 s. Audio sanè & intelligo nũc tandem quo maxime argumẽto adducis, vt contra quàm plerũque, rem breui in Scotia restitutum iri credas. Cũ enim (quod aiunt) leonina societas nullis commoda, & omnibus noxia & formidanda meritò sit: neminem mētis & consilij fore speras tam inopem, qui perspecta hinc quidem doctrinæ tantũ ad seditionem & legum omnium subuersionem tendentis impietate, illinc verò vitæ luxui & libidini seruiantis impuritate; non sponte sua ab istis nominatis quidem vulgo ministris, at re vera infernalibus locustis sese subtrahat. Maxime si horrendum dei iudicium secum reputet, quo eorum plerũque in tristi ac infœlici vitæ exitu percussi, quã grauis damnatio in futuro sæculo omnes in eadem hæresi contumaciter perstantes maneat, euidenter & ad oculum commōstrarunt. Et tua quidẽ præsens commonefactio (vt quod sentio dicã ad eorũ celerem resipiscentiã non parum collatura mihi videtur. Quippe te eũ esse sciunt omnes, quem ex officio istas habere pro Christi Ecclesia excubias non tantũ decet, sed etiam est necesse. Deinde cuius neque vitam despiceret, neque auctoritatem contemnere vel ipsi aduersarij possunt. Ac proinde ad nullum alium magis, quàm ad te descriptã prius fœlicitatem pertinere debere arbitratus, quàm potes sæpe, & acriter insta, non verbo tantũ, sed scripto etiam: quò quamplurimos de periculo suo ad-



monitos in salutis viam retrahas. Quoniam autem in examinanda secūda sanctitatis proprietate, quod non tantum veritatis studiosos iuuare, sed falsitatis etiā patronis ora obthurare possit, abundè abs te est allatum, nunc si ita videtur ad reliquas duas proprietates perge. Nisi fortè minus necessarium esse putes post vindicatas duas priores, in quibus maius negotium facturi aduersarij videbantur, in reliquis iminorari, quas nisi verbo tenus ne ascribere quidem sibi conantur. **E P I S.** Si prius positis fundamentis, quæ certissima esse constat, insistimus, de iis quæ sequuntur vel verbum facere minimè fuerit opus: quando nemo est tam impudenti ore, qui in Scotia aggrega- *Ministros* tam sine ordine apostatarum, monachorum, *non Eccle-* Sardonum, Tonforum, Sartorum ( quibus or- *sia vere* dinibus fere ministrorum numerus constat) *faciē, sed* multitudinem, Ecclesiæ vllam faciem referre, *plebi fa-* ne dum ipsam Ecclesiam vniuersalem aut Apo- *cem refer-* stolicam esse, vel verbo dicere possit. Sed quo- *re.* niam novos confingunt sensus, per quos de his etiam proprietatibus quemadmodum de aliis, litem mouere posse videantur: operæpretium profectò fuerit, quàm isti illorum sensus longè à veris definitionibus prius confirmatis absint, paucis excutere. **M I S.** Rectè sanè istuc consulis, quod toti disputationi non minorem lucem, quàm aduersariis ruborem, confusionemque animorum sit allaturum. Sed istos sensus dic, quæso, quīnam sint? **E P I S.** Quin per vniuersalitatem ea Ecclesiæ

latitudo intelligatur, quæ ab ortu ad occasum, à Septentrione ad meridiem protendatur, propter aperta scripturarum testimonia, negare se non posse intelligentes, pro vendicanda sibi vniuersalitatis proprietate præclarum hunc sensum effingunt: vt in omnibus nationibus Turcico quâuis imperio aut idololatriæ crassissime subiectis, quidam dei prouidētia conseruari intelligantur, qui Deum verum legitimo cultu in animis prosequētes, ab eo vicissim cognoscantur. In quo suo commento cum multis modis hallucinentur, tum in eo primum & facillime eorum inscitia deprehendi potest, quodd Ecclesiæ vniuersalitatem sibi seruare volentes, eam prorsus omnem & medio tollunt. Nullam enim extra se Ecclesiam nisi dei oculis visibilem ponunt. Quod quando dicunt aliud nihil sanè dicunt, quam Ecclesiam vniuersalem, quæ visibilis non sit, ne Ecclesiam quidem esse. Quippe si visibilis non sit, & in plures particulares Ecclesias, quarum singularum singulæ sedes constitutæ cernantur, non sit diuisa: ea profectò neque coire, nec de doctrina & moribus iudiciū ferre, nec in conspectu omnium tanquam lucerna ardens lucere, neque demum à principibus huius mundi in ipsius obsequium spiritus virtute adductis, munera capere poterit. Quæ omnia quando in definitione Ecclesiæ vniuersalis necessariò comprehenduntur, perspicuum sanè cuius esse potest, non tantum vniuersalitatē, sed & ipsam Ecclesiam, quæ sine vniuersalitate stare nō potest, à tam absurdi commenti

*Defensio  
seipsam  
impugnās*

authoribus è medio penitus tolli: vt nullo alio argumento testimoniòve ad eos confutandos opus sit, quàm quod ipsum sua absurditate supeditat. Si enim nullā Ecclesiam habeat Christus visibilem sanguine suo redemptam, præter eam quæ in Scotia est: si quæ reliquas mundi partes Hispaniam, Galliam, Italiā, Germaniam, Daniam, Sueciam habet Sathanas, præter dispersos aliquot solius dei oculo conspicuos, vt alicubi Augustinus, & ante eum Hieronymus contra Luciferianos, sic nos dicere possumus: Christum videri frustra mortuum, & crucis eius trophæa in nimis angustum terrarum angulum collata. Sed hîc credo copias suas ostentabunt, signa proferent, & Ecclesias cum quibus consensum in religione habent enumerâdo, quàm latos terrarû tractus, quàm amplas prouincias, quot quàmque populosas vbes occupent, in quantam denique longitudinem & latitudinem diffundantur instructo longo catalogo perrecensebunt. Principio in proxima vicinia *Ministros* Anglorum religionem, & suam vnā esse asserunt. *in Scotia,* At Angli negant, neque doctrinæ *cum ex-* capita, vt pro concione apud Scotos euulgantur, neque sacramenta cum iisdem cōsimili ad- *la cōmu-* ministrata modo admittētes. Flandriā inde ad- *nione iūgi* numerabūt. At in ea regione præter rebelles & incertis vagantes sedibus latrones aliquot, omnes Catholicam religionem profitentur & tenent: heluetios deinde Geneuenses & latissime illius Germaniæ populos innumerabiles secum in religione consentientes esse dicent. At quo-

modo istos tot tantósque populos in vnitatis & consensus circa religionem testimonium aduocare possunt? quando ij quos aduocant, infesto magis odio inter se, quàm contra Catholicos de religione decertant. Hinc videas Zuinglianos in Lutheranos, & in vtrósque Caluinistas acerrimè insurgentes: vt alias sexcentas sectas omittam, quarum vnaquæque in alteram armata existit: & quod iure miretur quispiam magis, ex vna eademque secta, sæpe prodeunt, qui se inuicem nunc hæreseos nunc tyrannidis accusantes, nouis se denuò sectis capita & auctores exhibent. Sic primi hæreseos architecti Carlostadius & Lutherus odia ad finè vsque inter se exercuerūt. Sic Melancthon & Mathias Flaccus se mutuò lacerantes, vtrèque alterū grauiorem ipso Papa tyrānidem in Ecclesiā exercere dictitabat. Sic Saxonici ministri in Helueticos & Geneuenses: & hi vicissim in illos scriptis continuis inuehuntur: vt neq; scriptorum aduersorum intermissio, neque odiorum asperimorum remissio vlla inueniri possit. O præclarum præsidium consensúsque patrociniū, potens & magnum, dignum planè quod ab his talibus clientibus in auxilium vocetur. Sed videamus sanè ecquid aliud sit, quo vel catholici, vel Apostolici nomen ad se pertrahere conantur. Vnum namque adhuc superesse memini, & illud quidem frequēter & multū ab ipsis vsurpatur argumentum, quo suam Ecclesiam pro Catholica & Apostolica efferūt. Istud autē est, quod in ea nihil tradatur, doceaturve, nisi ipsa

Apostolorum doctrina pura (vt aiunt) & puta. Itaque reiecta successionē ordinaria, veluti minime necessaria, ad doctrinæ iudiciū prouocāt. Haud sanè aliter quàm sepia quo piscatoris manum effugiat, emissio ex se atramento aquam perturbat. Ita nimirum boni illi viri captos se fore intelligentes, si ad successionē ordinariam, vel Catholici vel Apostolici nomē exigatur, ad scripturas confugiunt: vt sub deprauato earum sensu latitantes, persequētis apertam vim, quam propulsare nō possunt, eludere saltē conentur. Sed nā illi in duobus crassissimè hallucinantur & errāt. In vno quidem quod relictā vtriusque vocis definitione, à viris Apostolicis petita & astructa, post inanissimum ipsorum figmentum nos se pertracturos putant. In altero autē quod *Frustrā* resuscitados ex priscorū hereticorum cineribus *ad verbū* errores pro Apostolica doctrina nobis obtru- *à se adul-* dentes, quicquam præclara ad speciem Aposto- *teratum* lici nominis venditatione se profecturos spe- *prouocare* rant. Tempus sanè fuit, quādo apud simplicio- *ministros* res vterque hic prætextus, ad deceptionē valere plus poterat. Nam & quid illud sit quod verbū dei impudenter contra doctores omnes, contra Apostolicos viros, contra ipsos Apostolos dicunt: & quam ob causam ad illud tam studiose confugiunt, neminē amplius latere potest. Verbum enim dicunt id modo esse, quod typis commissum in veteri & nouo testamēto nunc extat: prout eum sensum qui ipsis maximè adlubescit, quamuis contra totius Ecclesiæ consensum, recipere possit. Ad quam absurdā ver-

cularibus Ecclesiis latissimè per orbē terrarum dispersis ostendant. Aut sanè vt ab ipsa re longissimè sunt, sic cum nomine vel Catholici, vel Apostolici commune sibi nihil esse fateantur. Ex duobus enim alterum subire eos est necesse: si quæ probata prius sunt nobis & illis simul maneant, vti vel Catholicæ & Apostolicæ nomina sibi assumentes, alios aliis succedentes ordine vsque ad Apostolos continuato ostendât: vel si hoc non possunt, certè inanibus titulis, quibus res nulla respōdeat nudari se & exui patiantur. Sin neutrum volunt, an non palam vel cuius esse potest, vi rationis eos constrictos ad id proteruiæ descendere, vt in veritatem agnitam recalcitrare magis, quam eandem ingenuè fateri velint. **M 13.** Perquam sanè manifestum. Sed quid illis facias qui conclusionis tuæ euidētia minimè perspecta, iustam pro se defensionem habere ministros credunt, quamdiu, de doctrina iudicium fieri petentes, eam omnem ad Apostolorū scripta referunt. **E P 15.** Quid aliud istis viris faciendum esse iudicarem, quam vt vicissim ab illis petatur, si ab errore & damnanda hæresi recipere se aliquando, aut etiā, quādo in veritate sunt, eandem diu seruare volunt: vti peruersa ista explorandæ tenendæque veritatis regula omniumque fallacissima, abstinere perpetuò pariter velint: ne scripturis ex priuato cuiuspiam sensu expositis, quàm iisdem secundum vniformem totius Ecclesiæ consensum in omni loco & tempore exacto illustratis, maiorem fidem habēdam esse existiment. Præ-

sertim quando solam hanc paucorum contra Ecclesiæ consensum insurgentium superbiam, erroribus omnibus qui vnquam succreuerunt, radicem, & per quam in Ecclesiam ingressi ad eam turbandam inualuerunt, vnicam ianuam extitisse constar. Cui sanè petitioni quando ea & æquior est, & cùm illorum salute & Ecclesiæ pace magis coniuncta, consentaneum profectò fuerit, vt priores illi assentiantur. Quò autem vtriusque postulati tum huius æquitatem, tum alterius iniquitatem meliùs deprehendere possint, nihil prius aut potius faciendum esse arbitror: quàm vt doctrinæ illius, quam tã opere iactitant Protestâtes capita, ad primos suos auctores reuocentur. Sic enim ab auctoribus ad dogmata, quemadmodum vicissim à dogmatibus

*Protestâ-  
tium pri-  
mi quæto-  
res qui, et  
qualis suc-  
cessio.*

ad auctores reciproco ducto argumento, quàm quæ nunc passim doctrina pro Catholica & Apostolica obruditur, vere Apostolica sit, facillimè certissimèque intelligetur: quando, vt ait alicubi Hieronymus, ad primos fontes hæreses reuocassè, easdem abundè est confutasse.

Hanc igitur apud eos initurus gratiam singulorum capitum, quæ cōtra Ecclesiam nunc defenduntur, primos auctores norabo: de quibus per me quidem licebit vt vel ipsi iudicent, vel magistros suos cōsulant, si qua ratione primos illos auctores Apostolicos viros, ac non potius ab Ecclesia omnes ob id tantum quod ista talia dogmata innexerint damnatos, conmoi strare possint. Et liberum quidem negatū arbitrium, quod inducta necessitate multis clamoribus,

nunc etiam negatur, Simonem Magum auctorem habuit (vt est auctor Clemens Petri successor) quem Marcion & Manichæus in eodem doctrinæ capite sequuti, à Tertulliano sunt confutati. Hos rursus Habailardus à Bernardo multis correptus & Huiclephus in Constantiensi & Basiliensi Cōcilio damnati exceperunt. Sanctorum inuocatio & reliquiæ ab Eusthario contemptim exceptæ, quem eo nomine Cōcilium Gangrēse damnauit. Hūc excepit in eodem errore Vigilantius ab Hieronymo seuerè & acriter reprehensus. Bona opera impugnari cœpta ab impuro cane Iouiniano, quem Hieronymus iridem duobus in eum descriptis libris longissimè ab omni Catholicæ, aut Apostolicæ Ecclesiæ communione esse, multis commonstrauit. Fidem solam ad salutem sufficere docuerunt, non Apostoli, sed eorum tempore quidam ex Pauli verbis malè intellectis errorem istum colligentes: contra quos & suam scripsisse studio epistolā Iacobum Augustinus vult. Post quos in communi errore sequutus est Eunomius, & hic ab eodem Augustino in tractatu de fide & operibus redargutus. Eandem resuscitare doctrinam conatus est Almericus quidam dicens: Existentibus in charitate, id est, fidem viuam habentibus peccatum nullum imputari, vt est author Platina in vita Innocentij tertij. Contra delectum ciborum & ieiunia, & dierum differentiam pugnabant Acrius & Iouinianus, vt est auctor Epiphanius & Hieronymus. Missam denique blasphemio ore Petrobussiani prosci-



*In homil.  
in canticis  
cantic.*

dere primi fere omnium sunt ausi, & hi à Bernardo & Petro abbate Cluniacensi erroris conuicti. Neque alia ratio cæterorum est quæcunque demum contra Ecclesiæ cōsensum nostri protestantes hoc tempore defendunt. Quapropter quando communem cum superioribus istorum dogmatum auctoribus causam fouēt, aut illos priores, Catholicos & Apostolicos fuisse, & in Ecclesia sine labe hæreseos vixisse ostendant: aut si id non possunt, de se discipulis & sectatoribus idem haberi iudicium patiātur, quod de præceptoribus & auctoribus prius Ecclesia omnis omni anteacto tempore habuit. **M r s.** Tu quidem consentaneè istuc inferis, nisi fortè tertium hoc supersit, vt non se cum supra nominatis hæreticis in præmissis doctrinæ capitibus cōsentire ostendant. **E r i s.** Istud sanè, vt dicis, tertiū est, quod vt ipsis solum salutiferum, sic Ecclesiæ pacem allaturum esset: si relictis discordiæ consiliis ea doctrinæ capita, quæ cum hæreticis contra Ecclesiam pertinaciter hucúsque defenderunt, ad se reuertentes damnare vellent, atque in posterum modestè atque humiliter de se sentiētes, cum Ecclesia contra hæreticos incedere dehinc pergerēt. Verūm istam pacis communis ac suæ ipsorum salutis etiam eorum cæcitas non videt, nec visam ingredi velana superbia patitur, tātūmq; abest, vt in doctrinæ capitibus, quæ natua Ecclesiæ signa iure vocari possunt, à damnatis hæreticis semet seiungant, vt tum in his tum in aliis omnibus externis ritibus, cum quibusuis quantuna-

*Protestā-  
tes à Ca-  
tholica Ec-  
clesiā om-  
nibus dis-  
sentire.*

uis damnatis hæreticis contra Ecclesiam sanctam consentire præclarum ducant. Id quod facile quivis intelligat ex iusta eorum, quæ ab ipsis nunc in contemptum Ecclesiæ fiunt, contra ea quæ in Ecclesia observanda præscribuntur antithesi. Quam quidem antithesim quivis seriem caracteris ab Epiphanio prius descripti sequutus, optimè (meo quidē iudicio) sic fecerit. Virginitatem sacram fundamenti loco sancta semper coluit Ecclesia. Eandem illi tum viri tum mulieres non aliter ac Iudei olim abominantur: illud domini quasi præceptum ad omnes pertinens in ore frequenter habentes: Crescite & multiplicamini. Ad virginitatem Ecclesia sancta solitariam vitam adiecerat. At illi eandem execrantur: simul & eos omnes qui ad eam se componunt, veluti *μωραὶ θεώπους* officiique, & charitatis patriæ & proximis debitæ violatores damnant. Sancta Ecclesia continentiam etiam matrimonij tempore, post dissolutum verò per vnius partis mortem matrimonium, viduitatē in honore habuit. Hi quoad vires Veneri servitutæ in corpore durare possunt, utramque omni studio aspernantur & refugiant. Sancta Ecclesia sacerdotium pro ministerio obeundo ex virginibus tantū, aut certe ex continētibus desumpsit. Apud illos qui ministerio fungatur nemo ferè aptus iudicatur, nisi qui accepta subinde post vnā altera vxore, exercitatissimum se militem in castris Veneris præbuerit: totūque se in fœmineo complexu obtriuert. In Ecclesia sancta diuersi ordines

præter & supra Laicos cernebatur: Episcopi nimirum, presbyteri, diaconi, subdiaconi, lectores, Eporciste, & ianitores. At apud illos ordinum distinctio nulla, quemadmodum nec vlla clericorum à plebeis separatio existit: quin potius cum ex omni populo, tum ex infima eiusdem fœce vilissimus quisque sacramentorum administrationi præficitur. In sancta Ecclesia feria 4. & pro sabbato ieiunare solemne fuit: die verò dominico ieiuniū exercere anathema semper credebatur. Hi cōtra die dominico ieiunia publica indicare, pro sabbato verò epulari, atq; conuiuando carnis vesci gloriosum ducūt. Staras ferias veluti diem Natalis, Epiphaniarum, Paschatis, & Pētecostes piè & religiosè obseruat Ecclesia. Easdem illi in vilissimo quoq; opificio profanas habere non dubitant. Quadragesimā Ecclesia sancta & siccorum vsum studiose obseruauit. Et hunc, & illam quemadmodum omnem aliam salutarem corporis castigationem, protestantes tanquam totidē ventri seruientes belux repudiant. Tremendum communionis mysterium non nisi sacramentali præhabita peccatorum cōfessione, sancta Ecclesia administrat. Hi autem impuris manibus sacra profanantes obuiis quibuscque non tantum sine peccatorum confessione accedentibus, sed vino insuper multo madētibus panē benedictum offerunt. Sancta Ecclesia matutinos & vespertinos hymnos, vnā cum orationibus ad Deum fuis decātat. In illorum conuētū orationibus & hymnis per tempora distributis, adeo nullus, locus relinquitur: vt in Ecclesia

quoties cōuenitur, toties orādi partes, quasi superstitiosæ, & quæ à singulis peragantur minus decētes, vni concionatori delegātur: qui & ipse non tā spiritualia bona inter orādum, quàm tēporalia quæq; sibi ac suis petere, simulq; hostibus aduerſa omnia imprecari solet. Ecclesia sancta diuersis ordinibus religiosorum consilia domini modo quanquā dispari perimplere conantium, distincta variè & ornata semper fuit: adeò vt in ea alios vni, alios verò alteri seueritatis disciplinæ astrictos cernere fuerit: qui tamen oēs contra mundi pompam, & propriam suam voluntatem fortissimè dimicarint. Apud illos si rem Ecclesiasticam spectes, rerum omnium & ordinū cōfusio perturbatissima deprehēditur: simul quæ ad Euangelij perfectionē pertineant consilij opera prorsus abrogātur. In sancta Ecclesia priſci Patres, quò carnē suā in spiritus obsequiū facilius trahere possent, nūc humi iacentes, nunc sacco se perpetuò induētes, nunc lōgis vigiliis sese assuefacientes corpora sua macerabāt. At hi quibus carnē accendār, irritentq; nouas artes quotidie excogitāt. In sancta Ecclesia hospitalitas, eleemosyna, publicorū operū, veluti templorū, pontiū, cœnobiorū constructio reparatiōq; tanquā fidei fructus vigerūt. Apud illos nō tātū nihil his talib' operib' impēditur, sed destructa passim publica oīa monumēta in priuatorū vsus conuertūtur. Magiā & veneficiū abominata sancta Ecclesia seuerissime semper vindicauit. At apud illos nullas alias artes magis familiares, studiōsiūsque cultas atque in maiori

*Exemplo  
est Danid  
Ferguson  
ad mace-  
radas car-  
nes Bubi-  
las pipe-  
re proſa-  
le vtens,*

pretio habitas agnoscūt oēs qui ipsorū facta & mores nouerūt. Sācta Ecclesia ad Ecclesiasticos ordines, negotiatores multò autē minus fœneratores admittere nō vult. In illorū ministris nemo est, qui non negotiandi simul & fœnerandi artibus apertissimè inuigilet. Sancta Ecclesia non ab iniustis & iniquè viuentibus oblationes accipit. Hi criminū multas non tantum sponte oblatas capiunt: sed ab inuitis etiam extorquēt. In sancta denique Ecclesia plerique sua vèdūt, & dant pauperibus. Hi contra, omnes quisque quo se ditet, pauperes spoliāt. Postremò vt infra cancellos caracteris ab Epiphānio descripti memet contineā, sic in sacramentorū ritu ministrādorū, sic in vestimentorū vsu, sic in verborum prolatione & actionibus singulis cōtra pręscriptam & obseruatam ab Ecclesia formam hi se cōponunt: vt facile quiuis intelligat, omnia alia postposita cura, eos in hoc solū inuigilasse studium, quo cum hæreticis quidem omnis generis, omnisque temporis, ea lege conuenirēt: vt cōtra Ecclesiā veram dicere, sentire, ac facere omnia viderentur. Probe nimirū memores pręclarę illius sentētię quam coryphæus ipsorum Lutherus de calicis vsu Sathanico ore pri<sup>o</sup> protulit: nulla se alia causā calicis vsū laicis communē facere, nisi quòd Ecclesia Romana eundem auferat: quòd si autē ipsa eius vsū concederet, tum se ablaturum. Et sanè ad eandem se componētes regulā, palāmque & pro cōcione pfitentes nostros hoīnes audias, multa esse, quę i Ecclesiasticis ceremoniis lubēter approbarēt,

tenendâque adhuc dicerent, nisi quod cum catholicis consentire in villo, nefas sibi esse ducât.

Quæ cum ita sint, & bellum ex professo Ca- *Exher-*  
 tholicis solis indicant, cum hæreticis aliis *tatio ad*  
 quibusuis facillime consentientes: reliquum sa- *Symmy-*  
 ne nobis fuerit, vt patrum nostrorum ægre- *stat.*

giis, & vere memorandis contra hæreticos sui temporis facinoribus animati, ad finem vsque certaminis fortiter perduremus. Nam (vt ait quodam in loco grauissime Leo, prorupit in apertum perfidia, & in nefandissimam hæresim vnus imperitissimi asseclæ perditè transferunt. Quapropter quasi tempus probationis nostræ iam adsit, contra imperus aduersantium munitionibus cœlestibus fretos præparare, neque in re noua trepidare, aut pugnam hostium metu detrectare, omnium vero minimè de victoria reportanda desperare nos tam diu exercitatos, tamque multis maiorum exemplis confirmatos conuenit. Has enim tentationes quæ dimoucant argumēta plurima potentissimâq; ad ea quæ supra diximus historiæ insuper Ecclesiasticæ vsus vel mediocris suppeditabit. Inde nâque repetitis ex temporum serie Ecclesiæ laboribus, quiuis facile intelligat nō semel, atq; iterum, sed perpetuo Ecclesiam cum hæreticis conflixisse: sic tamen vt patientia supra hostium pertinaciam eluctâte, victrix semper sub finem euaserit. Quod si quæ olim, eadem nunc in Ecclesia causa sustinetur: si qui patribus nostris, idem nobis belli dux existit: si communia arma eadēque signa agnoscimus: si aduersarios de-

mum non tantum per omnia confimiles, sed  
 imbelles magis & minus exercitatos habemus,  
 Quid est quod de victoria reportanda etiā bre-  
 ui temporis momento dubitemus? Dux nobis  
 Dei spiritus est, qui Ecclesiam cui donatus cre-  
 ditur, nō magis quam ipsum se deserere potest.  
 Arma ipsius dona spiritualia, quæ in totam Ec-  
 clesiam & singula eiusdem membra vera effun-  
 dere nō cessat: quibus lachrymæ nostræ, & pre-  
 ces non sine fructu magno subseruiunt. Aduer-  
 sarij denique nō eruditione clari, nō vitæ puri-  
 tate conspicui, nō vlla potestate ordinationeue  
 legitima fulti, nunc (vt olim) nobis opponun-  
 tur: sed ex fæce populi tam impudentes quam  
 indocti rabulæ, impuricanes, promiscui aliquot  
 conuenæ, & vilissimarum artium serui prædæ  
 futuri loco obiciuntur. Cum quibus certare vt  
 gloriosum minus est (ad hūc modum Deo pro-  
 pter peccata nostra nos puniente) sic animos  
 dare nobis quantumuis infirmis haud medio-  
 criter deberet. Nos autē qualescūque demum  
 sumus, certè domini sumus, quos ille pro se le-  
 gatione fungi in terris voluit: certè populi pa-  
 stores legitima ordinatione cōstituti: certè spi-  
 ritualem Dei gratiam legitima sacramentorum  
 administratione dispenſandam nobis concre-  
 ditam habemus: & (quod omnis creaturæ præ-  
 stantiam, ne dum nostram infirmitatem infini-  
 tis gradibus superat) immēsa dei erga nos suos  
 seruos dignatione, supra Angelos officij iure  
 constituti, corporis sui oblatione, & pro popu-  
 lo ad deum patrem intercessione, communis

curæ & solitudinis partem capere à Christo ipso iubemur. Quæ cum ita sint ecquid de felici certaminis exitu, & victoria læta dubitare possumus? Actum profecto de aduersariis, & finitum certamen iamdiu fuisset: si nos ad officium reuersi, postpositis aliis studiis quæ has nobis turbas olim dederunt, deum toto corde sequeremur. Nostram ille Deus bonus & corū qui sub suis signis militant, hoc tali exercitio salutem operatur. Ad eum finē vt nos aliquādo exercitatos satis & sibi penitus subiectos reddat, pugnam extrahit. Neq; sanē aliter quam in veteri populo sub Cananæorum & aliorum circūiacentium populorū metu, Israëllem castigatum longius ad se tandem redire docuit: ita & nunc ad nostram ignominiam, aduersariorū & eorum quidem impotētissimorum vires durare patitur: vt hoc veluti flagello excitatos nos ad se maiori studio sequēdum prouocet. Quod vbi consequutus fuerit, nulla amplius interposita mora profligatis aduersariis pristinam Ecclesiæ pacem restituet. Quocirca cū vnicam resipiscentiæ nostræ tarditatem impedimento esse constet, quo minus re tota confecta discussas hæreses, & veritatem Euangelij in Ecclesia Scoticana confirmatam denuò videamus: pro viribus vnum hoc impedimentum amoliri contendamus: sancta sanctè tractare discamus: profligato peccato (quod omnis huius mali haud dubiè causa, & fons exitit) membra nostra probe castigata in seruitutem domino addicamus: nōsque ipsos, & nostra omnia eidē



consecrantes, officium commissum sedulò & diligenter obire satagamus. Tum enim primum portæ illæ inferorum, valida domini manu percussæ effringentur. Tunc vectes illi ferrei dissilient & disrumpentur. Tunc denique aduersariorum potestas omnis, non aliter ac si nūquam fuisset, in fumum resoluta euanesceat. Nō populi robur, non procerum potentia, non ministrorum perfidia, non vllorum aduersariorum pertinacia obstabit: quo minus in die visitationis suæ dominus cuncta peruadens, Ecclesiam suam apud Scotos ad tempus pro delictis nostris dissipatam recolligat, recollectamque pristino suo nitore restituat. O diem nobis quidē ter desideratū, sed hostibus veritatis, plusquam dici, aut etiam cogitari potest, tremendum! Cuius vnus expectatione, vt nobis quæuis pericula subire, aut tormenta quantumuis grauiā perferre, leue adeoque suaue, & iucundum fuerit, ita eiusdem metu & horrore illos, vel in rebus suis maximè secundis concidere & exanimari (quoties in mētem eius cōsideratio venit) penitus est necesse. Hunc diem vtinam vel nūc tandem, præclara quondam, nunc vero misere dementata Scotia ob oculos sibi statuat: quod accensam domini iram iamque subito omnia vastaturam, vel modico temporis momento anteuertere posset. Vtinā & suam ipsius nuditatem aspicere, & ignominiam multam, cui præ aliis omnibus gentibus nunc subiaceret recto iudicio cōsiderare queat. Quæ pastorem primum ipsa suum percussit: tum principem exturbauit:

postremo sacra omnia prophanauit: iura immutauit: omnem denique dei cultum ac inter homines fidem è medio sustulit. Scilicet tu tibi Scotia his gradibus viam ad fœlicitatē, ad opes, ad gloriam parasti. Ac non potius ridendam te omnibus gentibus exposuisti, in summam inopiam, atque miseriam coniecisti, eoque tandem desperationis rerum omnium ter te ærumnosam adegisti, vt neque viribus ipsa tuis stare, nec ab aliis populis (cum quibus dum res tibi præclare steterant, cōfœderata vixisti) auxilium in rebus aduersis expetere possis. Sic nimirum Deus voluit vt peruersum semel sequuta consilium, eorum quos misera & dementata tibi delegisti duces, omni & interno robore temet spoliare, & externo præsidio per impiā à Deo alienationē, & proinde à piis omnibus factam separationem, indignam te redderes. Neque tamen hoc dementiæ tuæ caput supremum esse pateris, sed grauē domini manum satis iamdiu quamuis experta, grauiorem etiam (ni subito resipiscas) impendentem videns, non tantum causam à te profectam esse non agnoscis: sed in eiusdem defensione vltro persistis: sed eandem propagare atque iniuriam iniuria cumulare omni studio adniteris. At enim tuo te id damno facere tandem aliquando comperies, quando tardidatem pœnæ supplicij grauitate pensaturus instabit dominus. Neque enim ira eius accensa semel in te, restinguetur denuo, nisi ad te reuersa pro scelerum admissorum expiatione, tam euidentia resipiscentiæ argumenta exhi-

*Apostrophæ ad Scotiam.*

bueris, atque contumaciæ & rebellionis testimonia prius edidisti. Nota illa est infœlicis Oedipi apud poetas tragicos ærumna, qui flagitio admissio, & se, & populum ultionibus horrêdis implicuit: quæ prius sedari non potuerunt, quàm quod in capite designatum fuerat malum, eiusdem authore extra terræ fines profligato expiaretur. Nota est & in sacris literis Abimelechi illius insana ambitio, & Sichemitarum illum talem spurium ad populi regimen cooptantiû stulta temeritas. Quos sibi inuicem flagelli loco seruire vtrinq; expressis meritis pœnis, diuina effecerat prouidētia. Dū & populus Sichemitarum ab eodē, illo à quo fœlicitatem summam consequuturum se sperabat, bonis & vita spoliatus fuit. Et ille vicissim infirmissimæ mulieris manui turpiter succumbens, iniustorū laborum præmiû perfidia & ambitione dignissimum reportauit. Nota denique est tumultuaria illa populi Israëlitiçi à Roboam deficientis, & Ieroboã sine mandato sibi præficientis conspiratio: quæ præterquam seueris castigationibus in rege, in populo, atque eorum posteris vindicata fuit: insuper vltimam illam, & omnium grauissimã Dei ultionem prouocauit: ut non tantum populus & magistratus, sed ipsum etiam sacerdotium horrenda cæcitate, & errorum tenebris percuteretur. Horret sane animus tremenda ista dei iudicia secum reputans: quoties ad ea quæ te Scotia manent cogitationem reflectit. Quæ quãta quàmq; graua futura sint, cùm ex aliis superioribus æstimare liceat, tū cõ-

parationem ubi minimè opus est instituire nō libet. Tantum pro ea cura quam erga omnium meorum gentilium salutem, & tuam fœlicitatē gero, iterū atque iterū te oro, & ex officio meo in visceribus Iesu Christi monco, ut vndenā excidisti & quod adducta es: quantum quamque præclarum omnium populorum, & totius Ecclesiæ consensum reliquisti, & quorū nūc qualiūque societate gaudes: quibus parere quōdam solita, in quā indignam servitutem redacta es: postremò qualem bonorum omnium, tū hīc, tum in futuro sæculo spem expectationēque, cum quali quāque tremēdo grauissimorum utrobique suppliciorum metu commutaveris, apud te considerare velis. Quo hinc tandē tuam miseriam nimīū ærumnosam edocta, sero saltē sapere, atq; iudiciū de te vltimum paululū antevertere possis. Id quidē est quod tui studio dies atque noctes à domino precibus contēdo. Idē pro quo vitā lubēs erogare, tantūque nō anathema fieri cupio. Idē denique ad quod curam meam omnem, & cogitationem in domino: cōfero certus, si quod volo successerit, id tū in patriæ dulcissimæ salutem, tum in cōmunem Ecclesiæ totius non modo militantis, sed etiam triumphantis lætitiā redundaturum: sin minus (quod auertat Deus) meum tamen apud dominum iustum iudicem ac retributorē, meritum, per immēsam ipsius misericordiā nihilo magis diminutum iri. M r s. Tu quidem grauitè, & ut tui ordinis hominem decet, istam tuam instruis admonitionem: Quam ego non

lingua proloqui potest. Sed enim quando istos tales rebelles futuros constat, qui ad sanitatem nulla ratione reduci se patientur: quanquam omnibus succurrere Christiana charitas cupiat, eos tamē qui ad finem vsque sic pertinaces permāsure sunt, puniat, perdat, & consumat Deus: vt Ecclesiæ interim suæ misereatur: quam sic protegat, purget, & propaget, vt sectiōis scandalum ab impiis inductum reparet & eluat, hypocritarum fraudulentas artes detegat, inter pios denique, & impios iustitiæ simul, simul & misericordiæ suæ memor, discrimen sic clarum statuatur, vt filij sui regnum confusionis, proditionis, diuisionisque macula liberatum, apud gentes diuini cultus nescias bene audire, & apud sanctos in terris, & angelos in cœlis vere gloriosum apparere possit. E P I S. Nectu quidem male secūdas istas partes meo quidem iudicio agis, tuo maxime exemplo, & pios ad patientiam, & pertinaces ad resipiscētiā hortatus. Vt non possim non vno hoc præsertim nomine vehemēter te laudare, aut de tua poti⁹ tam insigni mutatione gratias deo agere: quod ex quo ad Ecclesiæ gremium rediueris, nihil prius aut potius habeas, quàm vt quanto tibi & aliis damno prius extiteras, tantum adiumenti omnibus in errore adhuc hærentibus, hoc tuo saluari exemplo ad omnes euulgato adferre tandem aliquando possis. Neque dubito si in eo tali conatu à tam pia voluntate profecto perseueraueris, quin & delicti prioris veniam, & maioris in futurum gratiæ augmentum, per

immensam domini bonitatem consequeris. Vnum modò fuit sub finem sermonis tui caput, quod à quodam efferuescentis ingenij calore, aut incòsiderato forsitan zelo profectum, si nò censoria nota castigandum, certe admonitione leni temperandum, ac veluti candidè interpretandum mihi esse videtur. Id autem est in quo immota atque inflexibili aduersariorum pertinacia prouocatus, iisdem non modo bene non precari, sed quibusdam etiam imprecari ausus es. Quod certa licet conditione limitatum, quàmquam iure & merito abs te factum videri potest: consulo tamen vt Ecclesiæ, pro perditissimis etiam hostibus perpetuo orantis, morem obseruandum potius existimes: quàm in quo hæreticam prauitatem, cum bonis omnibus & piis, maxime damnas: tu eiusdem vel per negligentiam imitator, vel per vllum peruersum studium affectator deprehèdaris. Consentaneum enim cum primis est, vt preces & vota filiorù, non hostium malitiam, sed piæ matris Ecclesiæ clementiam sapiant: & cum huius tum illorum desideria, ad spiritum exigantur capitis Christi. Qui tēpore passionis amarissimæ pro se persequentibus, solemné hāc orationem ad patrem fundere non dubitauit: Pater ignosce iis, quia nesciunt quid faciūt. Ad eius igitur exemplum, pro hostibus iudicio tuo deploratissimis, non tantum studio indefesso ora: sed quasi spes contra spem perpetuo tibi fouenda foret, occasionem nullam prætermitte: qua siue docēdo, siue hortando, siue increpando acrius, & veluti cō-

tendendo ab errore eos in rectam viam reuocare possis. Quoniam autem quod initio postulasti perfectum habes: ac ita perfectum, vt de iure & clauibus Ecclesiæ, neque pij & fideles dubitare, neque infideles & impij quæstionem amplius mouere possint: hoc quem inter nos habuimus, ad illos etiam trāsmissō sermone, ab iisdem meo nomine quantum potes contēde: vt tantisper ab Ecclesiæ titulo per ludibrium vendicādo abstinere velint, dum vel argumenta & testimonia allata confutauerint, vel contra eadem si non certiora, saltem probabilem aliquam speciem habentia totidem opposuerint. Tu interim Ecclesiæ memor fœlicem eiusdem propagationem, conseruationem, & purgationem perpetuam à Deo patre per Iesum Christum filium assiduīs tuis precibus contēde: sic mecum subinde communem vtriusque spiritum sanctum interpellans:

*Exurgat Deus, & dissipabuntur inimici.*

Non miretur, multo autem minus offendatur candidus lector, quod in tam paucis foliis, tam multa errata castigatoris manum effugerint. Nam dum hic alio quodam opere distineretur, & interstinctionum puncta à Typographis ipsis præstari facile posse putaret: factum est non tam ipsius culpa quam fiducia nimia & securitate, ut non pauca maximè in primo folio neglecta, tum in dictionum corpore, tum in earundem interstinctione manerent. Ex quibus quæ legentem remorari, aut offendere possunt fere hæc sunt insigniora in hunc modum restituenda. In primo folio a.

Episcopus Orthodoxus sine commate in b fallor, sine parenthesis. Et 5. folio a, didici & freti, à verbi & 16. a universalitas, & b cingens et in 26. a abolitū et versu 27. b. M i s. Cōsentanea. Et 32. a vultis 33. Illustrandā.

Fol. 40. b. lin. 22. ab ipsis. fol. 44. a. lin. 18. semper. fol. 44. b. lin. 7. occasionem. f. 47. plebei & iterum plebeos. fol. 48. nimirum. b. dicuntur. in eodem dissidentes. fol. a. 57. peragendos. fol. b. 58. imaginem. fol. b. 60. monendum. fol. a. 62. insectentur. f. 68. a. 8. seruantes. f. 69. a. 31. mendacia. f. 75. a. damnatis. f. 79. b. & ille. f. 80. a. in domino confero.









9-3-3

